

4  
DE RECTA LATINI GRAECI-  
QUE SERMONIS PRONUN-  
TIATIONE, DES. ERASMI  
ROTTERODAMI DIALOGVS:

*In hac nouissima æditione locupletatus.*



L V T E T I A E,

*Ex officina Rob. Stephani typographi Regij.*

M. D. XLVII.

THE UNIVERSITY OF CHICAGO  
LIBRARY  
1207 EAST 58TH STREET  
CHICAGO, ILL. 60637



UNIVERSITY OF CHICAGO  
LIBRARY  
1207 EAST 58TH STREET  
CHICAGO, ILL. 60637

GENEROSISSIMO ADOLESCEN-  
TI MAXIMILIANO A BUR-  
GVNDIA, DES. ERASMVVS RO-  
TERODAMVS S. D.

Quod tanto affectu nostras literas de-  
sideraris Maximiliane charissime, ue-  
hementer quidem grata mihi fuit a-  
moris erga me tui testificatio, nec hac  
in re grauate morem gessi tuæ uolun-  
tati. Nam licet obrutus uerius, quàm occupatus nego-  
cijs, tamen epistolam αὐτογραφὸν ad te miseram, quod  
facile coniectarem, eam ita tibi fore chariorem. Cæte-  
rū quod interceptam ægrius tuleris, quàm siquid ea-  
rum rerum perisset, quæ tibi maxime sunt in delicijs,  
magnam, ut ingenue dicam, ex tuo dolore uoluptatem  
cæpi, non dubijs argumentis perspicienti, te quum in  
Annæ clarissimæ fœminæ auicæ tuæ, tum in ornatissi-  
mi patris Adolphi principis Veriani, non uulgare affe-  
ctum, quem à teneris unguiculis in me conceptum, con-  
stanter, perpetuòq; retinuit, uelut hæreditario iure suc-  
cedere. Verum ut dolore istum, quem tibi nescio quorū  
inflexit perfidia, mea ciuilitate leniā, pro epistola mit-  
to libellum De recta pronuntiatione; quam hodie ma-  
xima ex parte corruptam habemus in Græcis iuxta ac  
Latinis. Hoc argumentum tibi dicare uisum est, non  
tantum eò quod ætati studijsque tuis uideretur accom-  
modum, uerum etiam quod magnam exemplorū par-  
tem ex Batavorū, Brabantorum & Gallorū populari

sermone produximus, quas linguas omnes tibi non incognitas esse sciebam. Ut autem materiam, quoniam de rebus minutis subtiliter differit, per se minus amœnam, aliqua uoluptatis illecebra lenociniôque commendaremus, dialogo rem tractauimus, subinde nonnihil aspergentes quod lectionis satietatem uel recreet, uel excludat. Porro quanquam audio te Louanio in aulicam uitam auocari, nihil eo rumore deteritus sum à dedicationis instituto, sciens et in aula, præsertim Cardinalitia, dari locum studijs. Nam pietatis affectum, quem unà cum literis, ex Ioanne Borsalo Decano Veriensi, uiro quum egregiè docto, tū singulari morum integritate, sanctitateque prædito, iam pridem hausisti, non oportet nec in aulis, nec in castris deponere. Ita fiet, mi Maximiliane, ut et laudatissimum Cæsarem, quem nomine refers, ornamentis expressas, et clarissimis maiorum tuorum imaginibus plurimū decoris ac lucis apponas: postremò aulæ Cæsareæ, totique patriæ non uulgarem adferas utilitatem. Si libellus hic placebit, pro tuo candore communicabis adolescenti diuina indole prædito Maximiliano ab Iselstein, reliquisque sodalibus tuis, quibuscum tibi non tam generis, opum aut dignitatis, quam eruditionis ac probitatis lōgè pulcherrimum certamen susceptum est. Bene uale. Datum Basileæ, Anno à CHRISTO nato, M. D. XXVIII.

DES. ERASMI ROTERODAMI  
DE RECTA LATINI GRAE-  
CÍQUE SERMONIS PRONUN-  
TIATIONE DIALOGVS.

PERSONAE.

VRSVS, ET LEO.

V R S V S. Sit *foelix* occurſus, optime  
Leo. nam totos ſex meſes te non ui-  
di. L E O. Iſtuc non temerè preca-  
ris, Vrſe. neque enim quibuſlibet bene  
ceſſit occurriffe Leoni. V. Na uenu-  
ſtè, Leo, imò ne Vrſo quidem. L. Iſtuc ſanè malo tibi  
credere, quàm facere periculum, tametſi legimus Leo-  
nem inter beſtias fortiffimum ad nullius occurſum ex-  
pauſcere. Ceterũ diuinæ literæ teſtantur eſſe formi-  
dabilè occurſum Vrſæ, cui ſint erepti catuli. V. Quæ-  
ſo quid loquuntur de Vrſa? L. Liber Regnorum ſe-  
cundus ſic habet, Viros fortiffimos & amaro animo,  
ueluti ſi Vrſa raptis catulis in ſylua ſæuiat. V. Quid  
præterea? L. Solomon parœniographus hunc in mo-  
dum loquitur, Expedi magis occurrere vrſæ, raptis *foe*-  
tibus, quàm ſtulto confidenti. Et apud Oſee prophe-  
tam ita minitatur Deus, Occurram eis quaſi Vrſa ra-  
ptis catulis. V. Sit igitur impauidus Leo, quum be-  
ſtia beſtijs occurrit. Nam ſiqua fides apologis, Leo be-  
ſtia faſſus eſt formidabilem hominis occurſum. Nunc  
ſeculum eſt aureum, quo Leonis Vrſo, Vrſi Leoni lætus  
a. iij.

ac faustus est oñursus. Opportunè uerò catulorum facta mentione, mihi redigis in memoriam, ego tibi magnopere gratulor. L. Quo tandē nonine? V. Quòd tibi catulus domi natus est. L. Hoc omen auertant superi, ut mihi catulus dominetur. V. Aio dñm natum, audis accentum acutū in priore uoce, in posteriore circumflexum. L. At istud magis etiam abominandum. Antibi uideor canis? V. Minime, Leonem esse te non potes inficiari. Habent autē & Leones catulos. L. Habent profecto, uerū habent & Vrsi. V. Vera prædicas. nam Vrsula mea parit mihi plures catulos & catulas quā uelim. L. Quot tandem? V. Quot? Examen est, iam pridē desij numerare. L. Quur igitur mihi gratularis, quod in te ipso deploras? V. Quia soles frequēter optare, ut tua Leæna pareret tibi leunculum: nunc habes optata. nos uotorum compoti gratulamur. L. At hic leunculus me iam nunc sollicitum habet. V. Quid est rei? Nū puer habet malè? L. Nequaquam. Sed meditor efficere, ut uerè catulus hominis uideri possit. V. Num forma prodigiosa foetus est?

L. Nequaquam. Imò si uideas, dicas satum infantem. At forma non facit hominem, quam habemus communem cum statuis. Animo sumus uel homines, uel bestiae. V. Vnde quæso isthæc inæssit animo tuo cura?

L. Quia Galenus me docuit, hominem à cæteris animantibus, quæ uocamus ἀνθρώποι, discerni non ratione, sed oratione. V. Intelligo, metuis ne tuus infans, semper sit infans. L. Nequaquam. Videtur enim satis linguax futurus, adeò nunc garrit, nimirum matrem referens. V. Quid igitur metuis? L. Quia uideo complures nō humana uoce loqui, sed latrare cū canibus,

hinnire cum equis, grunnire cum suibus, mugire cum bubus, gannire cum vulpibus, stridere cum cicadis, blaterare cum camelis, barrire cum elephantis, frendere cum apris, fremere cum pardis, gemere cum ursis, rudere cum asinis, balare cum ouibus, strepere cum anseribus, garrire cum picis, cornicari cum cornicibus, crocitare cum coruis, crepitare cum ciconijs, sibilare cum anseribus: denique quoduis animal referre potius, quàm humano more loqui. V. Næ tu, per anserē, uoces animantiū probè tenes, nec prorsus abhorrent à uero quæ prædicas. L. Ad hæc perspicio, quantopere recta pronuntiatio commendet orationem, adeo ut interdum duobus eadem lingua pronuntiantibus, alter ueluti citharædus quispiam modulatissimè canens, aures omnium habeat intentas: alter molesto latratu cædium moueat omnibus, nec alia uideatur pronuntiatio, sed alia prorsus oratio, inuò quiduis potius, quàm oratio. V. Quod dicis, sæpenumero comperi experimēto. Sed tu mi Leo, præproperè curam istam suscipis. Tuus enim infans nondum uagire desyt, & tu sollicitus es quomodo loquatur? L. Ego nullam ætatem ad discendum arbitror immaturam, præsertim in his quibus discendis statim natura composuit, & ut ita loquar, finxit hominem. Quorū de numero cum primis sermo est. Nec enim magno negotio canum foetus discūt adulari, aut leporem cursu petere. Mox ut natæ sunt simiæ, incipiunt gesticulari, protinus ut nati sunt aquilæ pulli, ad prædam gestiunt, & feliū catuli muribus insidiantur, equorum filij statim ad cursum properant, ut aues ad uolatum: non perinde successura re, si bovi clitellas imponas, aut bubalum ducas ad certamen eque-

stre. Prouida natura primùm earum rerum docilitatē inserit, quæ cuique animati propriæ sunt, & ad uitam tuendam necessariæ. Dum enim repit puer, dum nihil humanæ uocis ædit, quadrupedi uidetur adsimilis, nec agnoscimus hominem. Verùm ubi iam nostra uerba meditari cœperit, tum demum ut ex nobis prognatum exosculamur. Et uidemus in pueris recens natis, uelut in psittacis, studium quoddam natium, ac uoluptatem etiam æmulandi, reddendique quod audierint tanta docilitate, ut prius auribus agnoscant consuetas uoces, quàm oculis dignoscant uultus. V. Istuc ego in meis catulis magna cum uoluptate frequenter animaduerti, risique. L. Præterea nihil uidemus in omnem ætatē hæere tenacius, quàm quod rudibus illis annis, & cum lacte, quod dici solet, nutrimum imbibimus. V. Sic est profecto. L. Proinde si cura fingimus tibias infantum ad gressum, si buccas, os, faciem ac reliquum corpus uincturis quasi formamus ad decorē, oculis etiam studio prospicientes, ne pæti, strabiue, aut alio quopiam uitio deformes euadant: quanto magis curandum est, ut lingua studio nostro formetur, quum non aliud membrum sit uolubilius, & in omnia sequacius, tum ex hoc pendeat totius hominis decor ac fœlicitas: in summa, ut homo sit, non belua. V. Id satis declarauit noster Erasmus, qui nuper De lingua hominis linguacissimè scripsit. L. Proinde iam nunc circumspecto, si quem nancisci queam bonum poetam, cui mox catulum meum, dum adhuc uida est argilla, tradam in sinum, ut fari discat. V. Quorsum tandem opusest poeta, nisi fortè computationē instituis, ad quam si non adhibebis nisi bonos poetas, habebis admodum



rarum conuiuium? L. Equidem sequor monitorem Horatium, apud quem legi,

Os tenerum pueri, balbumque poeta figurat.

V. Possunt quidem et istuc boni poetæ: uerum Horatius, opinor, non adeo contempsit poetas, ut eos infantulis erudiendis uellet occupari, quod literatorum et grammaticorum est munus. Sed quoniam poetarum scripta primum omnium ætati rudi proponebantur, unde æu per lusum, et lectionem, et pronuntiationem, et electissima quæque rerum uocabula discerent: sic à poeta dixit os pueri figurari, quemadmodum Demosthenes diceretur me Græcè docere, si quis Græcè peritus mihi Demosthenem prælegeret. L. Hic tecum non contendero: nam parum refert. Quamquam arbitror Philippum regem sapuisse, quum Alexandrum suum statim, ut natus est, tanto Philosopho traderet in gremium. Bonum igitur grammaticum mihi quæro. V. Nec istius minus rari sunt hodie, quàm boni poetæ. L. Ridiculum, quasi grammaticorum non plena sint omnia.

V. Πολλοὶ βουκύνται, πᾶν ποὶ δὲ τε γῆς ἄπο τῆς ρες. L. Imò tam uilis est ubique grammaticorum annona, ut tres minoris liceant, quàm unus cantherio. V. Rursus audies illud è Græcorum triuys, Πολλοὶ τοὶ ναυαγῆκοφοί, πᾶν ποὶ δὲ τε βάρχοι: nisi fortè tu grammaticum esse putas, qui salutatus Latine citra solæcismum norit resalutare, nec in numero peccans, nec in casu, nec in genere uocis. L. Hoc nunc uulgo putant esse grāmaticum.

V. Acqui Quintiliānus præter illas notissimas præceptiones à grammatico exigit enarrationem poetarum, cognitionem historiarum, peritiā antiquitatis, scientiam utriusque linguæ, copiam emendati lectique ser-

monis. Super hæc omnia, non satis est illi grammaticæ dicere, nisi & Latine dicat, quorum illud è præceptionibus & analogijs petitur, hoc ex Latine loquentium consuetudine. L. Eadem opera exiget à grammatico cognitionem omnium disciplinarum, quandoquidem in poetis frequenter incidunt quæ ad musices, geometricas, arithmeticas, astrologiæ, medicinæ mysteria pertinent: adde his si libet magicen. Nam absquererum naturalium & cosmographiæ scientia, quis est locus in poetis, quæ rectè possit exponere grammaticus? V. Ut ciuiler agas cum grammatico, nec exigis exquisitam harum rerum scientiam, certè rudem earum non oportet esse, quæ dignum censeas cui pueritiam credas instituendam. Nec enim quoniã grammatici est enarrare Arma uirumque, protinus exigemus ut sit Pyrrhus, aut Hannibal: aut quoniã enarranda Maronis Georgica, sit peritus agricola: aut quoniã exponenda AEneæ nauigatio, sit absolutus nauclerus, non magis quàm si tractet locum de re culinaria, flagitamus ut sit Apitius. Attamen quid dicet grammaticus qui prorsus nescit telorum machinarumque formas & usus, qui non intelligit figuras in ordinem digesti exercitus? His quidem rebus interfuisse, non parum contulerit: id si non contigit, ex libris authorum, ex eorū qui interfuerunt narratione, ex picturis, quantum grammatico satis est, discere licebit. Ad eandem rationem de cæteris sentiendum arbitror. L. Istud grammaticorum genus fortassis olim fuit, nunc obsoleuit. V. Prorsus, & ideo liberi nostri posteaquam apud istos penè consenuerunt, tales redeunt nobis domum, ut uix arboris, aut piscis, aut herbe uerum no-

men possint ædere. Verùm si seria nobis esset reip. cura, nihil uetat quo minus & hæc secula sint habitura Seruios, Donatos, Victorinos, Terētianos, Asperos, Cornutos, celebriora nomina, quàm sint aliquot Cæsarū. nunc grāmatici cognomen penè sordidius est, q̃ pellionis aut aurigæ. V. De reliquis nescio, ærtè Asperos & Cornutos non deesse scio. Et tamē ex huius disciplinæ neglectu scatet orbi tā pudēda disciplinarū & optimo rū authorū internecio, tamque fœda balbuties. L. Ad quos ista cura pertinet? V. Ad quos, nisi ad principes ac magistratus, aut ærtè ad præsules? L. Quā aliā ab his curam exigis? Nōne passim habēt ludos literarios? Nōne magnis prærogatiuis & immunitatibus principes ornant academias, designatis etiā iustis salarijs? Lutetiæ quot sunt collegia pueris erudiendis dicata? Ista præsulum est liberalitas. Fuiſtine unquam apud Anglos? V. Insulā omnem lustravi. L. Quām illic uides regias collegiorum structuræ: nec desunt ampli ænsus prouocandis, alendisque iuuenum ingenijs. Ista principū ac præsulum est munificentia. Quid ultra flagitas? An expectas ut ipsi sedeant in ludo docturi pueros? V. Nequaquam, etiamsi summum illū præsulem Gregorium non puduit ludimagistrū agere. Duo quædam ab illis requiro, delectum magistri, & præmij pro merito docentis moderationem. L. Non satis assequor quid tibi uelis. V. Dicam crassiore Minerva. Ad huius aut illius commendationē quēuis ludo præficimus, ferè indoctum, interdum & moribus improbis, non huc spectantes, ut rei charissimæ, ciuiū liberis omnibus consulamus, sed ut unius famelici uentriculo prospiciamus, accuratius circumspectantes cui com-

mittamus unum equum, aut canem uenatorem, quàm cui credamus totius ciuitatis pignora. L. Haud multum aberras à scopo. V. Iam siquem nacti fuerimus dignum ea prouincia, nulla habetur hominis ratio, neque pilo fit pluris, quàm quiuis alius è plebe. Imò malunt bellum compotorem, quàm uigilantem pueritiæ formatorem. L. Quid hîc tu factururus sis, si tibi delegemus magistratum? V. Utinam delegetur. L. Creamus te Musis fauentibus studiorum dictatorem, cura ne quid Respub. literaria capiat detrimenti. V. Primum ex omni ciuium numero deligam mihi uirû ætatis non quidem decrepitæ, sed tamen prouectæ, uigilantem, industrium, bonæque fidei, qui maximam ætatis partem in hoc literarû genere non infœliciter transegerit. L. Quid si talẽ inter tuos nõ inuenias? V. Accersam uel à Gadibus, ut aiunt. huic non præscribam certum salariû modû, uerûm ea formula paciscar cum eo, qua conuiuator ille, cuius meminit Aristoteles, cum citharædo, sed fide meliore, quo diligentius fideliûsque docueris, hoc plus feres à nobis præmij. Si fefelleris expectationem nostram, te ipsum magis, quàm nos fefelleris. Sin responderis, efficiam ut dicas tibi cum Rep. nequaquã ingrata rẽ esse. Si porrò, quod optamus, etiã superaris, non patiemur, quod quidem in nobis erit, nostram benignitatem officijs tuis superari. Ad hoc certamen accingere bonis auiibus. L. Quis istum deliget? V. Quis alius, quàm ego dictator? L. Verûm de arte negant rectè iudicare quenquam nisi artificem.

V. Fateor. L. At quid faciet dictator ipse literarum rudis, ut ferè sunt qui magistratum gerunt? V. Ex e-ruditorum suffragijs rem geram. L. Atqui hic rur-

*ſus faller delectus, ſi uel imperitus ſit, uel prauè do-  
 ctus, uel malæ fidei, is cuius iudicio niteris. V. Eū de-  
 ligam quæ fama potiffimum commēdarit. L. Famam  
 mihi narras? At pauciſſimis, ô bone, tutum fuit famæ  
 credere. V. Colligerem eruditorum puncta. L. Eo-  
 dem relabitur quæſtio. Quid ſi pro eruditis deligas e-  
 ruditionis oſtentatores? quid ſi impoſtores? quid ſi ſi-  
 niſtri iudicij homines? Noſti palliatos iſtos, ſine quibus  
 nihil rerū geritur. Improbitas, ſuci, præſtigia, quæſtus  
 omnia uitias, faciūt ut delectus ſit difficillimus. V. Ve  
 ris uincor, optarim te uana loqui. L. Sed ut fœliciter  
 eligas, & in his quos ſelegeris, ſint aliquot uerè docti,  
 utri parti ſubſcribes uariantibus ſententijs? V. Ma-  
 iori. L. Sed nunquam ea fuit, aut eſt, aut erit fœlici-  
 tas rerum humanarum, ut quod optimum eſt, pluribus  
 approbetur. V. Non mentiuntur omnia. Et uir qui  
 ſapit, quique, ut Plautus ait, acetum habet in pectore,  
 ex multis coniecturis aliquanto certius diuinat, quàm  
 quuius augur, aut aruſpex ex auibus præpetibus &  
 oſcinibus, aut ſoliſtimis tripudijs, aut extorum fibris.  
 poſtremo in re tam ſeria, non grauabor comprecari di-  
 uos, ut ſuo fauore rem bene fortunent. L. Caſſianum  
 opinor. V. Imò CHRISTVM ipſum. Nec enim  
 illorū curam poſuit, opinor, quos ſemel complexu ſuo  
 dignatus, iuſſit ad ſe perferri, benèque precatus eſt il-  
 lis: qui quod precatur, idē præſtare ualeat. L. Sed quas  
 tandem coniecturas mihi narras augur & aruſpex?  
 V. Exquiram num bonis prognatus, num liberaliter  
 educatus, num proborum conuictu delectetur, num ip-  
 ſe probatis hominibus charus ſit & amicus, num ma-  
 gis delectetur libris, quàm cōpotationibus, alcæne: ob-*

seruabo mores, gestum ac sermonem hominis, an neque segni demissoque sit ingenio, neque rursus iracundo ac iactabundo. Denique contemplantur vultum, frontem & oculos hominis. L. Iam ex augure fies physiognomus. V. Dissipia quales euaserint, quos ille formandos susceperat. L. Hominis cordati sermonem audio. Nemo statuum faciendam locat artifici, nisi prius inspectis aliquot signis, quæ ex illius officina prodierint, & nos citra speciem omne liberos formandos temere cuius committimus, diligentiores in ære marmoræue credendo, quàm in his quæ nobis chariora sunt, quàm sumus ipsi nobis. V. Rectè dicis. Ex tot igitur rebus an dubitas hominem non omnino stultum, & usum rerum edoctum, posse certo diuinare? L. Certius, opinor, quàm ipse Calcas Homericus. Verum in re nõ magna uideberis magnam operam sumere: sic literatorẽ deligens, quasi deligas præfulem. V. Aliud sonant chordæ tui pectoris, uir egregie, aliud linguæ plectrũ. An tu credis minus referre ciuitatis, ut sit probus pueritiæ formator, quàm ut sit probus Episcopus? Eadẽ est utriusque functio, nisi quod hic fingit ætatem tenerã, ille iã adultam: atque ut par sit ars, literatoris operosius est negotiũ, & ob hoc utilius, quod materiẽ fingit magis obsequentem digitis. L. Quid igitur superest, nisi ut grammaticum iisdem ornas insigniis, quibus Episcopum, unctione, chirothecis, mitra, gemmis, pedo, pallio? V. Nihil absurdi fuerit, o uir præclare, ut cunque rides. Quanquam quid refert? Habet ille pro pedo ferulam: & si magis placet regalis collatio, habet pro solio cathedram, pro fascibus & sceptro uirgam & ferulam. L. Adde pro satellitio pediculos. V. Leges

figit ac refigit pro suo arbitratu, pœnas sumit ac remittit: & quod est regali potestate sublimius, perpetuam agit dictaturam. nam illis dictare quotidianum est. L. Dictant nimirum usque ad rauim interdū, capitisque uertiginem. Sed extra iocum, planè fateor nihil esse regno similius, quàm agere ludi literarij magistrū. Nec aliud spectabat Nero, si contigisset excuti regno, nisi ut alicubi ludo præfectus musicam doceret & literas. Nec moriturus aliud deplorabat, quàm quòd tantus artifex periret. Nec Dionysius sibi uidebatur prorsus regno spoliatus, posteaquā Corinthi ludi præfecturā esset adeptus. V. Utinam plerique nō sint tyranno similiores, quàm regi. L. Habes igitur grammaticum ex animi tui sententia: libet enim hoc fingere. Quo modo tractas hominem? V. Non sinā esse inter sordidos, sed optimis & honoratissimis quibusque ciuibus eū tradā, ut intelligit se uiuere in ciuitate, in qua uirtuti, rectēque factis habeatur honos. Nec tamen ad aliud munus uocari patiar, quàm suscepit. Sola ætas ingrauescens impetrabit illi rudem, sic tamen ut fruatur, sua uirtute & consilijs adsit, si minus queat opera. Currenti adhibebo antagonisten, qui citra contentionis amarulentiam uicissim & excite-  
tur & excitet. L. Quid si gaudeat commutare locum, ut ferè est hoc hominum genus? V. Alligabo catenis aureis. L. Tui collegæ non patientur tanti constare ludimagistrum. V. Verum tu uidēris oblitus, quòd mihi paulo antè tradideris dictaturam. L. Sic est profecto. Exciderat, sed reddo dictaturā. V. Imò, si uis, iam pono magistratum, & collegis meis persuasurus sum, ut alibi potius, quàm hic, sint frugales.



L. Quibus rationibus id efficies? V. Primum ostendā ex hoc fonte potissimum manare salutem, aut perniciē ciuitatis. Commemorabo quantum ex ærario depromatur in res penē nihili. L. Omitti poterat istud penē. V. Ad hæc quot canonicos alit una non minusquam ecclesia, quorum singuli quotannis capiunt aureos quadringentos? L. Et eo amplius apud nos.

V. Non hæc eò dico, quòd illis inuideam. Dignos arbitror uberioribus præmijs, si suo fungantur officio. Sed illud mihi dicas, uelim, uter plus adfert momenti ad commodare ip. unus canonicus, an unus ludimagister? L. Ludimagister, si modo probus sit, plus adfert utilitatis, quam tres canonici, quamlibet in tēpli stationibus assidui. V. Quir igitur alter clarus, alter sordidus habetur: alter cum dignitate capit cēsus uberes, alter uix tantum ut famē effugiat? L. Vis igitur, ut ludimagistro duplū et dignitatis et census decernamus?

V. Minime. L. At promeretur plus quàm triplum.

V. Dignitas ac præmiū paratum digno pariter atque indigno, inuitaret improbos ad prædā, quemadmodū nunc cōtemptus et mercedis exiguitas alienat probos.

L. Quid ergo facies? V. Ego hæc nolim muneri coniuncta esse, sed meritis et officio tribui, ac dispensari uerius quàm dari. L. Perdifficilis est provincia, et ad otium procliues sumus omnes. V. Eoque crebris adhortationibus ac munusculis excitare hominis industriam, nec omnino committerem eam provinciam, nisi diligenter edocto, quàm arduum munus susceperet. Quin et sanctissimo iureiurando adigere, quemadmodū olim magistratus tradebatur cōsulibus, præire formula: Deuoueo me, meosque omnes, siquid sciens



sefellero. L. Adiunge & Iouem lapidem. V. Quid  
ni? Et si quid hoc etiam firmitus. L. Quid si incidisses  
in impostorem? V. Eum pro suis ornare uirtutibus, ut  
nequis alius facile sciens idem auderet in posterum.

L. At noui ciuitates non in postrenis celebres, ubi  
conducti professores insigniter eruditi, non inueniunt  
qui uel gratis audire dignentur. V. Ignauum homi-  
num genus mihi narras, quod nuper sub umbra pieta-  
tis coepit exoriri. hos ego ueluti fucos ab aluearibus  
abigerem. Quamquam & huius rei bona pars in pro-  
fessoribus sita est. Non enim minus est accendere stu-  
dium adolescentiæ, quàm alere. Facile multa discit,  
qui discendi est auidus. Proinde non parum promo-  
uit, qui docuit amare literas. L. Istiusmodi docto-  
rem optare procliuius est, quàm nancisci. V. Veris-  
sima prædicas, atque istud ipsum frequenter apud me  
demurari soleo. Multos incitat pietas, ut ex ultimis ter-  
ræ finibus proficiantur Hierosolymam, magno rerū  
dispendio, nonnullo item uitæ periculo: quidam nudis  
pedibus, nonnulli etiam lorica alicioꝛe autem affrican-  
tes Romam aut Compostellam adeunt. Multis hic in-  
cessit affectus, ut relictis omnibus quæ possident, de-  
dant semet in artissimum uitæ genus, puta Cartusia-  
norum, Guilhermitarum, aut Brigidenſium. Nec desue-  
runt qui sese in speluncam abdiderint, nunquam in-  
ter homines prodituri, nec solem hunc communem a-  
specturi. Ex tot hominum milibus mirum est tot sæculis  
neminem existere qui gratis, suoque sumptu pueros for-  
mandos suscipiat. Si labor quæritur, hic laboris abun-  
dè est. Sin utilitas, quibus obsecro modis queas uberio-  
rem utilitatem adferre rei Christianæ? Sin pietas, quod

tandem sacrificium Deo gratius offerre possis? Si benefacta metimur charitate, quid cōfert proximo, si Cōpostellam, Romam, aut Hierosolymam curras? Eos labores arbitror Deo gratissimos, qui cum plurimorū utilitate coniūcti sunt. Hi quū nusquā desint, quid attinet alios accersere, qui, siquid conducunt, uni conducunt, aut certè paucis, & his ad quæstum uerius, quàm ad pietatem. Reperiuntur qui suas opes largiter effundant extruendis templis: fateor pium esse sumptum. Verūm ex tot milibus demiror adeo paucos exoriri, quos inuet hīc esse benignos. L. Satis fœliciter ageretur cum rebus humanis, si uel pretio cōduci queant. V. Quid causæ? L. Quid nisi plerisque in rebus præpostera cæcāque mortalium iudicia? V. An his non putas esse medendum? L. Medēre mari, si potes, ut dulcēscat. Sic sunt res & ingenia mortalium. V. Huc certè adnitendum, ut minus habeant mali, si, ut bene, perfici non potest. L. Licet quidem optare. V. Quid uetat quo minus & efficiere? L. Nihil facilius, modo queas efficiere ut sapiant homines. Nunc maxima pars mortalium amat falli: adeo ut si desit qui id faciat, ipsi imponant sibi. V. Nimiū uera loqueris. L. Quin & illud obseruatum est mihi, uix unquam usu uenire, ut fidelis pueritiæ formator operæpretium ferat ex suis discipulis, quum norim multos pueritiæ corruptores, hoc est, qui non minus malè studijs illorum prospexerint, quàm moribus, hoc quæstu magnificè locupletatos. Sanè id fato quodam fit, siue ætatis illius inscitia, siue ingratitudine, ut iam non temerè uideatur Græcorum prouerbio dici, Beneficium non esse conferendum, nec in puerū, nec in senem: in hunc, quia perit antequam

gratiæ referendæ detur opportunitas: in illū, quia non meminit. addendū autem erat, quia non intelligit: & si intelligit, odit hoc beneficij genus. V. Aetas adferre solet iudicium. L. Fateor in nonnullis, in plerisque malitiam adfert. V. Sic est, sed tamen nonnullis in tractanda ætate tenera deest dexteritas. Non enim satis est præceptorem esse doctum ac probum virum: committas quædam & commoditas adsit oportet, quæ & ferat ætatis, quam tractat, insitiā, & semet ad illius naturam accommodet, nutricum uidelicet exemplo. Quemadmodū medico non satis est nosse, quod pharmaci genus sit præscribendum, nisi sit artifex administrandi. nam & fallendus interdum est ægrotus, ut beneficium imprudens accipiat. L. Vnde tanta rerum humanarum infælicitas? Pueri nec sentiunt beneficium, nec meruerunt: iuvenes non ferunt habenas: senes non referunt gratiam: & aiunt, quod mulieri benefeceris, ferè perire. V. Vnde? nisi ut Christianæ charitati nusquā deesset exercendæ benignitatis materia? quæ si desit, nihil effecerit humana prouidentia. Quin potius sæpenumero fit, ut quæ sunt summa cura, summæque ratione constituta, uergant in partem deterrimam. Quod enim ad scholas attinet, nihil olim uidetur prætermisum, quod hominis consilio prospici quæret. Institutæ sunt scholæ, quas ob omnium disciplinarū publicam professionem uulgus appellat Vniuersitates. In has & Romani Pontifices, & principes contulerunt quicquid potuerunt uel dignitatis uel munificentiae. Extructa collegia, digestæ discipline, designati professores, addita salariâ, distincti incipientium, proficietium, consummatorum gradus,

honores et emolumēta. Prospectū est et tenuibus, qui illic pleriq; dite sūt. Habēt rectorē, sēptuaginta, cācellarios, cōseruatores, decanos, aliōsque magistratus. Quid quæris? Regnū quoddā esse dicas literariū. Iam de minoribus scholis nō segnius est habitū cura. Harū cura maiorū prouidētia bifariā partita est, ut præcipua sit penes sacerdotū collegiū, altera penes magistratū. additus est peculiaris huius negotij præfectus, quē Scholasterē uocant, Scolarchus dici poterat, sub hoc ludimagistri. Et tamen tā sollicita prouidētia nō potuit efficiere quo minus in omnibus ferē scholis seculis aliquot regnarit operosa barbaries. Proinde Ioannes Coletus, uir æterna dignus memoria, quum tēplo diuī Pauli scholam puerilem addidisset, nulla cura magis torquebatur, quā in quos eius rei præfecturā delegaret. Episcopi iudicant hanc rem indignam sua sollicitudine. Scholasteres censibus recipiendis se potius, quā scholæ curandæ datos arbitrantur, et pulchrē sibi uidentur suo functi officio, si ludimagistros non deciment. In collegiis canonicorum ferē semper deterior pars superat. Magistratus uel iudicio carent, uel indulgent priuatis affectibus. L. Quid tandem consilij reperit?

V. Hominem coniugatum, et liberis diuitem scholæ præfecit. Prouisionē delegauit aliquot e ciuibus laicis, quorū probitatem habere sibi uidebatur exploratā, ut ab his in hæredes proximos deriuaretur. L. Num ea prouidentia securum reddidit? V. Minime. Sed hic aiebat sibi uideri minimum esse periculi, ut tum habebant res humanæ. Vnde nunquam illorum iudicio potui subscribere qui uitis hominum offensi, protinus tollendum censent quod institutum est, ueluti mona-

stria quidam censent abolenda, quod in quibusdam  
 collapsa sit uera religio: præsulū & canonicorū  
 ordinem postulant abrogari, quod nōnulli secus, quā  
 decet uiuant. Idem decernūt de ludis & pædagogijs,  
 quia displicet quorūdam institutio: quasi statim quod  
 in horum locum fuerit substitutum, aut cariturū sit om-  
 ni crimine, aut in uitium non facīle possit degenera-  
 re. Quanto satius est id, quod rectē fuit institutum,  
 sarcire, ad quædam interim conuiuentes, id quod eo  
 facilius erit, si reputemus rerum humanarū condi-  
 tionem, in quibus ut sint prosperrimæ, nihil est ab o-  
 mni parte beatum, semper erit quod desideres, quod  
 sarcias, quod instaures. L. Est igitur aliquid perspi-  
 cere fontes unde scatet malum, deinde qua ratione li-  
 ceat mederi. V. Ne recedamus ab instituto, huius ma-  
 li præcipua pars mihi uidetur oriri ex publicis scho-  
 lis, quas ambitioso uocabulo, ut dixi, nunc appellant  
 Vniuersitates, quasi nihil absit bonæ disciplinæ tū ex  
 monasterijs, præsertim ijs, in quibus instituuntur ad do-  
 ctrinam Euangelicam, quod genus sunt Dominicanorū  
 & Franciscanorū, & Augustinensium. In his enim ado-  
 lescentes uix trimestri studio grammaticæ dato, pro-  
 tinus rapiuntur ad sophisticam, dialecticam, suppositio-  
 nes, ampliationes, restrictiones, expositiones, resolutio-  
 nes, ad gryphos & quæstionū labyrinthos. hinc recta  
 in adyta Theologiæ. Tales, ubi uentum est ad eos au-  
 thores, qui utriusq; linguæ sacundia præcelluerūt, Deū  
 immortalem, ut cæcutiunt, ut delirant, ut sibi uiden-  
 tur in alio prorsus esse mundo. Quoniā autem semel  
 sumpto leonis exuiuo pudet insciam fateri, simul au-  
 tem & pudet & piget neglecta discere, bellū indicant

rectioribus studijs, et horum professores odio plus quam  
 Vatiniano persequuntur. L. Istiusmodi multos nimium  
 cognitos habeo. V. Parentibus imperitis instillant in  
 aurem, ne sinant liberos suos friuolis studijs aetatem per-  
 dere, persuadentes in his et bonis moribus, et Chri-  
 stianae fidei subesse naufragia. L. Nihil fingis. V. Id  
 in collegijs siue paedagogijs quibusdam magna in hac  
 re cessatio est. L. Qui sic? V. Si non reciperent nisi  
 iam grammaticae rei peritos, nec aliud profiterentur,  
 quam philosophiae disciplinas, et eruditiores nobis da-  
 rent, et ipsi minus haberent negotij. L. Verum, sed  
 et compendij minus. V. Rem acu tetigisti. Nunc quo  
 quaestus sit uberior, quamlibet elementarios ac prope-  
 modum ἀναγκαῖους recipiunt. Tolerari poterat hoc,  
 si digestis ordinibus et classibus, in singulas artifices  
 idoneos praeficerent, tum huic disciplinae, cui ueluti fun-  
 damento nituntur omnes, iustam curam, iustumque tempus  
 darent. Nunc sophisticis argutationibus plus aequo da-  
 tur, et haec disciplina, qua non alia magis est necessa-  
 ria, uelut obiter et in transcurso gustatur uerius, quam  
 discitur. Moxque pueri rapiuntur ad titulos honora-  
 tiores, unde magistris plusculum accedit lucri. L. Ita  
 nimirum fit, ut qui plus aequo properant in initio, se-  
 rius perueniant quod uolunt. V. Nec huic professio-  
 ni suus habetur honor, quemadmodum ceteris. Alijs  
 enim honoris causa titulus additur a baculo, alijs a li-  
 centia, alij salutantur magistri artium, doctores medi-  
 cinae, doctores iuris Caesarei, doctores iuris Pontificij,  
 doctores utriusque: traduntur insignia, praerogativae,  
 dignitas. At grammaticus nihil aliud est quam gram-  
 maticus, quemadmodum calcearius nihil aliud est quam

salcarius. L. Quos tu credis à baculo cognomen habere, equidem accepi à bacca lauri dictos. V. Si res hæc tibi curæ est, dicam quod ex quodam hierophanta seu mystagogo talium rerum didici. L. Percipio.

V. Is attulit triplicem huius cognominis etymologiam, mea sententia non absurdam. A baculo, inquit, dicuntur bacularij, uel quod adhuc in pistrino laborantes, baculis impellantur iumentorum ritu, uel quod nondum in disciplinis absoluti, opus habeant rectore baculo. L. Probabile narras. V. Scis autem lauro baccas esse nigras et amaras. Porro quoniam id temporis etiamnum arrodentes amarum sapientiae corticem, nondum ad nucleum dulcissimum penetrarunt, bacca laureos appellari placuit. L. Istuc etiam probabilius.

V. Verum mystagogus ille tertiae sententiae palmam tribuebat. L. Quam tertia adferebat? V. Arbitrabatur dictionem compositam à uacca et laro, uaccalarius. L. Bella mixtura uaccae cum aui. V. Imò probabis, si cognoris re omnem. Scis aliquot nationes pro B sonare V consonantem, et contrarium. L. Noui. V. Et uacca lac porrigit. L. Auit. V. Et larus auis est auidissima. L. Istuc me docuerunt Erasmi proverbia. V. Iam de amabili illo sapientiae principe dictum est, Mel et lac sub lingua eius. unde quos uehementes quidam ardor huius lactis agit rapitque, uaccalarij dicuntur. L. Quin igitur capralarij dicuntur potius, quam lac caprinum à medicis praeferatur bubulo? V. Quia plus lactis reddit una uacca, quam caprae tres, praesertim apud Phrygios. L. Pulchre quidem hoc expedisti. Sed unde Licentiae uocabulum? V. Et hoc me docuit ille mystagogus. Quia quidem in re uulgus errat periculosè, credens illis iam licere quod libet,



uelut ab omni honesta functione dimissis, eoque nonnulli  
tum se dedunt otio, quum maximè sint suscipiendi la-  
bores. L. Idem error & me, fateor, hactenus habuit.

V. Atqui secus habet. Hæc licentia non ducitur à Liæ-  
uerbo impersonali, sed à Liære, quod est ex eorum nu-  
mero, quæ Græci uocant ἀντοπαῖντινα, quod genus est  
uapulo, unde deductum licitari. L. Quis hoc diui-

naisset? V. Tum enim plurimi sunt, & uelut à li-  
citantibus accersuntur, alius ad aulam, alius ad curā  
pastoralē, alius ad Abbatiam, alius ad opimam præ-  
bendam: in summa, alius aliò. longum est enim om-  
nia commemorare præmia. L. Scitè tu quidem ha-

ctenus. sed unde magistri nostri? V. Honoris causa  
Græcè dicuntur Theologi, Hebraicè Rabini, quod Latine  
sonat magistri nostri. L. Intelligo. Talibus igitur  
cognomentis honorandum censes & grammaticum?

V. Quidni tales, quales fuerunt Donatus & Ser-  
uius, dicantur doctores grammatices, quum procliuus  
sit uel in triplici iure doctoris nomen, quàm semel bo-  
ni grammatici titulum promeruisse? L. Da Seruios,  
dabimus honores. V. Imò tu da honores, ego dabo Ser-  
uios. Honos enim non solum alit, uerum etiam gignit  
artes. Adderem dictator & locum honoratum in con-  
fessu, & insignia reliquaque debita uiris præclaris or-  
namenta. L. An tibi parū est, si litteratores insigniti  
litteris incedant ut Sami, quæadmodū aiunt? V. Ad-  
derè & scholis ipsis munditiem ac dignitatem, quum  
nunc uix sit hara porcorum sordidior. L. Puerisne  
tantum honoris? V. At hi pueri templa sunt spiritus  
sancti, in his plantarijs latent senatores, magistratus,  
doctores, Abbates, Episcopi, summi Pontifices & Cæsa-

Magistri  
nostri.



res. Quo infirmior est ætas, hoc plus addendū est honoris iuxta Pauli doctrinā. Postremo hi paruuli sunt, quorū unius cuiuslibet offensionem CHRISTVS uoluit atrocissimo supplicio puniri, & asinis malè doctibus molam asinariā alligari, itaque demergi non in arenam ripæ proximam, unde possent enatare, sed in profundū pelagus. Nunc quod est iniuriarū genus, cui non patimur imbecillē ætatem obnoxia esse? Nullus ferē tam abiectus, tā ineptus, tam insulsus, tam excors, tā indoctus est, quin uideatur idoneus formandæ pueritiæ, cuius leuior esset calamitas, si tātum aleret eiusmodi beluas, nisi pateretur & tyrannos. Nulli sunt enim plagiōsiores, quàm qui nihil habent liberalis disciplinæ. L. Sic & monarchæ si ratione careant, quæ rem publicam administrant, ad uim ac tyrannidē confugiunt. Operosa res est imperare liberis, & compendiosa philosophia est dicere, sic uolo. V. Iam illud in pædagogis penē solenne est, ut aut tennes, quibus non est unde uiuant, aut puerum aliquem nudius tertius magistrelli nomine donatum, pueris grammaticen docendis præficiant, tantum in hoc ut uiuat. L. An non piū existimas destitutis opitulari? V. At ista quidem humanitas in unum famelicum, in tot pueros magna est inhumanitas. Impia est eleemosyna quæ de rapina confertur: & ingratum sacrificiū quod ex prædatione datur. Malefica est beneficentia quæ cum multorum iniuria coniuncta est. Vt est interdum principum crudelis clementia, quum uni cuipiā condonant facinus plurimorum malo: sunt innumera uia, quibus famelicis consuli possit. L. Nascentur interdum humillimo loco generosa ingenia, quæ rei familiaris

angustia submouet à liberalibus disciplinis. An nō humanitatis est hæc euehere? V. Maximè, sed cum delectu & citra cuiusquam iniuriam. Nunc ferè adsciuntur ad hoc munus non alia commendatione, nisi quia cognatus est, aut conterraneus, aut compotor, aut alioqui notus, aut denique, quod est pietati proximū, quia miserabilis. At interim non miseret tot puerorū.

L. Plerique turpe putant quenquā semper in grammatices professione manere. V. Quinam id turpius, quā pictorem nihil aliud profiteri quā pictorem? Quāquam fieri non potest ut grammaticus nihil sit quā grammaticus, etiam si in cæteris disciplinis non perinde exællat. Nā ut unus in omnibus emineat, nec à superis datum est, nec expedit uitæ mortalium, ut-  
cunque Græci iactant suum Hippia. Tum enim cum rebus humanis foelicissimè agitur, quū distributis uariè dotibus, amicitia, iuxta prouerbiū, facit omnia communia. Quid enim stultius, quā dicere manui, nihil aliud es quā manus: aut uētri, nihil aliud es quā uenter: aut tibie, nihil aliud es quā tibia: aut naso, nihil aliud es quā nasus? Et pulchrū est probri causa dicere grammatico, nihil aliud es quā grammaticus? Est aliquid & uentre contemptius, per quod eijciuntur crassiora corporis excrementa. Contemnat hoc qui uolet, & uideat quā floreat cætera membra.

L. Ista sunt euidentiora quā ut possim refellere. Sed ut ad profitendi rationem sese noster recipiat sermo, Non probas scholas publicas? V. Imò cum Fabio probō maximè, modò uidentur ea quæ uir ille non minus integer, quā eruditus uitanda commonstrat. Nec enim istos probō, qui obscuri ipsi, in obscurū angulum

contrahūt pueros, ac docēt impunè quodlibet. L. Lau-  
dantur in hoc genere quidam, qui non ita pridem ex-  
orti, mediū genus inter monachos & laicos, domū suā  
docendis pueris quæstum uberē facere dicuntur: quan-  
quam hoc aucupium, & à monachis quibusdam affe-  
ctari cœpit. V. Sua cuique sententia est, mihi displi-  
cēt in hisce rebus latebræ, lucem amo. Tum id genus  
doctores ferè sunt αὐτοδίδακτοι, nonnunquam indo-  
cte docti, nec sui iuris, & illiberaliter educati: ad hæc  
alieniores à moribus sensūque communi. Quibus re-  
bus fit, ut apud hos natiuus ille uigor & alacritas  
ingeniorum frangatur, ac deijciatur ad habitum quen-  
dam Pharisæicum, qui liberalem & ingenuam indo-  
lem corrumpit, seruire quiddam & illiberale inserēs  
teneris animis. Quin & illud non rarò uidemus, eos  
qui ex talibus nidis emergunt, euadere cæteris insolen-  
tiores, minus synceros, magis fucatos, minúsque libera-  
les. L. Quid utilius, quàm ut prima statim ætas for-  
metur ad pietatis disciplinam? V. Rectè, si pietas in-  
rasuris, cingulis, palliis, piscibus, & fabis morūmque  
tristitia, sita est. At uera pietate nihil est hilarius. Iam  
ut hodie talis sit monachismus, qualis olim fuit, non o-  
mnes huc aluntur, nec expedit imbecillem uelutique  
lactentem adhuc indolem immodica tristitia corrumpere,  
quæ gignit seruire quiddam, & natiuam inge-  
nuitatem uitiat. Paulus non temere monet parentes, ne  
liberos suos amarulentia contristent. At istorum moro-  
sis moribus scio quædā ingenia foeliciSSimè nata, fuisse  
perdita. Nā his potissimū imminēt deijciēdis, quum. ut  
in equis, ita in pueris, sæpe foeliciSSima sint ingenia,  
quæ grauissim ferūt imperia. Itaque resingunt in asi-

nos, quoniam equis imperare nequeunt. Adde his & grauius malum. Si quem puerum uiderint indole candida, aut etiam re lauta, hunc studiosius frangunt ac deiiciunt, ueluti generosum pullum ad suæ uitæ institutum prædomantes: nec patiuntur abire, sed blanditijs, munis, terri culamentis, obtestationibus, horrendis narrationibus instant, urgent, obtundūt, donec uel ad se pertrahant, uel, si id nequeant, in aliū protrudant gregem. Quid autem facilius, quàm simplicem ætatem ac rerum imperitam uel fallere, uel terrere? L. An istud faciunt? V. Non refero somnium: meum ipsius periculum narro. L. Quod obsecro? Num quando in discrimen uenisti, ne fieres uir bonus? V. Educabar apud hos Deuenturi, nondum egressus annum decimum quintum. Eius sodalitij præfectus omnia moliri cœpit, ut me ipsoꝝ instituto addicærem: Egeram alioqui puer ad pietatem propensus. Ibi pro mea puerili sapiētia excusabam ætatem, sed præcipuè uoluntatem parentum, quorū iram serio metuebam, siquid illis inscijs tentassem. Hic ille uir egregius, ubi se uidet nihil eloquentia proficere, admouet exorcismum. L. Quid fiet obsecro? V. Admouet imaginem crucifixi: ac mihi iā flenti uultu entheo, Agnosce, inquit, hunc pro te passum? agnosco, inquam. Per hunc, inquit, te obtestor, ne committas ut frustra pro te sit mortuus, sed obtemperas meis consilijs, consulas animæ tuæ, nisi uelis in æternum perire cū mundo. L. Non deiecit puerum tanto ariete? V. Planè deieciisset, ni me parentum terror aliò retraxisset. L. Ista quidem uis est. V. Quod mihi accidit refero, alij narrent quid ipsis acciderit. Nec dubito quin innumeri sint qui similia

pericula de se narrare queant. Accedit ad hæc quod huiusmodi ferè nihil habent commercij cum ethnicis authoribus. Cæterum quanquam non censeo Martialem, Catullum, Tibullum, aut siqui sunt horum similes, prælegendos ætati lubricæ: tamen ad antiquitatis & uenustæ dictionis cognitionem expedit præceptorem in omni ueterum genere diligenter fuisse uersatum. Sacratior quidem est liber Psalmorum, quàm Odarum Horatij, sed ex his quàm ex illis rectius discitur sermo Latinus. L. Verùm, hoc hominum genus unde uelles parare uictum? V. Si nihil aliud, unde regius ille Paulus sibi parabat, consuebat coria. quanquam aliud est unum alere, aliud ditare multos. L. Prohibet sacerdotij dignitas. V. Sacerdotes sunt qui populo CHRISTI ministrant Euangelium. Quid si omnes fiant sacerdotes, num omnes uiuēt in otio? L. At sunt uiri boni. V. At non meliores Paulo. Verùm agnoscamus dignitatem, num otium adfert dignitatem? Scurrarū igitur & ludionum mira dignitas est. Otij laudem habet in Episcopis & clericis, quanquā id nihil minus est quàm otium, quum assidue uacent ediscendis edisserendisque scripturis, cognoscendis causis, componendis litibus, increpandis improbis, consolandis afflictis. Nullum est honestum otium, tantū in negotij genere discrimen est. An tibi iusta uidetur ab operis manuarijs excusatio, quod hypodiaconus sis aut diaconus, quum nullam operam præstes ecclesiæ, nec huc te pares ut præstare queas? Olim certè proprium erat monachorum operari manibus. Quod si causantur sordidum opificium: si non sordidarunt Paulum coria, non est quod illi metuant sordidum opificium.

L. Quod narras, idem frequenter audiui à uiris insigniter cordatis. Sed isti uacant precationibus. V. Vacent, labor non multum officit precationi. L. Illos certe probas qui constitutis sodalitijs alunt in studia tenues, quibus alioqui cum remo, stina & rastro res erat futura. V. His rebus quidam fortasse magis congruebant. Verum agetū, piæ mentis arbitror subleuandis pauperibus indulgere. Ad literas accersi nolim, nisi uigilanti cum delectu. L. Cur ita? V. Fateor ex subulco nonnunquam nasci regno dignum ingenium: sed ut paria sint ingenia, plurimum habet momenti liberalis educatio. Nec parui refert inter quos uerseris à puero. Ad liberales autem disciplinas prisci non admittēbant, nisi bonis prognatos. Hic periculum est, ne uenter illeceat ad studia literarū, quos natura genuit alijs rebus. Iam si quorum indoles meretur ad hoc honoris uocari, simul accedere debet liberalis educatio, sic ut frugalitas adsit, non absit mundities. Nec oportet benignitatem esse sordidam, alioqui hoc non est alere, sed torquere. Sed de suis quisque liberis statuet quod uidebitur. Tuū qua ratione uis institui? L. Primum discet expedite sonare, deinde promptè legere, mox elegantè pingere. Deinde deligetur morum & ingenij formator, deligentur sodales proba indole. Alibi parcus error, non hic. Vtriusque linguae peritiam exacte perdisceat teneris statim annis. Dialectices non patiar esse rudē, nolim tamē ludicris illis argutijs ad ostentationem re-pertis torqueri. Rhetoricis aliquanto quidam diligentius, sed tamen citra superstitionem exercēbitur, scribēdi dicēdiq̃ue potius usu, quā anxia præceptorū obseruatione. Sed prius Geographiam perdisceat acura-

Ratio pue-  
ri instituē-  
di.

te: Arithmetica, Musica & Astrologia degustasse sat erit. Medicinae tantum addetur, quantum tuendae ualitudini sat erit. Nonnullus & Physicae praebebitur gustus, non tantum eius quae de principijs, de prima materia, de infinito ambitiosè disputat, sed quae rerum naturas demonstrat. Quae res agitur in libris de anima, de meteoris, de animalibus, de plantis. V. Nihilne de moribus? L. Hoc aphorismis instillabitur, praesertim ad pietatē Christianam & officia uitae communis pertinentibus. V. Tot disciplinis oneras aetatem tenerā?

L. Faxo ut haec omnia ludēs discat prius, quā attingat annum decimumoctauum. V. Fortasse per artem notoriam. L. Nequaquam. V. Qui potest alioqui? L. Nihil est necesse, quemadmodū uerè dictū est, ut puer omnes disciplinas exactè discat. Quasdam gustasse sat est. Id magno fructu paruq; negotio fiet, si ex singulis praecipua quaedam redigantur in compendium. Neque quicquā facilius discitur, quā quod optimum est. V. Pulchrè narras. Sed unde compendiorum artifex? L. Iam hoc ago, nec ab uno petam omnia, sed in quo quisque praecellit, in eo deprecam illius operam. Ita meus catulus non ludet operam & impensam in friuolis, aut dediscendis, in quibus hodie, deum immortale, quanta pars aetatis perit! Vbi iactis huiusmodi fundamentis peruenerit ad annum decimumseptimum aut octauum, ipse sibi deliget studiorū ac uitae genus, ad quod se senserit natura magis compositū. Vix enim feliciter cedit, ad quod quis reluctante genio protruditur. V. Utinam istam rationem amplectantur publicae scholae. Nihil esset inuentute felicius.

L. Arbitror tibi frequenter ex maioribus auditum,



fuisse tempus quo pueri multis annis discruciantur modis significandi, et quæstunculis ex qua ui, et alijs indoctissimis nœnijs, magnæque ambitione dictabatur, ediscabatur, exponebatur Ebrardus et Florista: quod supererat temporis, ridiculis uersiculis transigebatur: Ioannis Garlandini Græcolatina disticha prælegebantur a sudantibus, Catholicon in omnibus templis habebatur. V. Infelix profecto seculum. L. An tu credidisses unquâ fore, ut apud Britannos aut Batavos pueri Græcè garrirent, Græcis epigrammatijs non infœliciter luderent? V. Citius credidissem ruiturū cælum. L. Tanta rerum mutatio mihi spem facit fore, ut unaquæque professio, repurgatis his quæ magis faciunt ad quæstum et ostentationem, quàm ad eruditionem, tantum ea compendio doceat, quæ digna sint cognitu. V. Istuc equidem uehementer opto. Nam nunc uideo quosdam adeo propensos in has politiores literas, ut fastidiant liberales disciplinas, quasi summa studiorum sit emendatè loqui. L. Vera narras. Verum hæc est rerum humanarum conditio, quum ad summum peruenerint, non corriguntur, nisi in diuersum detorqueas, ac propemodum uitio uitium emendes. Cæterum arbitror hanc prauitatem aliquando in suum statum redituram. V. Nihil existimo desperandum, posteaquam scenam rerum usque adeo mutatam uideo. Tantū uereor, ne nobis quidē sero contingant ista. Verum hic sermo nobis propemodū extra causam fertur, optime Leo. L. Quis sic? V. Quoniā nobis hæc, ut dicebam, præproperea cura est. Nos enim de publico iuuentutis formatore loquimur, tuus infantulus adhuc inter matris ac nutricij sinus repit. L. Verum, sed



ab his initijs prima facundiae rudimenta Rhetores auspicantur. Nam Quintilianus, ut Gracchorum admirandam eloquentiam nonnulla ex parte acceptam refert Corneliae foeminae supra sexus modum eloquenti, ita Lelii et Q. Hortensij filiam scribit in dicendo paternam elegantiam retulisse. V. Hæc illis temporibus rectè præcipiebantur, quum Latine Græcæque loquerentur etiam infimæ plebis opifices, æquè atque docti, nec sermonis genere differebant, sed sermonis elegantia. Nunc à parentibus ac nutricibus quid discere possunt infantes, nisi uulgatam suæ gentis linguam, puta Gallicam, Hispanicam, Germanicam, Britannicam, aut Sarmaticam? L. Rectè mones. Utinam uniuersum mortalium genus duabus duntaxat linguis uteretur. V. Quibus? L. Græca et Latina. V. Quid de lingua Hebraica? L. Eam, quoniam nec admodum latè patet, et, ut apparet, nec ab ipsis Hebræis satis tenetur, Iudæis ac Theologis relinquere. Simulque uereor nequid Iudaismi cū literis imbibat puer. V. Eadem opera uerere nequid paganismi combibat ex Homero, Demosthene, Virgilio et Cicerone. L. Et hoc pro uiribus curabitur. Verum unde, quæso, nobis tot linguarum myriades? V. Non nouum hoc malum est, o præclare. Nam olim à diluuio, quod Noe temporibus accidit, prisca mortales, ne simili calamitate dissiparentur, costilibus lateribus et bitumine uicè calcis adhibito, ciuitatē extruere adorti sunt, et in huius medio turrim immensæ molis, quæ pertingeret usque ad cælum. L. Vnde tanta bituminis uis? V. Non coquebatur ex animantium pellibus cornibusue, nequid erres, sed in ea regione lacus immensi scatent bitumine.

Iam structura penetrarat nubes. Erat autē hominum immensa uis, neque quisquam omnium uacabat operis portione. Illic prorsus euenit quod habet Græcorū prouerbiū, ἀπὸς ἀνθρώπων, οἱ δὲ ἀπὸ πρὸς τοῦ σκάφας. *ag. ind. et*

L. Quinam? V. Aliquis è longinquo petebat obsonium, alter adferebat lateres. Rursus alius inclamabat sitiens, adferte potum, alter deferebat bitumen: priusquam ille recurreret, hic fame sitiue perierat. *zenod. tras. c. 5. 2. c. 6. 2. v. 4.*  
Rursus alius postulabat ignem, deferebatur aqua. Hic petebat trullam, ille ferebat quæcurbitam. Tandem fatigati tædio, structuram omiserunt: dūmq; se sibi mutuo ludibrio esse crederent, alij aliò demigrarunt, ut quosque iungebat lingua communis. L. Isti narrationi concinit OEdipodis, opinor, ænigma, de animante, quod primum quadrupes est, deinde bipes, tandem tripes, quòdque uocibus omnium animantiū sonet, p̄rque omnia uolitet. V. Eandem ob causam Homerus homines μέπονας appellat, ob uocis uarietatem. L. De linguarū igitur, ut uideo, diuersitate nulla spes est. V. Ne expedit quidē uulgo committere, quod syncerū ac perpetuū esse uelis. Olim bona pars Europæ et Africa, cum Asia minore Latinè Græcèque loquebatur. Quot barbaricas linguas nobis uulgus ex una Latina reddidit? Quot discriminibus sectus est Italiæ sermo? quot Galliæ, quot Hispaniæ? Præstat igitur has linguas, quibus maxima ex parte cōmissæ sunt disciplinæ, tantum ab eruditis seruari, quarū integritas non à populo, pessimo rerum bonarum custode, sed è libris eloquentum scriptorum petatur. Verum illud explici quur ea quoque sollicitudo tenet animum tuū, ut leuinculus tuus promptè legat, nec insatè scribat?

L. Quoniã id uideo Fabio quoque cum primis fuisse curæ, & simul utrũque disci potest. nam utraque res alteri auxilio est. Scripturã enim ineptam eadem sequuntur incommoda, quæ malã pronuntiationem. Vel Ciceronis orationem scribe literis Gotticis, solæam dicæ ac barbarã. Fit igitur ut aut gratiam amittat quod scriptum est, aut omnino reiiciatur, aut lectorem defatiget tædio. Consequitur autem ut nec doceas non intelligẽtem, nec delectes ægrẽ legentem, nec persuadeas enecto molestia. Et scis quã sine morosa quorundam ingenia, præsertim si scribas occupatis, aut de re per se parum amœna lectori. Quis enim diu possit auscultare balbutientem, cuius sermonem ægrẽ percipias? Contrã uix credi queat quantopere commendet rem, elegans, dilucida, distinctãque scriptura, Latinis elementis Latina uerba representatibus. Olim in scholis pleraque dictabantur excipienda discipulis, ita fiebat ut celeriter scriberent pueri, sed incommode notulis & abbreviaturis compendium aucupantes. Nunc typographorum ars facit ut eruditi quidam ne scribant quidem omnino. Nam siquid suarũ lucubratorum literis mandare uisum est, tam bellè pingunt, ut ipsi nõnunquam non possint legere quod scriptum est, & ab amanuẽsi flagitent ut legat, agnoscatque quod ipsi non agnoscunt. Quin & in epistolis principum exemplo, complures utuntur amanuensium opera. Sed quid illi facient in epistolis arcanis quales frequenter incidunt etiam regibus? ut omittam quod interdum ad auctoritatem, interdũ ad gratiam facit agnita manus. Nonnihil habebat momenti, quod Paulus apostolus Galatis epistolam totam ἀνὸς γὰρ οὐκ ἔστιν ἐκείνου misit. Quis non reue-

reatur, si rex sua manu descriptam mittat epistolam? Quomodo autem exosculamur, quoties ab amicis aut eruditis uiris literas accipimus ipsorum articulis depictas? Tum demum ipsos coram audire, coram intueri uidemur. Quid multis? Epistola digitis alienis scripta, uix epistolæ nomen promeretur. Multa de suo addunt amanuenses. Et si dictes ad uerbum, tamen abest illud secretum, & quædam aliter pronuntias, nonnulla suppressis, ne conscium habeas quem nolis. Non est igitur hoc liberum cum amico colloquium, ne quid interim loquar de fide scripti. Subscriptionem effingere facillimum est, totam epistolam perdifficile est. Habet enim singulorum ut uox, ita manus quoque quiddam suum ac peculiare. V. Quod dicis quemadmodum nuntium, ita uerissimum esse fateor. L. An parum interesse censes, utrum ore suo quis referat tibi mentem suam, an per internuntium demandet? V. Plurimum refert, meo quidem animo. L. Mandatarius ille fieri potest ut mentiatur, ut quædam prætermittat, ut aliter referat, quam accepit: postremo ut optima fide referat omnia, oculorum, frontis, uultus & uocis energiam non potest exprimere. V. Persuasisti, plurimum ad rem facere si puer statim discat quam optimè scribere, non solum ob causas, quas tu quidem grauissimas commemorasti, uerumetiam ob id, quod facilius ac libentius scribit qui scite didicit scribere. Habet enim elegans scriptura non aliter, quam insignis pictura suam oblectationem, quæ tum scribentem in opere, tum legentem in studio remorat. Verissimum est autem hinc & illud quod dicitur, rectè scribendo fieri ut celeriter scribamus, non multum scribendo ut bene. L. Superest igitur ut inquis-

ramus qua ratione fieri possit ut puer & bene & celeriter discat scribere. V. Eadē cura me quoque iam pridē torquet. Nam optarim ex tot ursinis catulis unū atque alterum sic educari, ut ex homine prognati uideri possint. L. Ergo communica siquid habes. V. Ex me quidem nihil habeo: cæterum quod ex alijs accepi, si uoles, qualecunque est, proferam in mediū, sed hac lege, ne tu cæles uicissim, siquid habes rectius. L. Pollicor. V. Nuper interfui conuiuio grammaticorum, opinor fuisse plures duodecim, diceres non modò iustū, sed & frequentem senatum. Ibi de rebus huiusmodi ferebantur suffragia. L. Conueniebat inter illos?

V. Adeo, ut rē pulchrē gestam arbitrarer, si diuini dimissum fuisset consiliū. Nunquam uidi calidiorē de re frigida concertationem. Longa rixa fuit, quot essent orationis partes, alijs octo in quindecim profertibus, alijs ad pentadem, alijs ad dyadem contrahentibus. In prælijs quamlibet acribus nox ingruens solet conflictum dirimere: hi medio conticinio fortissimē uociferabantur ad ipsum usque galliciniū. Nec satis omnium memini: si iubes, referam quantum hæsit memorie. L. Mihi quidem pergratum feceris. V. Aggrediar, & quidem præpostere. Nam sonare primum est, proximum legere, tertiū scribere, de quo primo dicam loco.

L. Hic quidem nihil refert. V. In primis aiebant curandū ut puero statim exemplum quā abso-  
lutiſſimum proponatur quod effingat. Nec quicquam  
uetat quo minus idem sit imitatu facillimum. Nam uul-  
gus scribarū flexibus, connexionibus, appendicibus, si-  
milibusque frivolis ductibus, quibus uelut animi gra-  
tia lasciuunt, multum difficultatis addunt scripturæ,  
c. iij.

fructus omnino nihil. Annon uides quanto Gottorum manus olim fuerit operosior Romana, & hodie Gallorum ac Germanorum, quàm Italicorum? L. Atqui Græcis successit ista literarum connexio, in minusculis duntaxat. V. Quid enim istis non succedit? quam & hanc affectatam esse nolim, multo minus feram scripturam crebris notulis decurtatam. L. Ne Latini quidem prisca notulis huiusmodi caruerunt. Quade re Probus grammaticus etiam librū reliquit. V. Fateor: sed in paucis dictionibus, numerorum, ponderū, mensurarum, & aliorū quæ solent identidem in sermone recurrere. Quamquam hoc quoque compendiū, multum inuexit dispendiū studijs. Nam in huiusmodi notulis ut est procliuus notariorum lapsus, ita restitutio perdifficilis, quod idē usu uenit in Mathematicis, qui formis elementorū signant suas *ἑποδείξεις*. L. Perge.

V. Primum igitur erit singulas elementorum figuras effingere, minusculas simul & maiusculas. L. Quidam in elementis affectant obsoletam antiquitatem, uelut è duodecim tabulis petitam, aut siquid his antiquius. V. Isti non minus absurdè faciunt, quàm faciunt ij, qui uerbis iam olim desitis delectantur, perinde quasi cum priscis Aboriginibus, aut Euandri matre loquantur. L. Etenim si rem ab Assyrijs ac Phœnicibus Cadmóque repetas, nec formas, nec sonos eosdem comperies. Sunt & qui suum quoddam scripturae genus affectant, ita scribes Latine, ut parū exercitato Græci uideri possint. V. Ridēdos mihi narras, non inutandos, nisi fortè placent Apuleij & Sidonij, aut, ut recentiores attingam, Baptistæ Pij, qui, quum suppetant probata, splendida, accommodaq; uocabula, tamē con-

fictis impudenter nouis malunt suo more loqui, perinde quasi nihil possit esse præclarū quod sit usitatum.

L. At quod tandem formularū genus maximè probas? V. Maiuscularū absolutissimum exemplum est in nomismatis Romanorū, quæ temporibus Augusti, & aliquot post hūc seculis excusa sunt, præsertim apud Italos. Nā in prouincijs artificum imperitia non perinde respondent. Minusculas undelibet suppeditat Italia, nisi quod ex omnibus eligendæ, quæ & simplicissimæ sunt, nec ita multum recedunt à maiusculis. Tantundē de Græcis præceptum esto. L. Quibus in rebus potissimum situs est literarum decor? V. In quatuor, *Literarum decor.* in figura, contextu, serie & proportionē. L. Figuram ostendisse satis est? V. Non est. Proderit & partium ductum ostendere, & quomodo parti pars adapte-  
tur indicare. L. Dic, oro te, clarius quod mones.

V. Perlongum sit, Leo, de singulis differere: dabo specimen unde cætera coniicias. L. Expecto. V. Alpha *A* maiusculum Græcis ac Latinis simili figura signatur. Huius sinistra linea paulo subtilior, calamo transuerso ducenda à summo ad imum: dextra, crassior plano, quemadmodum & transuersa, quæ uidetur addita, ne nullum sit discrimen inter Alpha & Labda Græcum. Hæc admonitus puer facilius imitabitur, quàm si tantum ostendas figuram. L. Sanè rectè. V. Alpha *a* minusculū uariè pingitur, sed cōmodissimè si primum *a* pingas o oblongū, dorso superne ueluti gibbo nonnihil prominente ad dextram, deinde ab illius summo in gyrū commodè flexo calamo, mollem addas semicirculū, infernè nonnihil inflexum o, a. Item b minutulum si uelis pingere, ducenda est ex alto recta linea, *b*  
c.iii.



id primū est. huic annectendus semicirculus, hoc est, in-  
 b uersum. quod si infernè hiet, fiet h aspirationis nota.  
 K Eidem columnæ si addideris lineā infraetam, erit K.  
 Rursus eadē si infernè promineat extra uersum, et  
 p addideris ad dextrā inuersum, fiet p. Si ad læuam  
 rectum c, erit q. Si nihil annectas lineæ sursum pro-  
 l minenti, erit l, nisi quòd infernè paululū inflectitur,  
 quo differat ab l maiusculo. L. Sat est, habeo speci-  
 men, reliqua per me coniecto. V. Superest formularū  
 uarietas, quæ maior est in Græcis minutioribus. Deim-  
 de notulæ decurtatarū dictionum, quæ res magis perti-  
 net ad promptè legendum, quàm ad rectè scribendū.  
 Sed primis initijs magis congruunt simplicia. Huic  
 exercitationi succedit contextus: refert enim quam li-  
 teram cui iungas. Quædam enim se non sustinent con-  
 tingere, quædam gaudent contactu, quædam sibimet  
 implicantur, ueluti p et o refugiunt contactum: f, g, t,  
 et fortassis aliæ nonnullæ, quibusdam annecti gaudēt,  
 ut grande facinus, flagitiū, traxit. nec tamen hæ mi-  
 scentur quibuslibet. Græci in pingendis minusculis fœ-  
 liciter lasciuunt, literas aliquot inuicem complicantes.  
 Idem et in maioribus tentatum, sed apud Græcos non  
 temerè nisi in notis numerorū, ueluti quum signantes  
 quinquaginta, Delta minusculū includūt py, [Δ]. Apud  
 Latinos tentatum à multis non successit. Profuerit igitur  
 nouo scribæ, si has formarum uarietates non solum  
 pictas, sed et pingi conspiciat. L. Super his, utcun-  
 que minuta sunt, admoneri gaudeo. V. Post hæc de  
 serie disputabant, ut intra rectas lineas decurrāt uer-  
 sus, ne scriptura sit similis Sibyllæ folijs, et iuxta Plau-  
 tinum iocum, litera literā scandat. Nihil hac inæqua-



litate deformius. L. Ad istū sanè modū scribit uxor mea. V. Iā bona pars artis est in proportionē. Ea sita est, partim in partibus figurarū, partim in prominentijs, partim in interuallis. L. Ista non satis assequor.

V. Nihil aliud accipies, quàm specimen rei. A maiusculū constat tribus lineis. Itaque ad symmetriā pertinet: ut transversa equali spatio distet, et à summo et ab imo. Rursus indicandū quanto spatio distet inum sinistrae lineae ab imo dextrae. Finge triangulum aequilateribus: si detrahas imam lineam, eāque certa portione decurtatam transferas in mediū, habebis Alpha.

L. Intelligo. V. Item in B, erectae lineae seu columnae duo ueluti uētres annectūtur, sed inaequali tumore: cui si desit sua symmetria, offendit figura. L. Sic est profecto. V. Eadē est ratio in partibus quae prominent, aliae sursum, aliae deorsum, uidelicet ut l, sursum eminem, et p, deorsum, tantum habeant longitudinis extra uersus spatiū, quantum intra: c, uerbi causa, implet rectum spatiū, huic annexa linea ut fiat q, duplicet illud, aut certè minimo superet. Hic enim non artem tradimus, sed exemplū adducimus. L. Mihi quidem satis est. V. Porro interuallū bifariam consideratur. Alterum est quod dirimit uersum à uersu, alterū quod literam à litera: addo si uelis tertiū, quod dictionem à dictione, quod comma à commate, colon à colo, periodū à periodo, simul ascriptis notulis, quibus distinguuntur. Ut autem obseruata proportionis ratio non hic tantum plurimum confert ad decorem, ita recta distinctio credi uix potest quantum adferat lucis ad intelligendam sententiā. ut non inscitè dixerit eruditus quidam, aptam distinctionem, commentarij genus

esse. Expedit igitur & huic rei statim assuescere puerum, ita consuetudo uertetur in naturam, ut uel aliud cogitans, seruet tamē in scribēdo notulas huiusmodi nō aliter, quā litteras ipsas. L. Audio priscos illos nullis interuallis diremisse dictiones, sed perpetuo contextu produxisse uersus. V. Fateor: at nec apices olim adhibebant Hebræi, ne Græci quidem, arbitror, sua pūcta: nos tamen non usque adeo morosi sumus, ut siquid bonæ rei repertum sit à recentioribus, grauemur accipere. Hæc diligentia etiam illud adduxit commoditatis, quod scripturam apicibus, notulis, interuallisque distinctam, minus in procliui sit deprauare. L. Apparet tamen ueteres apicibus usos. V. Istud quī coniectas?

L. Quia narrant Cadmum litteras à Phœnicibus primum inuexisse. Eam rem fabula notatam, quæ fingit illū serpētis extincti dētes in terram seminasse, ex hac semēte subito exilisse duas galeas & hastas armatas acies, quæ se mutuis uulneribus confecerint. Atqui demiror quid hæc fabula faciat ad litteras. V. Dicam, nisi molestū est. L. Imo percipio, si graue non est.

V. Infexistine unquā os serpētis? L. Ne cupio quidē.

V. Mortui, inquam? L. Ne mortui quidē. V. Quis unquā audiuit Leonem timidiore? Si tamen inspicias, numerésque supernos & infernos dētes, tot reperies, quot litteras primū attulit Cadmus. L. Quot? V. Sedecim, ni fallor. Otiosæ sunt autem sic, ut natæ sunt ordine positæ, dissipantur, seminantur, atque ita demum plures numero uariæque digestæ, uiuunt, agunt, pugnant. Id si non credis, consydera qua strage se uicissim faciunt hodie qui litteras profitentur. L. Veriora ueris narras. V. Quid est autē scriptura, nisi mutus sermo,

perinde quasi nutibus inter se colloquantur elingues?

L. Nihil aliud. V. Et sermonem à serendo dictum aiunt grammaticorum filij. Habes Cadmeæ sementis allegoriam. Nunc excutiam scrupulum, qui, uti coniector, urit te. Tonorum ac spirituum notulas, imaginariis esse lanceas & galeas exercitus. L. Rectè diuinas. V. Imò partes elementorum sursum eminentes talium rerum speciem præbent: & si diligentius contemplare, uidebis illic non solum lancearios, ac leuis armaturæ milites; uerum etiam cataphractos, clypeis, ensibus ac balistis instructos. Verum harum rerum imagines melius exhibent Hebræorum elementa, à quibus profectas fuisse literas nostras una cum ipsis figuris, non absurdè quibusdam uidetur. L. Istam fabulā, mihi crede, non narraſti ſurdo. Cæterum illud adiungas uelim, quibus modis puerum oporteat istis assuescere noscendis. V. De agnoscendis elementorum figuris mox dicetur. Agimus enim, ut dictum est, ordine præpostero. Ad exprimendū pictura singulas, primum est exemplar, deinde cōmonstratus ipse linearum ductus, præterea manus docentis imposita manui pueri, eamque regens ac moderās. Indicauit aliud adnunculum Fabius, ut eburneæ tabulæ primum literæ simplices, mox syllabæ ac dictiones, deinde uersus aliquot quàm scitissimè insculpantur, per eos sulcos puer consuescet stylū ducere, donec, iuxta philosophos, actio frequenter iterata gignat habitum. Nam hac arte didicimus & cæcos nonnullos promptè scribendi facultatem sibi parasse. Eadē opera fiet, ut nec diuariet à recta linea, nec usquam peccet ab harmonia proportionis. Olim stylo scribebatur in tabulis ceratis: nunc, quoniam calamis aut pennis scribitur, in chartis aut

Quomodo  
docendi in  
uenes scri  
bere.

membranis pingitur, alia scribendi ratio est. **L.** Et antiquitus folijs, arborum codicibus, aut linteis cerussatis, aut aliqui leuiter incrustatis inscribebant.

**V.** Et nunc sunt qui in tabellis puluere oblitis stylo æreo argenteoꝛue scribam. Sed præclarus artifex uarias rationes comminiscetur, quibus puerili studio subueniat. Quarum una est, si perfectum exemplar membranæ pellucidæ supponatur, super quam puer calamum ducat sequens subiectas lineas. Altera est, si scribendi peritus stylo argenteo aipreóue uestigia literarum imprimat chartæ, deinde puer per eadem lineamenta ducat calamum, aut pennam atramento madentem. Eadem erit utilitas si succo ligni cuiusdam figuras præscribas, leuiter purpureas, quas puer tegat atramento. Hic prioris scripturæ uestigia coarquant, quantum sit aberratum à præscripto. iam quidam utuntur tabulis, in quibus fila, fidé sue glutino affixæ, linearum uestigia chartis admotis imprimunt. Earum res ad figurarum speciem non ita multum confert, plurimum tamen conducit ad rectitudinem uersus, et ad harmoniam partium supernè infernèue prominentium. Id commodissime fiet, si singuli uersus signentur quatuor lineis, æqualibus interuallis inter se distantibus, intra duas medias ducentur ipsa literarum corpora: quæ uerò prominēt sursum ac deorsum, intra suum modum cohibebunt extremæ duæ. Eadem arte licebit æqualibus spatijs dirimere uersum à uersu. Verum ut his adminiculis prodest exerceri puerum, ita non expedit semper his niti: sed ubi iam profecerit, consuescat absque cortice nare, nec semper linearum ductum desideret. **L.** De scribendo uideor mihi propemodum sa-

*tis instructus. V. Vnum illud addā, hæc ita tradenda pueris ut se ludere putent, non studere. Quidā enim hæc tanta docent acerbitate, ut pueri prius discant odisse literas, quàm nosse. Ad hæc inuabit ad picturā interim nonnihil exerceri puerum: ad eam artem plerique sua sponte feruntur, dum gaudent & exprimere quod agnoscūt, & agnoscere quod ab alijs expressum est. Ut autem qui musices periti sunt, rectius pronuntiant etiam non cantantes: ita qui ducendis in omnem formam lincis digitos habet exercitatos, mollius ac fœlicius pinget literas. Siquid super his requiras subtilius exactiusq;, extat liber ALBERTI DVRE-  
 RI, Germanicè quidē, sed eruditissimè scriptus, in quo priscos huius artis heroes imitatus, nominatim Pamphilum natione Macædonem, quum omnium literarū, tum Geometricæ & Arithmeticæ egregiè peritū. Nam sine his disciplinis artem absolui posse negabat: ad hæc Apellem, qui & ipse ad Perseū discipulū de arte sua conscripsit, multa præclarè tradit de mysterijs graphicæ, ex Mathematicorū petita disciplinis, & in his non pauca de figuris elementorum ac ductibus, proportionēque literarū. L. Dureri nomen iā olim noui, inter pingendi artifices primæ ælebritatis. Quidā appellant horū temporū Apellem. V. Equidem arbitror, si nunc uiueret Apelles, ut erat ingenuus & cæcidus, Alberto nostro cæsurū huius palmæ gloriæ. L. Quis potest credi? V. Fateor Apellem fuisse eius artis principem, cui nihil obijci potuit à cæteris artificibus, nisi quòd nesciret manum tollere de tabula. Speciosa reprehensio. At Apelles coloribus, licet paucioribus minusque ambitiosis, tamen coloribus adinuabatur. Du-*

Albertus  
 Durerus.

V. de p. h. m. i.  
 35 r. 12

verus quanquā & aliās admirāndus, in monochromatis, hoc est, nigris lineis, quid non exprimit? umbras, lumen, splendorem, eminentias, depressiones: ad hæc, ex situ rei unius non unam speciem sese oculis intuentiū offerentem. Observat exactè symmetrias & harmonias. Qui ille pingit, & quæ pingi non possunt, ignē, radios, tonitrua, fulgetra, fulgura, uel nebulas, ut aiūt, in pariete, sensus, affectus omnes, denique totum hominis animum in habitu corporis relucētem, ac penē uocem ipsam. Hæc fœlicissimis lineis & sicque nigris sic ponit ob oculos, ut si colorē illinas, iniuriam facias operi. An non hoc mirabilius, absque colorū lenocinio præstare, quod Apelles præstitit colorū præsidio? L. Non arbitrabar esse tantum eruditionis in arte pingendi, quæ nunc uix alit artificē. V. Non noui hoc est, insignes artifices tenui re esse. At olim inter artes liberales numerabatur graphiæ, nec hanc discere licuit nisi claris, mox honestis quidē concessa, cæterū uetitum ne seruitijs traderetur. Principū est ignominia, nō artis, si caret suis præmijs. L. Sentio quantum ad omnem facultatem parandam habeat momēti, statim optimis præceptionibus admonitum esse. V. His coniūcta est legendi cura, cuius celeritas, nisi primis statim annis paretur, non temerē contingit homini, quantumuis adnitatur. Vix autem fieri potest, ut lectione delectetur, qui legendo hæret ac laborat. Proinde, ut qui parum expeditè scribunt, ad dictandi compēdia confugiunt: ita qui difficulter legunt, aut in totum abstinēt a libris, aut si quid coguntur scire, lectorē acersunt. utrobique perit illud secretum quod præcipuē alit ingeniū, siue tuas cogitationes mandare literis pares, siue magnorū

De rectè  
prōptēq; le  
gendum.

uirorū cogitationes uelis cognoscere. Vt autem puer statim per lulum agnoscere discat literarū figuras, re adfero dictū humilem, sed tamen à summis uiris traditam. Profuerit eas crustulis exprimere, ut diuinanti non elementis, præmiū sit ipse cibus. Hoc Flacci consiliū est. Fabius aliud indicat huic simile, ut ex ebo-  
 re fingantur literarū formæ, atque ex his lusus aliquis pueris gratus proponatur, qualis est nucum, aut talorū, aut si quod aliud genus, quod nisi cognitis ac nominatis elementorū uocabulis peragi non queat. Quam ad rem accommodatissimus latruncolorū ludus, quē hodie Scacorum uulgus appellat, sic ut hinc Græcæ, hinc Latinae literæ inter se concurrerent, nisi quod operosior est, quā ut ætati primæ conueniat, adultioribus aptissimus. Idem efficient munuscula, quæ puerorū uestibus ornatus gratia affiguntur, aut in manum dantur, ut cum uoluptate intueantur, contrectent ac nominent. Videmus ætatem illam affici uoluptate, si in picturis agnoscant hominis, aut animantis, alteriusue rei figuram ac nomen reddant. Simili illecebra poterunt et ad literas agnoscendas irritari. Mox ad syllabarū connexionem progrediendum, hinc ad dictionum completum, postremo ad orationis structuram. Ea res ferè constat memoria, quam uolūt esse certam, eoque negant primæ fidendum, sed nunc recto, nunc inuerso, nunc confuso literarū, syllabarū ac dictionum ordine: repetenda subinde eadē et inculcanda, donec certam legendi facultatem et expeditam paratam esse constituerit. Nec ante tempus affectanda celeritas, quò sit ut multum adferat moræ lectioni incogitans festinatio, dū auditor dubitat quid legerit, dum auribus non affe-

Quomodo  
 pueri doce-  
 di literas a-  
 gnoscere.



quitur lingua properantem, dum quædam intermit-  
tuntur, quædam perperam sonantur, unde dū uel alijs  
reuocantibus, uel ipse tibi diffidens repetis multa, non  
parum dispendiū secum adfert malè captatum compen-  
diū. Prima cura sit, ut attentè, ut emendatè legamus:  
cæterum ut idem faciamus expedite, nec cogitantes, ac  
uelut aliud agentes, dabit usus. Id quod scitè præce-  
pit Fabius, Certa sit, inquit, in primis lectio: deinde con-  
iuncta, & diu lentior, donec exercitatione contingat  
emendata uelocitas. L. Ista præceptio non hîc tantum  
ualet. V. Adiciēbant & illud, dum legis, in dextrū  
flectendos oculos, & quodammodo præcurrendū di-  
ducta in duas res animi intentione, ut aliud agatur  
uocæ, aliud prospectu: quemadmodū qui facit iter, non  
hoc intuetur quod calcat, sed quod calcaturus est: sic  
huic posteriora intucti priora recitanda sunt. L. De-  
miror quur hoc natura inuiderit homini, ut altero o-  
culo prospiceret in dextrum, altero in læuum. Nec ui-  
deo quorsum opus sit duobus, quum fabri & balista-  
rj, si quando maximè intendunt prospectum, alterum  
occludant oculum. V. Dicam, si quis te casus altero  
orbaret oculo, nōne gauderes alterū superesse? L. Ve-  
rū si legas Hebræa, in læuum flectendus prospectus.

V. Nimirum ut in scribendo manus. Verū id mi-  
nimo negotio docet paucorū dierū usus. Noui qui &  
pedum digitis expedite scitèque scriberent. Quibus-  
dam ea prospectus celeritas est, ut oculis præuolanti-  
bus deprehensa sententia, bene legant etiam perpe-  
ram scripta. Quædam enim nisi cognito prius sensu  
rectè sonari non possunt, etiam si bene scripta sint.

L. Credo, sed plures sunt qui rectè scripta legant

perperam. V. Quod dicam, prodigū simile est. Viuit adhuc quidam de procerū aulicorū numero, qui nunquam legit ipsum quod scriptum est, sed loci sententiā alijs reddit uerbis. Rogatus à me num sciret se id facere: fatebatur, se frequēter huius rei admonitum. Quærebā num sciens ac uolens id faceret, negabat: imò non dissimulauit se sibi hoc nonnunc displicere. Addebam quānā occasione uenisset in eam consuetudinem: num puer habuisset præceptorem, qui parandæ copiae gratia iussisset illum alijs uerbis efferre quod legeret, aut num quid aliud accidisset simile. negauit. Nam est huiusmodi musices genus apud Britannos, ut multi inter se concinnant, quorum nullus eas sonat uoces, quas habent codicum notulæ. L. Habet natura suas quasdā arcanas causas, quas frustra scrutatur homines. Et ipse noui puerum annos natum duodecim, cætera perfectum, hoc tantum habebat prodigiosum, quod omnia uerba præposterè loqueretur, quod in nostrate lingua scis esse absurdissimū. Nam Latine loquentibus, quamquam ad decorū compositio plurimum facit, tamen ad sensum ferè nihil refert, siue dicas honora patrē tuū, siue patrem tuū honora: nihil autem absurdius, quàm si quis nostrate lingua dicat, patrē tuū honora. V. Sic est ut dicis. Addunt autem præceptiunculam, mea sententia non aspernandam, quæ pariter et ad legendū et ad scribendū pertinet, nonnihil etiam ad mores.

L. Audire gestio. V. Moris est ut post agnitas formulas, et cōtextas syllabas incipiant scribere nomina, mox et oratiunculas. L. Sic est. V. Hoc operæ nolunt insumi in uocabulis inanibus, ac nihil significantibus, aut uulgo notis. L. Expecto ut melius dicas.

V. Scis bonam eruditionis partem esse, scire rerum uocabula. Hic supra modum cessatur à grammaticis uulgatibus, quorū uitio fit, ut adolēscētes post multos annos in grammatica contritos, uix norint ullius arboris, piscis, uolucris, quadrupedis, aut leguminis uerū nomen. Ne domi quidem ullam supellectilem Latine nominare possunt, adeo ut quum uolūt sibi dari mantile, dicant da mihi rem, & aut indicē digito est opus, aut uulgatæ linguæ subsidio. Idem usu uenit si producantur in officinam cuiuslibet artificis, tantum generales rerū uoces utcunque tenent, species prorsus ignorant. L. Istud mihi sanē usu uenit, ac mecum alijs quamplurimis. Arborem, legumen, herbam, equum & canem ostendere possum: at si quis exigat ut ostendam alnum, aut fraxinum, aut ilicem, silurum, scarum aut pectinem: eruū aut miliū: scolopendram, uiuerram aut selem, hæreo. V. Sic & in dialecticis pueri nihil audiunt, nisi sortes currit, Plato disputat. Si asinus uolat, asinus habet pennas, & Sortem currere est possibile. L. Quid igitur hic consiliū? V. Eadem opera licebit pueris præscribere, uulgo non obuia rerum uocabula, aut uoces exquisitas, nonnunquam & bonæ rei quippiam admonentes. Tam facile dicitur quid sit lacerta, aut stellio, aut pectunculus, quàm quid sit canis aut uacca: nec difficilius scribitur Tempori paræ, quàm uacca mingit, aut canis latrat. Interdum unica uox continet perfectam sententiam, ut σὺ φέρεις. Id multo magis conuenit obseruari posteaquam eò profecit puer, ut integri uersus iam sint ad imitationem præscribendi. Quir enim non potius illis præscribitur hoc carmen,

Quo semel est imbuta recens seruat odor  
 Testa diu: quàm illud,  
 Aut pluit, aut nungit, aut nostra pedissequa mingit.  
 In hunc usum ualebūt celebrium uirorū apophtheg-  
 mata, exquisitæ breuēsque sententiæ, prouerbia, ac le-  
 pidè dicta, cuiusmodi supellex ad omnem discendi fa-  
 cultatem plurimum habet momenti. Quorum si quis  
 singula contemnit, huic occinam illud Hesiodium, Pu-  
 sillū pusillo si addideris, cito nasci magnum acerrum.  
 Et hæc inter lusum licet ediscere, nulla rerum memo-  
 ria tenacius ad ipsam usque senectutem hæsurā ani-  
 mo, quàm quæ sic infixæ sunt. Vides igitur quanta no-  
 bis hîc pereat utilitas. L. uideo sanè quanta pars æta-  
 tis nobis instituentiū uitio præterfluat. . V. At uereor  
 ne te delassem, si quæ de pronuntiando disserta sunt  
 referam. L. Imò hîc habebis attentissimum, quando-  
 quidē hoc erat quod me potissimū sollicitabat, quan-  
 quam et cætera iuuat audisse. V. Quanquam ergo  
 puer à nutricibus non discit Latine, tamen referre di-  
 cebant, inter quas primum inciperet æmulari uoces hu-  
 manas: quòd ætas illa, quoniam præter imitandi faci-  
 litatem nihil habet, nescio qua rerum humanarū in-  
 fœlicitate, citius propè reddit praua, quàm recta. Ac  
 nūrè fit, ut semel infantibus arrepta uitia in adultam  
 ætatem sic prosequantur, ut ægrè queant dedisci. Sunt  
 autem oris ac linguæ diuersa uitia, quorum aliquod  
 nonnullis affixit natura, sed plura peculiaris cuique  
 uel negligentia uel affectatio: bonam autem huius ma-  
 li partem affert ipsa natio, ut in sonis suum quæque  
 quiddam habent, Hispania, Italia, Gallia, Germania,  
 Britannia, ac bene nobiscum ageretur, nisi singulæ na-  
 d. ij.

De rectè  
 pronuntiā-  
 do.

De p

Pellucidū

Perlucidū

gus radu

onē, per

dictionibus

proponi

indit in. L.

le elegit

t viros so:

quā h.

tab. p. r. a.

p. Masia

rhōus,

Valesij.

Honos.

tiones in varias uitiorum species essent distractæ. Si labdacismus est impotētia sonandi caninam literam, multis uitium hoc adnascitur, nonnullis deliciæ loquēdi conciliant. Etenim quum cæteris animalibus lingua sit absoluta, homini tot uenis astricta est, ut quibusdā necesse sit intercidī. Nec hoc succedit omnibus. nam alijs deterius attidit uitium, alijs lingua nihilo fecius manet inexplanata. Memoriae proditum est Demosthenem eloquentiæ principem, primam artis suæ literam sonare non potuisse. Metellum Pontificam lingua adeo impedita fuisse narrant, ut mensibus aliquot sese torserit, dum meditatur in dedicanda æde uerbis solennibus dicere, opiferæ Cereris. Nam labdacismum, quē scriptores notant in Alcibiade, delicijs non naturæ tribuendum arbitror. L. Ab istis ortum arbitror, quod pellucidum dicimus pro perlucidum, et pellicere pro perlicere, et pellegere pro perlegere. V. Haud male coniectas. Huius literæ difficilior est sonus in initio et sine dictionis, tum in medio duplicatæ, mollior si simplex incidat inter duas uocales. Exempla sunt, regula, moror, carrus, oro. Durior etiā apud Græcos qui posteriori addunt aspirationem, ut Ἀμαρρῶς. Hanc asperitatem quidam mitigant supposito σ, ut ἀμαρρῶν. pro ἀμαρρῶν. Idem faciunt hodie mulierculæ Parisinæ, pro Maria sonantes Masia, pro ma mere, ma mese. Etiā si non defuerunt apud Latinos, qui contra Fusios ac Valesij. Valesios uerterint in Furios ac Valerios: atque è diuerso, qui honos, labos, uapos et clamos dicere maluerint, quā honor, labor, uapor, et clamor. His contrarij Eretrienses, σ uertunt in ρ, dicentes σκληρότης pro σκληρότης: atq; hinc prouerbij iocus in Eretriensij ρα.

L. Isto uitio noui plurimos qui laborent. Verum estne remedium huic incommodo? V. Est, si intercedas plectri retinacula, nisi quod non uacat periclitari uenas, hoc est, iuxta prouerbiū, τὰ ἀκύνετα κινεῖν.

L. Quum animantibus quibusdam tam mobiles et expeditas linguas natura dederit, demuror homini datam tot astrictam retinaculis. V. Multis expediebat nullam omnino linguam esse datam. Nunc neque uenarū retinacula, neque uallum duplex dentiū, neque labiorū oppositi muri satis cohibere possunt membrum hoc nimium uolubile. L. Nihil uerius. V. Rursus alijs tam est docilis, ut animalium omnes uoces indistincta similitudine reddant, ut si tantum audias, credas uagire puerum, rixari foeminam, tussire senem, grunnire porcum, canere lusciniam, hinnire equum, latrare canem. Cæterum aduersus omne linguæ uitium ualebit difficultatibus exerceri, quo studio Demosthenes fertur triplex naturæ uitium expugnasse. Nam ad exprimendū p, linguam habebat explanatam, et spiritosus erat, et uox infirmior multitudinis fremitu intersecabatur. Itaque tophis subter linguā impositis, uersus complures aduerso monte continuato spiritu resonabat, et in litore nonnunquam quum maximè fremeret mare, dictionem exercebat, ut populi fragorem assuesceret contemnere. Ita uerum esse docuit, quod a sapiente quodam dictum est, μελέτη πάντα διώματα. Huic simillimum est quod indicat Fabius. L. Quod nam? V. Existimat os puerorum reddi firmitus, ac sermonem expressiorem, magisque, ut ita loquar, articulatum si ab his exigatur, ut nomina ac uersus affectatæ difficultatis ex pluribus asserrimè inter se coeund. iij.

tibus syllabis catenatos ac ueluti confragosos, quàm citatissimè uoluât. Huiusmodi uersus Græci χαλεπιὺς dicunt. Difficultas autem syllabarū aut dictionum, partim nascitur ex natura literarū, partim ex connexionē, partim ex turba concurrentiū consonantium, partim ex his omnibus, ρ, ξ, ψ, & nostrum f durioris sunt sonitū. unde rerum, rex, ξένος, psittacus, & effero, non admodum facile sonantur. Quemadmodū & μῶν, πῶν, βδέων, non quòd in his postremis difficultas sit in singulis, sed quòd parum sibi congruant. Turba gignit difficultatem, quā dicimus glans & mons. Nam in his sunt duæ literæ, l & n omnium suauissimè sonantes. Ex multis simul nascitur difficultas, quum dicimus ferrum, feruor, fragor, πύξ, trabs, Thrax, Xerxes, Artoxerxes, αἰγροκερδής. Numerus autem literarū in eadem syllaba non excedit senariū, qui tamen apud Græcos ægrè reperitur. Fraus constat quinque literis, sed unam absorbet diphthongus. strix habet quinque sine diphthongo, quemadmodū frons. Scrobs & stirps apud nos sex literis constant, soluta duplici: si Græcè scribātur, quinque duntaxat: si stirps sonetur, eadem syllaba septem literas cōplectetur. Apud Græcos una dictio profertur, cuius altera syllaba sex literas complectitur, αἰγρός, sed ita ut diphthongus initialis separetur à consonantibus sequentibus, & ou diphthongus pro duabus supputetur. Versum quos à Græcis χαλεπιὺς appellari diximus, hoc exemplum fingi poterit, Γεγῶν χθονίαν αἰγρὸς φόνος ἑπάρξῃ, οὐ ξίφος ἐχθροῦ. Item, Arx stridēs rostris, sphinx, præster, torrida seps, strix. In huiusmodi difficultatibus exercitatio reddet linguam ad cetera tum expeditiorem, tum explanatiorem. At hodie sa-





priusquam ter absoluerent Kyrie eleeson. Tandem sacrificius, ut hoc hominum genus dicitur iracundius esse: Quid fiet, inquit, tūn' me derides, an ego te? Et exutus amictu sacro, reliquit arā, magno risu nostro. V. Eodē malo laborare videntur ranae, nunquam absoluentes suum illud κικικικεξ. L. Apparet. Alio quodam die audiui medicum in frequentissima schola disputationi praesidentem, alioqui doctum ac uocalem, nec inexplanatæ linguae, tantum geminabat extremā syllabam omnium dictionum, pro Auicenna promuntians Auicennana: pro scriptor, scriptortor: pro dicitur, diciturtur: pro pharmaca, pharmacaca. Id Graeci, ni fallor,

τραυλισμός appellant τραυλισμὸν, aut βατταρισμὸν: fortassis βαττολογία, nisi quod battologia repetit orationem. Sic enim apud Ouidium Battus, In illis montibus, inquit, τοῦ ὕψους erant, et erant in montibus illis. Quē inuitatus Mercurius curius respondet, Et me mihi perfide prodis, Me mihi prodis. Nos fortē non ineptē dixerimus titubantiam orationis, cui cognatum est uitium hæsitantiae, quam Graeci, ni fallor, uocant μωχαιλία. Haec omnia grauiora facit ira et pudor, aut alius uehemens affectus: quūmque alioqui, iuxta Fabium, pectus soleat facere disertos, his diuersum quiddam accidit ut obmutescant. Noui qui Austro flante sic hæsitabat, ut uix duo uerba posset eloqui. L. Vnde hæc mala? V. Partim à natura, sed multo maior pars à consuetudine praua, praesertim primis annis hausta. L. Ecquod habes his uitij remedium? V. Praesentissimum. L. Obsecro quod nam? V. Ut taceant. L. At nulli minus id possunt.

V. Ergo mittantur ad exemplum Demosthenicum, ac dictum illud sapientis, μελέτη πάντα δίδωται. L. In-

dicta rationem. V. Accipe, qui laborant in K, recitent subinde carmen in laudem Caluitij, concinnatum ex dictionibus continenter literam hanc primo loco habentibus. Qui in t, tales uersus repetant, ô Tite tute tati, tibi tanta tyranne tulisti. Aut tales, At tuba terribili tonitru, taratantara trusit. Nihil negotij fuerit alios cōsimiles effingere. Profuerit et singulas dictiones, et orationis membra lentè distinctèque pronuntiare, per silentia quodammodo redintegratis linguae uiribus, uocæ nonnihil ad cantum deflexa. Noui siquidem uiros ad primè doctos, qui priuatis colloquijs deformiter titubabant, è cathedra clarius loquentes, nihil eius uitij præ se ferebant. L. Nihil hîc ualet medicorum ars? V. Arbitror posse nonnihil, si nossent omnes musculos, quorum opificio uox promitur. Qui si fallant, habemus hîc diuam opiferam. L. Quam ais? V. Eulaliā. L. Ad diuos confugere extrema quidem est anchora, et fausti ominis nomen est. V. Quoniā autem grammatici excipiunt uocabulorum controuersia, labdacismus fortassis erit, ubi quis literā l, nimium operose sonat, ueluti si quis pro luæet, dicat elluæet, aut pro salua, sallua: quod uitij in magnis aliquot uiris deprehendi, sed quod affectationi potuit imputari, nō naturæ. Dū enim plus iusto studerēt articulatè loqui, in hoc malū deflexerūt. Idē faciebant in litera p, sonantes serua pro serua, ueraba pro uerba. Cui simillimū uideri potest, quod Græci uocāt Iotacismū. Id mihi uideor in quibusdā genere Græcis animaduertisse, nominatim in Georgio Hermonymo, qui se Spartanū prædicabat: docebat autem Lutetiæ, recenti memoria plurimis adhuc notissimus. Et apud Latinos sentias quos-

Labdacismus.

Iotacismus.

I dā intorquere os, quoties hāc student nimīū exprime-  
 re. Alij quoties sequitur uocalis in eadem syllaba, pro i,  
 propemodū sonāt g, ut gēcit pro iēcit, egicio pro eūcio.  
 Quāquā enim iota transit apud Latinos in consonā-  
 tē, si praeēdat in eadē syllaba uocalē, tamen sonus de-  
 bet esse medius inter uocalē & consonantē. Sunt qui  
 simili loco pro i, sonant ferē x; ut pro ianua, xanua:  
 pro Iesus xesus: protecur, xecur. Rursus alij sic sonant  
 tibijs, Virgiliū, ut ante secundū i, uidearis audire i con-  
 sonantem, & pro duabus efferunt tres. Sunt rursus  
 qui pro e, sonant i, quemadmodū pro a, o, de quibus suo  
 loco dicitur conueniētius. Addunt & Metacismam, dū  
 plus aequo exprimitur m, incidēs in finē dictionis se-  
 quēte uerbo, cuius prima sit uocalis: ut, plurimam au-  
 det: hic uolūt m euanescere, ut sonēs plurimaudet: si-  
 cut in illo Ciceronis, Quousque tandem abutere, Tan-  
 dabutere dici uolunt. Quod ut nolim refellere, ita cre-  
 do non nihil interesse inter sonos, quum dicimus, ani-  
 mam agit, & quum anima agit. Nam in priore nīsus  
 sentitur uolentis exprimere m. Vnde Fabius admonet  
 m in talibus syllabis, neque prorsus audiri, neque ta-  
 men non audiri. Idē inter oris uitia cōmemorat ixtō-  
 tūta, quam exilitatem siue angustiam possis dicere, quae  
 quibusdam adest natura, alijs morbo senio uē nonnul-  
 lis accersita, dū arētatis arteriae circa imas fauces mus-  
 culis uox semiclusis labijs promitur. Cui contrariū est  
 πλάττωσις, quum nimium diductis faucibus, & ore  
 plus satis patulo sermo promitur. Quorum illud si na-  
 tura contingat, Aristoteles timidae mentis argumentum  
 interpretatur, hoc stolidae. Hollandiae uulgus ferē sum-  
 mis labijs loquitur, Germani superiores contra, pene

Metacismus  
 addere et  
 a. Sesea  
 pro soleas  
 ut suas,

πλάττωσις

ab umbilico uoces ducunt. Vnde mihi uidentur hæc duo non solum ad uocis exilitatem, uerumetiam ad oris indecoram uel contractionem, uel diductionem pertinere. Nam in multis utrunque uitium deprehenditur, in quibusdam etiam nationibus ut peculiare ridetur. In non paucis autem deprehendas κοιλοστομίαν, quum κοιλοστομία. uox uelut è cauo specu, eque recessu oris resonat. Et hoc uitium quibusdam addidit natura, quæ linguam dedit prima sui parte nimis astrictam, alioquin latiorē, unde fit ut uox fundatur in latera faucium, atque hinc repercussa resonet, qualis umbrarum uox esse fertur: eoque qui simulant huiusmodi spectra, ex olla fictili uerba promunt. Quidā habent coruinū quiddam, quiddā stridulum, quidam balbū ac senile; qualis est eden tiorū oratio. Nonnullis totus sermo crassior est. Sunt qui uoluta intus lingua nescio quid Hebræū resonant. Sunt qui syllabas extremas audiri non sinunt, uerūm eas quodāmodo deuorant deglutiuntque. Quod pueri metu faciunt, ne deprehendantur inemendatē loqui indicio postremæ syllabæ, ita quibusdam populare est. Hos Græci peculiari uocabulo dicunt κολοβώτας, κολοβώται. id est decurtatores. Rursum sunt qui postremas omnes acuant Hebræorum ritu. Sunt cornicines, quibus sonus per nasum erumpit potius, quàm per os, ut omittam quorūdam gargalisinum, ructum, singultum, crepitum inter loquendū, stridores, sibilos, gemitus, screatus, tusseis, risus, quibus sermonis tenor interciditur. Denique innumera sunt uitia, quibus à recta pronuntiatione disceditur, quam Græci ὀρθοέπειαν appellant. De quibus incidet postea locus, ut aliquid dicamus. Hæc in hoc tantum admonui, ut infantem ab eorum conuictu

submoueamus, qui uitij huiusmodi sunt obnoxij: et  
 siquid uel natura traxit, uel consuetudine contraxit.  
 huiusmodi uitiorū, id maturè corrigatur. Iam est pecu-  
 liaris quidā cuique genti oris sonus, quē proprijs uoca-  
 bulis notare difficile sit. Quamquam enim Latini et  
 Græci iisdē penē literis utuntur, tamen agnoscas Græ-  
 cum etiam Latina sonantem, et contrā Græcum agno-  
 scat Latinum Græca sonantem. Hanc ob causam Fabius  
 suadet quidem ut puer prius Græcis imbuatur, non  
 uult tamen diutius in his hærere, ne peregrinus oris so-  
 nus prosequatur etiam Latine loquentem. Fœdum est  
enim hominem in ea lingua uideri hospitem, in qua  
natus est: quod si negligentia acciderit, desidiæ crimen  
est: si affectatione, stultitiæ tribuitur. Nec dosunt tamē  
 qui hoc æu bellum et elegans affectent, sic redeuntes  
 nobis ex Gallijs, ut Latine sonantes uix intelligantur: et  
 siquid habeat ea gens in dicēdo uitij, puta uolubilitatē  
 linguæ, cōfusus accentus, aut uoces nihil significantes, in-  
 teriectionū uicē subinde mixtas Latinis, id studiose re-  
 præsentent, quo ualde Galli uideātur. Nos quoniā Græ-  
 ca ferè discimus in hoc ut ueterū libros euoluamus, po-  
 tius quā ut cū uulgo Græcorū fabulemur, præstiterit  
 utriusque linguæ rudimētis semel traditis, in Latinis  
 potissimū exerceri, donec cōfirmatus adolescens iunctis  
 utriusque literaturæ studijs, tuto progredi possit. L.  
 Et istā fabulam Vrse, haudquanquā surdo canis. V.  
 Nunc si nō est molestum audire, restat commemorare  
 quid illi de sonādis singulis elemētis tradiderint. L.  
 Audiā perquā lubens. V. Atque operæpretiū est:  
 nunc enim tota ferè pronuntiatio deprauata est, tum  
 apud Græcos, tum apud Latinos. L. Quid audio?

V. sic est. L. Vnde nam id accidit? V. Partim ex corruptela uulgi sermonis, partim hinc quòd soni uocum scribi non queunt. Et scis quàm nihil apud populũ stabile, nihil diuturnum. Verũm hoc interim mihi credas uelim, mox demonstraturo, si pauca de sonis elementorũ perstrinxero. Ordiam autem à uocalibus, quas Latinis esse quinque notissimũ est, a, e, i, o, u: Græcis septem, α, ε, η, ι, ο, υ, ω: Et apud Latinos omnes Vocaliũ sonus. ancipites esse: apud Græcos duas natura breues, ε, ο: totidẽ longas, η, ω: tres ancipites, α, ι, υ. Ex his A, diducto A largiter ore profertur, lingua recta suspēsa, hoc est, nec ad palatum superius afflexa, nec in anteriũs dentium uallum impacta, nec in latus dentium illisa, nec inter dentium hiatum inserta, uoxque prodit ex arteria profundiore, feriens superius palatũ. Quur autem uocales dicantur, à grammaticis iam olim reddita est ratio, uel quòd elegantius sonent, uel quòd per se sonent, uel quòd alijs, quæ consonantes uocantur, uocẽ tribuant, alioqui mutis, nisi siquid ædant stridoris, aut strepitus, unde et semiuocalibus nomẽ. Sed quur Alpha inter uocales primas teneat, difficilior est quæstio. Quidam aiunt Cadmũ ob hoc primum locum tribuisse alpha, quòd Phœnicũ lingua hoc appelletur alpha. At Hesiodus in paranda re familiari, primo loco secundũ domũ et uxore ponit Βοῶν ὀρνέα. Hæc ratio per me Casca Cascis arrideat licbit, mihi probabilius uidetur, ideo prælatã apud Græcos inter ancipites, quòd hæc in compositione syllabarũ præcedit i, et y, quum ipsa nullã sequatur uocalem in eadẽ syllaba. Nam in uaco, et iaceo, prima migravit in uim cõsonantis. Nec aduersatur huic rationi, quod adfertur ab



- alijs, hoc esse naturale, minimè que operosum loquendi exordium. In loquendo siquidem nihil est prius, quàm diducere labia, mox nullo alio uel dentium uel linguae uel labiorum adminiculo uocem ædere, quam primam audimus in pueris nascentibus. L. Nec dissimilem
- E in omnibus balantibus. V. E, simili modo profertur, nisi quod ore parcius diducto uox non erumpit sursum in cælum oris, sed in linguam infimam, quæ leuiter ferit utrinque dentes molares, reductis introrsum labijs.
- H Inter hæc duo elementa, medium est η Græcorum, quod effertur rictu minus diducto, quàm in α, hiantiore tamen, ac minus in ima depresso sono, quàm in ε. Cognationem arguit primum quod apud Græcos, α frequenter uertitur in η: ἔ contra, ut ἀρίστος pro ἀρίατος, ἔ in ἔς, pro ἰαῖς. Contra τὰν pro τῶ. Apud Latinos ferè uertitur in e longū, ut κρήτες Cretes, ἔ αἰὼν splen. Id si crassiore Minerva tibi demonstrari cupis. L. Crassissima si potes, atque adeò, si libet, adipali. V. Iustū est α, quod sonant Itali. Immodicè diducto uel rotundato magis ore sonant Vuesphali, referentes Ionicum quiddam, qui pro alpha sonabant ω mega, dicentes τῶμα pro τᾶμα, ἔ ὦπος pro αὔπος. ut alijs contra, ω uertunt in alpha, pro τῶ νομφῶν, dicentes τὰν νομφᾶν, μουσᾶν pro μουσῶν, πῆπος pro πῆπος. Item ε uertitur in η, ut ἦσε μέγας τε, ἔ pro ἐβουλόμην, ἔβουλόμην. Hæc nimirum arguunt his literis uicinitatem quandam in sono fuisse. η uerò sonuisse uidetur apud Græcos, quod nunc sonat α, Scotorum, aut Hollandorum quorundam: neque enim omnes eodē modo promunt, ac de uulgo nunc loquimur, ne quis eruditus existimet hæc ad se pertinere. Quum enim hi dicunt ama, mē-

diam uocem audis inter ama & eme Italorum more pronuntiata, quemadmodū alij, quos diximus Ionicum quiddam referre, penè sonant omo. Nunc fac ut oculis os, auribus sonum obserues, dicam primum Italicè, mox Scoticè, postremo Vuespaliè. L. Isthic sum. V. Ama, ama, ama. Fama, fama, fama. Ianua, ianua, ianua. L. Crassissimè profecto dicis, sed tamen ad docendū apposite. Verūm age dic, discernunturne hæc apud Græcos?

V. Vix sentias, sed iam admonui pronuntiationem esse corruptam. Siquidem quam nunc habent eruditi, non aliūde petunt, quàm à uulgo, scis quali magistro. uerūm de his mox. Iam in e pronuntiando non leuiter peccat uulgus. L. Quid ita? V. Quia litteram eandem aliter atque aliter sonant, nunc ore contractiore, nūc diductiore. de nostratibus loquor. Nam Italorum hīc, ut in alijs plerisque, correctior est enuntiationo. L. Expecto exemplū. V. Dicam in genere, Quū e finit syllabam, sat rectè sonant. quum adhæret illi consonans, uel a sonant pro e uel u, hoc est a Scoticum. Demo probè sonāt & peto: at perago, peruia, sperma, diductius resonant, quàm par est, & in lego contractius efferunt quàm in lex, in rego quàm in rex, in rebus quàm in res. Verūm id potissimū accidit, quum e excipitur à consonante r: quū enim dicunt aspergo, secunda syllaba, nihil aliud sonare uidetur, quàm in sparta prior, & in peruius prima minimum, aut nihil discernitur ab ea quæ præcedit in paruo. Item in pertundo & partu, erro & arra, uerro & uarro. Idem uitium sequi solet etiam Græca sonantes, ni fuerint diligenter admoniti. Vix enim in πέρω, & παρῆρος discernunt primas syllabas. Quanquā hæc felicissimè di-

stingunt Itali. Vix in alia litera magis errat Gallorum  
 Galli a pro uulgus, a pro e sonantium, siquando uocalem, excipiat  
 e sonantes. n, aut m. Nam pro quendam sonant quendam, pro ua  
 lent ualant, pro redemptus redemptus, pro emblemata  
 amblymatia, pro uendo uando, pro uentosus uanto  
 sus, pro tepus tampus. Hunc errorē subinde deprehē  
 dimus etiam in codicibus Gallorū manu descriptis aut  
 excisis. Hic tamen emendatior est Picardorum enun  
 tiatio, nec ulli magis peccat, quā m qui sibi mirē Gallicē  
 uidetur loqui. Quod nō in aliud monemus, nisi ut &  
 protinus dediscant pueri, ne prauus usus hæreat La  
 tina Græcæue sonantibus, neue pro εμπορος enuntient  
 αμπορος, pro εἴτηα, ἀπῆα. L. Prorsus ita res habet.

I V. Iam i, minus etiam diducto rictu sonatur, ac pe  
 nē coeuntibus dentibus, quibus sensim lingua illiditur,  
 qua parte sunt gemini, sic ut labia nihil adiūuent so  
 nitum, sed reducantur potius aliquantulum, ut in e.

L. Teneo. V. Et hic bifariā peccatur à multis. Si  
 quidem apud Brabantos, campestres quidam pro i, so  
 nant diphthongum Græcam ei, quam euidenter audis  
 quū nostrate lingua dicis ouum, & quum Latine di  
 cis, hei mihi, ueluti quum pro uia dicunt ueia, pro pia  
 peia. Rursus Scoti quidam pro e, sonant propemodum  
 i, dicātes pro faciebat, faciēbat. Ea consuetudo sic à pue  
 ro inhæserat Ioanni Coletto, uiro alioqui facundo &  
 erudito, ut nec in pronuntiando, nec in scripto uitares  
 quamlibet admonitus ab amicis. Ne is quidem nouus  
 est error. Siquidem Victorinus Afer obiurgat discipulos  
 suos, quod e, uerterent in i: & rursus i, scriberent pro  
 e. Ac prisca grammatici, cūque his Fabius, ostendunt  
 esse quendam sonum mediū inter e & i: unde factum

est ut alij hanc, alij illam usurparent in eisdem dictionibus, uelut heri & here, aduerbiū sono uocalis discernebatur ab heri & here nomine. Eiusdē arbitror esse generis, tempori & tēpore, luci & luce, uesperī & uesperē aduerbia. Hęc interdū transit in consonantem, quam nōnulli, sicut antē monuimus, plus satis sonant, sic dicentes iecit, quasi dicant gecit: & maiestas, quasi sit magestas. Idē usurpant in Græcis dictionibus, quum i, apud Græcos semper sit uocalis, nec unquam præcedat alteram uocalem in eadem syllaba, ut *ιαῖςς, ἰαμ-  
κος*. unde perperam quidam iambus sonant dissyllabum, quum uox *ἀμφίεσσεν* reddat. Sequitur o, similiter ex arteria prodiens, quemadmodum a, lingua recta quidem, sed introrsum modicā reducta, nisi quod ore non solum diducto, uerumetiam rotundato, quod ipsa elementi figura uidetur admonere: quemadmodū i, sua forma monstrat uocis exilitatem, & e, labiorum reductionem nobis ueluti pingit. Item A, patens infernē, rictus diductionem pingit. Peccatur & hīc à uulgo, nostrate duntaxat. nam Græci Italique rectē sonant. L. Quo pacto? V. Primum Batavi literā hanc promunt ore contractione, quā opus est. Deinde eandem non eodem modo promunt. Rotundius enim sonat in nos, quā in non: in nono, quā in nōne: in omen, quā in omne. In posterioribus enim nostri penē sonant pro o, u. Vuesphalicum. L. Planē sic habet. V. At faciam ut clarius etiam rem perspicias. Quod discrimen uulgo facimus inter on, quod est intondere, & inter un, quod est tūdere? Nec aliud sonat o, in rhombus quā u, in tumbo. Item in suntō, & son-tes. Atqui o diductiore rictu pronuntiandum erat.

L. Quam multa peccamus imprudētes. Vel ab a sinis  
discere poteramus huius literæ pronuntiationem, un-  
de illi apud Græcos nominis initium, ὄνος, & ipsi sono  
ὄσινδμος.. V. Item ω mega nihil differt ab o, nisi

quod α longum differt ab α breui. Nam pleniore sono  
profertur, de quo suo dicitur loco. Pro u uerò formabis  
V Gallicū, si labia paululū ex porrecta iunxeris. Eandē  
literam rotundiore mugitu sonant Germani, immodi-  
co Vuesphali. Nec desunt tamen apud Italos, qui Gal-  
lorū more sonent, ueluti Bergomates. Nonnulli contrā  
labijs ad trium digitorum spatiū indecorē porrectis,  
nimirum Batavis contrarij, Romani modicæ. Nec om-  
nibus fœliciter cedit huius uocis affectatio. Nostrates  
enim quum affectant Vuesphalorū imitari mugitum,  
nō possunt id perpetuò facere, subinde lingua relabēte  
ad inolitam, ueluti que natiuam consuetudinem. Hanc  
inæqualitatem frequenter animaduerti in sacrificijs  
Britannis. Nos in hac pronuntianda parū etiam nobis  
ipsis constamus, nonnunquam in eadem dictione, uelut  
in nullum, mullum, & Tullium. In prima siquidē au-  
dis u Gallicum, in postrema u Vuesphalum. Idem sen-  
tire licet in huc & hunc, in illud & illū. Sona Batavi-  
cè fontes. L. Fontes. V. Sona fundere. L. Fundere.

V. Quod discrimen audis inter utriusque dictionis  
primam syllabam? L. Nullū. V. In rhombo & plū-  
bo, quid interest inter u & o? L. Profecto nihil. V.  
Nūc mihi consyderā eiusdē literæ sonum non eundē.  
Sona sunt. L. Sunt. V. Tolle n, & dic sutor. L. Su-  
tor. V. An nō sentis longē diuersum sonū? L. Quid-  
ni? V. Rursus, sona plumbum Bataviacè. L. Plum-  
bum. V. Abijce liquidam, & dic Pluma. L. Pluma.

V. Quid simile huic u, cum illo? L. Nihil. V. Idē senties, si ex tundere facias tutudi, ex fundere fudi. Verū in his fortassis aliquantulum patrocina bitur antiquitas, quæ sunt & dicunt, quā sunt & dicunt, scribere maluit. Apparet enim & apud illos paulo sonantius fuisse u sequente liquida n & m, quā in alijs dictionibus, quemadmodum contrā in nonnullis mediū sonum obtinebat inter u & i, ut in optimus, pessimus, unde ueteres has uoces per u scribendas putabāt, optimus; pessimus, quod in his aliud quiddam sonaret i, quā quod in opimus & finus. L. Probabile est quod narras. V. Tantum de inconstantia. Nunc ad cætera propero. V. Gallico respōdet u Græcorū, uel ipsa teste figura, quæ nobis cum illis communis est, nisi quod nos sinistram lineam infernē protraximus u y. V. Vuc sphalico respōdet Græca diphthongus ou. Argumentum est, quod in usurpandis Græcorū uocibus, ueteres frequenter u Græcum uerterunt in u nostrum, uelut in iū & sus, in μῦς & mus, in ὑπὲρ & super, ὑπερήλιος & superbus. Quin & Latini ex syllā sullam faciunt, ex ἀφύα apua. Idē arguit quod Galli uulgo pro θύειν dicunt tuer, id est mactare, usurpata uoce Græca, nisi quod abijciūt aspirationem. L. Poteramus istud uel ab aui ridicula discere, cui Græcis ἀ cantu natiuo uocabulum κῶκκωξ, quæ in θείος cantus non i sonat, sed u Gallicum, & hanc Latini cucūlum, ni fallor, uocant.

V. Quī scis an auis hæc non eodē modo canat apud Græcos, quo apud nos? Sed ad rem. Rursus ou uertunt in u productum, ut μουσα musa. Hoc adeo uerum est, ut prisci Latini, siquando uolebant syllabam haberi longam, addere soleant o, loumen scribētes pro lumen, e.ij.

Optimus

u

y

ou

Superbus

Tuer

κῶκκωξ

Cucūlus

Loumen

noumen & floumen, pro numen & flumen. Habet autem omnis syllaba longæ sonum uegtiorem breui. Nam producta uocalis, quemadmodum & diphthongus, gemina quodammodo uocalis est. Atque ex huius rei neglecta distinctione grauissimus error, quum apud Græcos, tum uerò apud Latinos extitit. Apud Græcos enim, ut dixi, sunt natura longæ,  $\eta$  &  $\omega$ : cùmque his omnes diphthongi, breues  $\epsilon$ ,  $o$ , apud Latinos uocales omnes sunt ancipites, licet non iisdem syllabis. Quauquam autem Græcus pronuntiando confundit longarum ac breuium discrimen, tamen scripturâ distinguit. Apud Latinos non idem fit. Qua de re post referam quod accipi. Illud notissimum est, u literam a quod Latinos frequenter transire in naturam consonantis, interdum elidit, nonnunquam sic admisceri consonantibus, ut propemodum euanescat, at non quibuslibet. Consonas fit, quoties præponitur uocali, uel sibi, uel alteri in eadem syllaba, ut uanus, uenor, uinum, uoueo, uulnus, seruus. Eliditur sequens m, uel n, ut in enimuero & inuidia. Docent hoc uersus Terentiani, Sine inuidia laudem inuenias, & amicos pares. Et, Enimuero Daue, nil loci est segnitiae neque socordiae. In quorum priore nisi primo loco sit tribrachus, sininui, non constat senarius trimeter, sic ut secundo sit spondeus dia lau, dia, contractis in unam syllabam: quanquam potest & proceleusmaticus accipi: in posteriore nisi primus locus habeat anapaestum, non constat uersus tetrameter. Neutrū autem fieri potest, nisi illic elidas u, hic u cum m, quæ inter consonantes ferme solet elidi præcedens uocalem. Admiscetur autem his consonantibus, q, c, g, & s, ut qui, cui, æquor, sanguis, anguis, lingua, cōsueſco,

V cōsonans



Et suavis, si adsit synæresis, Et faciat dissyllabum: nec  
 tamen hîc prorsus euanescit. Vulgaris lingua idem fa-  
 cit in pluribus, uelut quum dicit fatuum, u. admiscetur  
 d. Item quum sonant duo, coniungunt t. Græci uero Dnas  
 quemadmodum pro nostro f, utcumque sonant φ: ita  
 u nostrū consonās, quo reddant non habent, nisi quod  
 recentiores in hoc abutuntur β, de quo paulopost dic-  
 tur. Siquando coguntur nostra suis literis scribere, pro  
 Valentinus faciunt οὐαλενπνος, penta syllabum. In hūc,  
 opinor, usum AEoles reppererāt digamma, quod mediū  
 esset inter u consonans nostrum Et φ. Item quoties ex-  
 primunt Quintus, non aliter possunt, quā κῶιντος,  
 quod eam literam uelut euanescentem nesciant. Apud  
 illos enim u, nullam præcedit uocalem in eadem sylla-  
 ba, præterquam in diphthongo abusina, ui. Indicauit  
 hoc Quintilianus in æquor Et æquum, reddi sonum  
 quē Græci nullo modo possint exprimere. Hactenus de  
 uocalibus aliquot. Nūc ad diphthōgos attingor. De diphthō  
 L. Ut gis.  
 lubet. V. Primū illud manifestius est, quā ut uel  
 ab eruditis Græcis negari possit, pronuntiationem, quæ  
 nunc uulgo Græcorū cum doctis est communis, perpe-  
 rā sonare diphthongos aliquot, Et simplices item ali-  
 quot uocales. L. Quas? V. Nōne η, ι, υ, οι, ει, indif-  
 creto sono promūtiant? L. Ita mihi uidetur: aut si quid  
 est discriminis, uix aures percipiūt. V. Frustrā igitur  
 sunt distinctæ literæ, si sono nihil differūt. L. Appa-  
 ret ueteres aliter promūtiasse. V. Rursus aliquot ideo  
 dicūtur propriè diphthōgi, quod duæ uocales ut scribū-  
 tur, ita sonantur, quod idē in his non sit quæ dicuntur  
 abusive diphthongi. L. Sic est. V. Atqui in αι, οι, ει,  
 quid audis nisi simplicē uocalē, in prima e, in cæteris i?

L. Nihil prorsus. V. Nequid iam disceptem de αυ  
 & ευ, in ου quid audis nisi υ, Vuessthalicum? Non e-  
 nim aliud sonat prima huius uocis αἶρω, quàm prima  
 huius ἐρῶ. Nec aliud sonat ultima in δαυμασι, quàm  
 ultima in ἐλλωσι, aut ἀκονί. Nec aliud penultima in  
 ἀλῆδα, quàm in σοφία. Promde aut frustra discernun-  
 tur à diphthongis improprie dictis, aut alio sono pro-  
 ferebantur, quàm hodie proferuntur. L. Non habeo  
 quod refellā. V. Rursus, quid aliud audis in ultima  
 χαυμαπῆς, quàm in ultima, κίμας? Quid aliud  
 sonat penultima in μία pro una, quàm in μῆα pro  
 musca, & ἀφύα pro pisce? L. Aut omnino nullū, aut  
 perquàm tenuē discrimen est. V. Et tamen extra con-  
 trouersia est, literas tota natura diuersas esse. L. De-  
 miror. V. Et quid mouit Latinos, ut tanto aliter so-  
 narent au & eu, quàm Græci? Quid enim simile παῦ-  
 λος & Paulus, εὐίος & Euius? Et tamē opinor, hîc La-  
 tinorū pronuntiationem emendatiore esse, quàm Græ-  
 corum. Apud nos enim utraque uocalis auditur in au-  
 dio & euge: à quo sono Græcorū aures intantum abhor-  
 rent, ut quum nostra sonare conātur, audio dicant te-  
 trasyllabum pro trisyllabo, audio: & clāudus trisylla-  
 bum pro claudius dissyllabo: pro heu monosyllabo, heu  
 dissyllabum. Atqui si Græci recte sonant αυ & ευ, ser-  
 uandus erat idem sonus υ, in οὔτος & λόγος. At in his  
 nihil auditur quod ullo modo uergat ad sonum f, aut  
 u consonantis. Porro quū sua efferunt, in diphthongo  
 propemodū sonant f, aut u consonans, ueluti meditans  
 adhærere sequenti uocali, ut ὀρφεύς, βασιλεύς, βασιλεύω,  
 εὐαγγέλιον. Atqui diphthongus non conflatur ex uocali  
 & consonante. L. Quo sono credis hæc ueteres ex-

tulisse? V.Referam quod in senatu Grammaticorum  
 audiui. L.Sat erit. V.Coniecturam faciebant ex  
 linguis popularibus, in quibus utcumque corruptis re-  
 sident antiquæ pronuntiationis uestigia. oī diphthon-  
 gus Gallis quibusdam est familiarissima, quum vulga-  
 ri more dicunt, mihi, tibi, sibi: aut quum pronuntiant  
 fidem, legem, ac regem. Hic enim audis eundēter utran-  
 que uocalem o & i. L.Sic est profecto. V.Ad eum  
 propē modū sonuisse ueteres arbitror, μοι, σοι, οἱ, τοῖς,  
 & κῆροι. Alioqui quorsum appellātur diphthōgi pro-  
 priæ, nisi eadem syllaba geminæ uocalis sonum ædat?  
 Atque ob id producitur & diphthōgus omnis, ut utra-  
 que possit audiri. L.Probabile narras. V.Iam aī  
 diphthongum euidenter audire licet in lingua Germa-  
 norum, quum nominant Cæsarē, quanquam hic Ba-  
 tavi propius accedunt ad sonum e, uel ūta, quod penē  
 faciunt, ut dictum est, perpetuò in a uocali. Neque non  
 sentitur apud nos diphthongus ei, si Hollandicè dicas  
 ouum, paratus, uersutia, mains, facinus, seductus, caro.  
 Apud Gallos hæc rarius auditur. ou uerò arbitror pri-  
 scis ferē sonuisse, quod Batavus sonat, senex, frigidus,  
 & aurū, aut eam tunicæ partem quæ tegit brachiū.  
 Rursum Latinam diphthongum æ audis, quum sonat  
 malus, uadit, consilium, sapor. OE uerò quū sonat pa-  
 nem, nudum, & rubrum, callidum, & fragile, aut ne-  
 cessitatem: aut si dicas Gallicè, tribus uicibus: Britāniæ,   
 nix. Quanquam in his linguis deprehendas & alias  
 diphthongos à Græcis pariter ac Latinis dissonantes,  
 ueluti quum Gallus dicit, melius, parum, aut fastidio-  
 sum, aut periculosum. Item quum Batavus dicit, men-  
 dacium, æruical, aut ianuam, aut Indæum: quū Galli,  
 e.iiij.

Moi

Foi

Coi

Koi

Diphthongi  
proprie.

Oude

Cout

Gout

Monue

Quæet

Trois fois

Mieulx

Peu

Fascheux

**Fleur** *florem, aut honorem. Cui non dissimilem habent Hebraei. In nonnullis audias tres uocales, ut quum Galli dicunt formosum patrem, in formoso audis, e, a, et u, quum dictio sit monosyllaba. In alijs diphthongū inuersam, ut cum Batuuus sonat arundinem, aut margaritam pro fœmina: audis enim i ante e. Item quum Coloniēsis dicit salutem, audis u ante e. Rursus quum Hollandicè dicis, dulcē, aut bonum, audis diphthongum nouam, nullis literis exprimendam, sed sonum quendam medium inter o et u. Quum dicis, domum aut murē, audis i post u in eadem syllaba. Aut quum Gallus sonat famam aut fructum. Verūm hæc persequi non est huius instituti, præsertim quum nationes quædam nihil omnino sonent absque diphthongo. Ex his autē quæ retulimus, satis est intelligi, et diphthongos posse sonari, et olim sonari solitas.*

**L.** *Quæ res abiecit eas?* **V.** *Nihil aliud, opinor, quàm loquendi deliciæ. Nam mulierculæ quondam elegans habebant, semiclusō ore, uixque motis labijs sonare uerba, sic ut uix audiretur exitus. Diphthongi uerò ferè torquent os, multūque resonant, quod nunc habetur indecorū, et ut rusticorum ridetur: inde primū apparet exortas diphthongos improprie dictas: deinde paulatim idē in alijs nonnullis ausc sunt illiteratorum deliciæ.*

**L.** *Non leuis incommoditas, siquid cui dictes scribendum, aut siquis ex alterius recitatione suum emendec codicem.* **V.** *Maxima. Quinam sciet is qui excipit, quum audit uulgaris more sonari oīvos, an scribere debeat iuos, ūvos, q̄vos, lūvos, aut ēivos?* **L.** *Nequaquam, nisi sit eruditus.* **V.** *At non semper nobis cum eruditis res est, et quædam uoces huiusmodi sunt, ut doctus*

etiam possit hæsitare, uelut in ὡμῶν & ἡμῶν: quod si ὡμῶν sones, per u Gallicum aut propemodum, & ἡμῶν per a Scoticum, hoc est, per e diductius, sublatius est error. Habes de diphthongis. Iam longarū breuiūque syllabarū discrimen magna ex parte sublatū est, & in Græcorum & in Latinorū pronuntiatione, quum olim plebes imperita exploserit atq; exhibilarit histrionem qui paululum se mouisset extra numerum, aut si uersus pronuntiatus esset una syllaba breuiore aut longiore, quod à Cicerone literis pròditum sciunt omnes qui literas sciunt, ex quo colligitur, & recitatorem seruasse spatia syllabarū, & illiteratam multitudinē, præsertim urbanā, auriū sensu diiudicasse. Nūc quis offenditur, uel apud Græcos, uel apud Latinos, nisi siquid arguat accentus, quod in multis non potest: imò frequēter accentus ducit in errorem, dū facit uideri longam, quæ breuis est, & contrā. Qui uerò docti nunc discernūt an dicas plāne impostori, an plāne, apertē, an planē, affirmans, quū in prima dictione sit pyrrhichius, in secunda trochæus, in tertia spōdeus? Rursus an dicas malo pro uitioso, an malo pro potius habeo, an malo pro arbore, siue pomo, quū in prima uoce sit iambus, in secunda trochæus, in tertia spondeus? L. Non satis assequor quæ fuerit illa ratio saltandi ad uocem alienam. V. Audita referam, iudiciū periculum penes alios esto. L. ῥᾶππε. non hic agitur apud prætorem.

V. Scis quosdam dictos mimos, inter quos celeberrimi fuere Publius & Laberius. L. Scio. V. Hi simul & recitatoris & histrionis officio fungebātur, pronuntiantes uersus sibi cognomines, hoc est minū mimos, & ad propriā uocē gesticulantes. Erat aliud histrionū genus, qui

De quantitate syllabarum.

muta gesticulatione repræsentabant poetarum longas fabulas, sic ut spectator intelligeret argumentum saltationis. Quo de genere diligenter tradidit Lucianus. Rursus erat recitatorum genus omnium honoratissimum, qui sua recitabāt populo sine gesticulatione corporis, nisi quantum oratori conceditur, uocē, oculos, uultum, & corporis motū sententijs accommodare: sic Virgilius, sic Horatius, sic Plinius sua recitabant populo, sic & Philemon suam ipsius fabulam populo recitasse legitur, quum nemo saltaret. L. Quatenus isthuc oratori conceditur? V. Si uino lapsantē ac balbutientem narres, indecorum fuerit eam rem corporis gestu referre: aut si mulieris, pueri, senis, Germani, Galli, Britanni uerba referas, ridiculum fuerit ipsa pronuntiatione mulierem, puerum, senem, Germanum, Gallum, aut Britannum exprimere. L. Iucundum quidem esset. V. At non protinus bono uiro decorum est quod delectat. Plato & Fabius cōcedunt, ut modicē uox loquētis ad ea quæ narrantur accommodetur: ueluti si recites ex historia, lugentem, minitantem, blandientem, lasciuiuentem, satis est aliquam rei similitudinem apparere in oratione. At fit interdum, ut aliquid loco additum ex uocis aut gestus alieni faceta imitatione gratiam habeat. Postremum genus est, quum unus recitat fabulam, & ad huius uocē histriones personati, gestus attemperant. Huius generis erat Roscius, quem accepimus cum M. Tullio decertasse, utrum ille sæpius uerbis alijs eandē efferret sententiam, an ipse sæpius uariatis gestibus repræsentaret. L. Vnde colligis hoc fuisse genus histrionum? V. Primum ex ipsis Terētianis fabulis, in quarum calce recitator dicit,

ualete & plaudite, Callipius recensui. Si singulae personae suas voces promunt, quis est locus Calliopio? L. recensui. Calliopius recensui.

Dicis nonnihil. V. Accipe grauius argumentum. Ex Hecyrae prologo liquet eum qui praefatur solere fabulas emere, easque recitaturum ediscere. Alioqui si singuli suam portionem sonabant, quid unus haec praefatur? Rursus qui praefatur in ἐαυτὸν προπορεύμενος, queritur non haberi rationem suae senectutis, ad quem deferrentur fabulae turbulentæ. Nam nunc, inquit, nonas qui scribunt, nihil parant seni. Siqua laboriosa est, ad me curritur. Si lenis est, ad alium deferitur gregem. Quod si quis contedit haec ab eo dici, qui suo periculo fabulam emere ac proferre, quique praecipuas fabulae partes agere soleret, non inficior & illud fabularum fuisse genus, quo singuli personati sua uerba sonabant appositè gesticulantes. Quod accepi refero. Nunc ad id quod intermissum est redeo. Quum audis, Legi, quid scis an prior longa sit, an breuis? Rursus quum audis Σχοφίλω, nonne Latinus credat penultimam productam, nimirum accentu Latino deceptus? L. Prorsus. V. Accentus igitur incertus est index spatij syllabici, praesertim in Latinis polysyllabis. L. Est igitur alia ratio dignoscendi? V. Erat olim sine controuersia, nunc ea prope in totum obsoleuit. L. Quod aliquando fuit, potest instaurari. V. Sunt quidam adeo crassi, ut non distinguant accentum à quantitate, quum sit longe diuersa ratio. Aliud est enim acutum, aliud diu tinnire: sicut aliud intendi, aliud extendi: quanquam nihil uetat eandem syllabam & acutum habere tonum, & productum tempus, uelut in-vidi & Legi praeteritis. At eruditos noui, qui quum pronuntiarent illud ἀνέχου καὶ ἀπείχου,

Accentus.



mediam syllabam, quoniā tonum habet acutum, quantum possent producerent, quum sit natura brevis, uel breuissima potius. Et ferè qui Græca legunt, accentus observatione confundunt spatium moræ, sic enuntiantes *μενέλαος*, quasi penultima sit brevis: *ἔμμεδμος*, quasi duæ postremæ sint breues: quemadmodum in *θεόδωρος*, *ἑσέκλιτος*, *εἰδωλα*, alijsque innumeris. Nec ita multis contingit sonare Græca, ut accentuum simul *et* morarum rationem obseruent, uel in carmine. Loquor autē non iam de uulgo, sed de eruditissimis quoque. Minus est erroris in Latinis, sed tamen illic quoque tonus acutus ac inflexus obscurat cæterarum sonum, ut in *Vidēbimus*, congruit accentus cum quantitate: at in *Legebāmus*, sola penultima uidetur esse producta, quum secunda sit æquē longæ: in *Amāuerimus*, sola antepenultima, quum ea sit brevis, secunda producta. L. Omnino sic obtinuit usus, quē dediscere difficillimū est. V. Atqui qui degustarunt musicam, nullo negotio distinguunt inter longam, breuē, *et* inter acutam *et* grauem. Nihil enim est aliud pronuntiatio, quàm modulatio quædam uocum numerosa. Est enim *et* in oratione soluta pedum ratio, licet non perinde certis astricta legibus, ut in carmine: quæ si confundatur, non magis erit oratio, quàm cantio cantio, in qua graues cum acutis, longæ cum breuibz temerè confunduntur. Vnde quidam priscorum grammaticorū non inscitè dixerunt, accentum esse animam dictionis. Et tamen hodie talis est etiam eruditorum pronuntiatio, qualis esset illa ridicula cantio. Scis, opinor, canere cithara. L. Vtunque. V. Nōne frequenter imam chordam pulsans producis sonos, *et* summam tangens

breuibus insonas, aut contrá? L. Frequenter, quam hoc discrimen euidentius est in flatili musica.

V. Vnde igitur nos sumus usque adeò ἀμυνοί, ut omnes acutas syllabas sonemus productiore mora, graues omnes corripiamus? Vel ab asinis licebat hoc discrimen discere, qui rudentes corripiunt acutam uocem, imam producunt. L. Idem propemodum facit cuculus.

V. Quatuor enim rationibus curatum est à Accentus. prisca, ut omnes syllabæ, quantum licet, clarius audiantur, nequa suffugiat aures, aspiratione, tono, productione & diphthongo. Clarius enim auditur prima in hero, q̄ in ero. Et magis auditur li in ligo, quam in intéllico. Et sonantior est prior in μῶμος, quam in μῶνος. Itidē in ἀμᾶνέριμυς, sonantior esse deberet ma secūda, quam a, prima: ut in ἀμᾶ, sit iambus, uέριμυς, tribrachius, nisi quòd prima trium acuitur, & ob hoc sonantior, quasi musicus per breuē, longam, & tres breues sonet, re fā re re re, ἀμᾶνέριμυς. In hac dictione sonantiores sunt secūda, quia producta, & proxima tono acuto, licet breuis. Quoniam autem uocales principes sunt sonorū, diphthongum audibiliores faciunt duæ res, gemina uocalis, & productio moræ. Sonantior enim est prima in Audio, quam in Adeò: & uduş, in ὄυος, quam in ὄυος & ἰδῶ. Horum si nihil obseruatur, quid est oratio, nisi incompōsitus uocum strepitus? Iam intentio uocis & productio percipi non potest, nisi ex aliarum comparatione. Potest enim eadem esse breuis & longa, grauis & acuta, si ad alias atque alias cōparetur, ueluti nox pueri grauis, acutior est uoce uiri acuta, & syllaba breuis sic pronuntiātis ut Cartusiani pronuntiāt psalmos festis diebus, productior est longa,

uolubili lingua pronuntiantis:quemadmodum sacri-  
fici quidam expediunt preces solennes, dum ad alia  
quæ magis sunt cordi festinât. L. Intelligo. V. Quin  
et idem inter dicendû nunc lentius pronuntiat, nunc  
celerius, nunc demissius, nunc clarius, ut cunque ser-  
monis ratio postularit. Nam et oratores in exordijs,  
in quibus oportet sedatam esse dictionem, longiore mo-  
ra pronuntiant syllabas, quàm in affectibus ubi iam  
incaluit oratio. Atque adeò in hac oratione, Primum  
optimam spem de se præbebat, sobrius, quietus, placi-  
dus erga socios, obseruans et officiosus erga maiores,  
mox in diuersum uersus, cœpit amare, potare, rapere,  
prodigere turpiter omnia: prior pars lentius sonatur,  
quàm posterior. L. Fit idem à musicis. V. E proxi-  
mis igitur petenda est et tonorum et morarum dif-  
ferentia. L. Quæ ratio est brevis ad longam?

Breuis.

Longa.

V. Dupla, ut aiunt grammatici: uerûm in dicendo  
non est necesse tam exactè rationem obseruare, ueluti  
fit in concentu musico, aut ueluti si quis saltet ad citha-  
râ. Sat est si longa, sensibili mora distinguatur à bre-  
ui. Nam fieri potest ut una longa respondeat duabus  
breuibus, aut amplius: rursus ut respondeat uni bre-  
ui et dimidio. Iam sunt dictiones duriores, quæ plus  
spatiû postulant, quàm aliæ, præsertim monosyllabæ.  
Diutius enim sonat, stant tristes, quàm stant acies, non solû  
ob consonantes in eandem syllabam coeuntes, uerum etiâ  
ob sequentem syllabam, quæ excipit, difficiliorẽ. Item plus  
moræ desiderat prima in Structus, quàm prima in Lega-  
ro, quâ utraq; sit longa. L. Liberasti me magno scrupulo.  
V. Imò qui exactius super hisce rebus conscrip-  
sere, docent in quibus syllabis sufficiat unicum tem-

pus, in quibus unū semis, in quibus duo semis, in quibus tria. L. Audio nouam musicam. V. Haud tamen absurdum est quod adferunt. Si uocalis, inquit, natura brevis est, & sequitur unica consonans, eaque simplex, unicum tempus obtinebit, ut caput, λόγος. Rursus ubi uocalem natura breuem, muta cum liquida sequens, aut alioqui geminata, reddit ancipitem, tempus erit unum semis, ut lachryma, recludo, cygnus, Atlas: τέκνον, τίχμεσσι, διαμύησσω. quod à quibusdam obseruatur etiā in diuersis dictionibus, ut Tribulāque, trahēque. Item, Terrāque tractūque maris. Sed potissimum si tres sint consonantes, aut prior sit s, habeatue inclusam, ut prænua scribe: a produci poterat, nec aliter produci uolūt quidam, quā elisione s: & littora Xerxes, quia sequitur duplex. Iam quæ natura uel positu longæ sunt, harum duo sunt tempora, ut dos, mors. Rursum si uocali natura longæ adhaereat unica consonans in eadē syllaba, in his tribuunt moræ tempora duo semis, hoc est, duo breuia, & semibreue, ut sol. Porro tria tempora uolunt esse, quum uocalem natura longam duæ consonantes sequuntur, aut una duplex, ut mons, rex. Huiusmodi multa referebant ex auctore Prisciano: cuius autoritas sicuti parū grauis est, habet simile quiddā Quintilianus libro nono, tractātis de cōpositione. Testatur enim nō omnes breues ac productas esse pares, sed esse breues, breuiores, ac breuissimas: contra longas, longiores, ac longissimas. exēpli gratia producit uersiculum Maronis ex Tityro,

Agrestem tenui musam meditaris auena.

Quamquam hīc nostri codices habent Syluestrem pro Agrestem, uerū id nihil ad rē. In Agrestem duæ pri-

*mæ syllabæ natura breues sunt, & tamē gre, secunda, facit priorem longam. Dat igitur, inquit, aliquid ex suo tempore. Quomodo dat, ni habet plus, q̄ quæ breuissima, qualis ipsa esset detractis cōsonantibus? Nunc unū tempus accommodat priori, & unū accipit à sequenti: ita duæ natura breues, positione sunt temporū quatuor. Concurfus igitur mutæ & liquidæ in gre, tardiorē redderet syllabæ pronuntiationem, etiam si nulla consonans sequeretur: nunc quia sequitur st, duplicatur tarditas, uel triplicatur potius, cuius portionem transfert in primam natura breuem: tamen si Priscianus non tribueret primæ duo tempora, sed tempus unum semis: nec secundæ tribueret amplius, nisi ob uocalem utrumque cinctam genina consonante. Verūm hæc minutiona sunt: potuisset enim omnibus breuibus geminum tempus assignari, si placuisset senatui populōque grammatico, ita nihil opus fuisset temporis unius sectione. Aliquanto post Fabius non inficiatus, à scriptoribus traditum, finalem breuem pro longā accipi. Aures tamen, inquit, consulens meas, intelligo multum referre, utrumne longā sit quæ cludit, an pro longā. Neque enim tam plenum est dicere, incipientem timere: quā illud, ausus est confiteri. Atqui si nihil refert, breuis an longā sit ultima, idem pes erit. Verūm nescio quomodo sedebit hoc, illud subsistet. Quo moti quidam, longæ ultimæ tria tempora dederunt: ut illud tempus quod breuis ex longā accipit, huic quoque accederet. Nec solū, inquit, refert quis cludat, sed quis antecadat. Vides Quintilianum sensisse discrimen inter longam & longiorem, breuem & breviorē, etiam in finali commatis clausula: quanto magis id sensurus*

in cursu perpetuo uocum, aut in media dictione? Quod si ueterū literæ nullum indicassent discrimen, tamen ipse naturalis aurium sensus non sineret aliter iudicare. Quis enim non omnino stupidis auribus non intelligat  $\kappa\omega$  minus habere difficultatis in  $\kappa\acute{\omega}\omega$ , quàm in  $\kappa\acute{\omega}\kappa\omega\downarrow$ , quum utraque sit breuis? rursus tardiozem esse sonum in  $\kappa\lambda\omega\downarrow$ , quàm in  $\omega$ , quum utraque sit natura longæ? sed illi morā addunt, quibus cingitur, consonantes à fronte duæ, à tergo duplex: huic additum  $\nu$ , non difficultatem addit, sed iucunditatem. Præterea quis non sentit  $\omega$ , facilius esse soni, quum dico,  $\kappa\acute{\omega}\omega$  è  $\epsilon\alpha$ , quàm quum dico,  $\kappa\acute{\omega}\omega$   $\tau\epsilon\epsilon\chi\alpha$ ? Item tardius sonare,  $\kappa\lambda\omega\downarrow$ , quum dico  $\kappa\acute{\omega}\kappa\omega\downarrow$   $\sigma\pi\alpha\tau\eta\gamma\iota$ , quàm  $\kappa\acute{\omega}\kappa\omega\downarrow$  è  $\epsilon\alpha$ ? In  $\kappa\omega\omega$  è  $\epsilon\alpha$ , sex sunt tempora: in  $\kappa\acute{\omega}\omega$   $\tau\epsilon\epsilon\chi\alpha$ , sex semis. In  $\kappa\acute{\omega}\kappa\omega\downarrow$  è  $\epsilon\alpha$ , septem tempora: in  $\kappa\acute{\omega}\kappa\omega\downarrow$   $\sigma\pi\alpha\tau\eta\gamma\iota$ , nouem semis, ut  $\kappa\lambda\omega\downarrow$ , syllabæ dimidiū temporis accedat ob moram, quam adfert consonantium collisio. L. Haud proclive sit ista discernere. V. Nihil facilius. Atque adeò miror hoc homini musico uideri, qui nris quomodo uocæ, quam hodie maximā uocant, diuidant in longam. Rursus quomodo longas in breues, breues in semibreues, semibreues in minimas, et has insuper secant in plusquam minimas. tum non ignores quomodo proportionibus, quas illi modos hodie uocant, uariè producant aut accelerēt pronuntiationem, nunc ad rationem duplam, nunc ad triplam. Quæquæ hac subtilitate nihil est opus. Res fuerit euidentis, si, iuxta musicos, breuē feces in semibreuē: ita in caput, prima erit breuis: in lachryma, breuis cum semibreui: in da et fle, duæ breues. in sol, duæ breues et semibreuis: in stirps et rex, tres breues. L. Intelligo.

f.i.

V. Verum hanc exquisitam uarietatem negant obseruari in carmine pronuntiando, sed in oratione pro-  
 sa nihil uetat. At ego multo minus arbitror obseruari  
 posse in multorum concentu, praesertim imperitorum.  
 Hinc enim, ni fallor, natum est, quod chorus Ecclesia-  
 sticus nec in Psalmis recitandis, nec in Canticis solen-  
 nibus, ullum habet breuium aut longarum delectum, ne  
 tonorum quidem admodum magnam rationem, sed  
 omnes pari temporis mora sonant, ne dum aliud aliud  
 sonat, inaequalitas uocum pariat indecoram confusio-  
 nem. Et in cantu, siquando uocibus imparibus utun-  
 tur, inaequalitatem eam non ex natura syllabarum, sed  
 ex suo arbitratu metiuntur. Quamquam hoc genus ca-  
 tionis non recipiunt qui religionis sunt austeriores, sed  
 spondeis promuntiant omnia. Non dubito tamen quin  
 Ambrosius suos hymnos obseruatis syllabarum modu-  
 lis canendos instituerit, eamque consuetudinem arbi-  
 tror ualuisse, donec crassior literarum inscitia, et in-  
 conditus uocum tumultus compulit ad hanc inaequale  
 aequalitatem confugere. Quin audiui concionatores ex  
 hoc genere, qui quo pluris habeantur a populo, nouum  
 aliquid ac prodigiosum comminiscuntur, eodem tono,  
 pari mora pronuntiantes syllabas omnes, paribus etiam  
 intervallis, quasi singulae syllabae singulas absoluerent  
 dictiones, magna quidem admiratione plebis imperitae,  
 sed aequè magno tum risu, tum taedio doctorum homi-  
 num. Hoc enim uerè est quod ait Cicero, latrare, non lo-  
 qui. Verum ut ad institutum nostra recurrat oratio:  
 quemadmodum in productione syllabarum plurimum  
 habet momenti facilitas aut difficultas literarum unde  
 constantur, neque quicquam uetat quo minus in co-



dem sermone, nunc citatior, nunc lentior sit pronuntiatio, modo in cursu uerborum, quam Græci οὐνέπιαυ appellant, inter uicinas proportio discernat moras tēporum, ita in modulandis tonis non est eadē ac perpetua ratio, ut omnes acutas sones ūsdem chordis, seu graues, aut circumflexas: licet enim pro sensuum et affectuum uarietate, nunc intensiore, nunc depressiore linguae sono uti: ex proximē præcedentibus ac proximē sequētibus distinguere uocis modulationē sat erit. Non enim semper pari spatio uox acuta ultra grauē intenditur, sed utcunque commodū est, aut ut sermonis natura postulabit, remissior aut ardentior. Interdū enim ad semitonium, interdum ad tonum, nonnunquam ad ditonium, aliās ad τὴν διὰ πασάων, aut διὰ πέντε tollitur. Quidam etiam altius, et ultra τὴν διὰ πασάων, sed iam indecorē, nec citra speciem insaniae, quæ hoc est euidentior, quod faciunt crebrius, maximē quū sensus nullam uocis mutationem postulet. Totā hæc modulandi ratio intra heptachordi modos consistit. Rursus in depressione uocis eadem est ratio, nec anxie seruandū est ut omnes, quemadmodū dixi, syllabæ eodē tenore, uelut eadem sonentur chorda, præter eā quæ acuitur: quod genus si dicas legeramus, abominanda, horrenda, non referenda: prima legeramus potest sonari in nete (fingamus enim hanc esse quæ grauissimam ædit uocem) secunda in paranete, tertia in paramese, quarta rursus in paranete. Rursum in abominanda, primæ duæ sonari possunt in paramese, tertia in mese, quarta in parypate, quinta in mese. Item horrenda, prima sonari potest in lichano, secunda in hypate, tertia in parypate. Denique non refert.

renda, primam sonos licet in parameſe, proximam in paranete, ante penultimam in nete, penultimam in parameſe, ultimam in nete. L. Hic deſidero meam circumflexam. Sed age dic quo pacto diſcernitur acutus tonus a circumflexo diſcrimen. V. Duplici nota, productione temporis et intentione uocis, ut lentiore, ita remiſſiore. Non huc acceſſam muſicorum ſubtilitates, qui diſtingunt tonum ac ſemitonium, diuidunt per apotomas, dieſes, commata, ſchiſmata, et diaſchiſmata. Nobis ad hanc rem ſufficit diſcrimen toni, ſemitoniũ, ſi uis et ditoni. Sit igitur hoc diſcrimen inter acutum et inflexum, quod inter tonum et ſemitoniũ, aut ſi hoc uidetur obſcurius, quod inter tonum et ditonium. Et hoc diſcrimen Latini prorsus negligunt, quum quoties penultimam natura longam excipit ultima breuis, in priore loco ſit circumflexus accentus, non acutus. Vidi, primam habet acutam. Vidi, primam habet circumflexam: illud, perinde ſonat quaſi dicas fa re (nam docti gratia, craſſius eſt loquendum) hoc quaſi dicas fa mi: aut ſi ſyllabam, cui tonus additur, conſeras cum præcedente, acutus perinde ſonabit, quaſi dicas re mi, perfecto tono: circumflexus, quaſi dicas mi fa, quia ſemitonium eſt. Quod ſi cuius aures ſunt hebetiores, quam ut hæc ſentiant diſferentiam, ſit acutus fa ut, aut ut fa, circumflexus fa re, aut re fa, prout ſyllabam intendendã cum præcedenti aut ſequenti conſeres. Hæc cum diſcreuerint ueteres et uſu et præceptis, an non piaculum eſt nos hoc diſcrimen in totam negligere? Quis enim nunc diſcernit pronuntians inter has, crêta, mûſa, Rôma, mêta, uêna, nominandi, uocandiue caſu, et crêta, mûſa, Rôma, mêta, uêna, auferendi caſu? L. Certè nemo. V. Rurſus

inter lûctus recto casu, & lûctus paterno casu? Atqui in prioribus est trochæus, & prior syllaba tonum habet circumflexum ob ultimam breuem, in altera prior habet acutum propter sequentem productam. L. Audiui ueteribus ultimam semper habitam pro ancipiti.

V. Verùm ultimam carminis, non cuiuslibet dictionis, & quod uenia datur in carmine, fortasse dabitur & in colis, aut periodis, tametsi ne illi quidem, nisi ut pro breui sonet longam, non contrā. In synepia uerò nequaquam idem licuerit. Et quanquam euidentius breuis ac longæ discrimen est, uocalem excipiente consonante, ut frûctus & fructus, ut post docuimus: tamen apud ueteres finalis uocalis, nulla sequente consonante, manifesto discrimine signabatur. Id esse uerum liquet ex Diomede grammatico, qui docet o in fine uerborum solere produci, Græcorum exemplo, qui ut λέγω dicunt & ῥήνω, ita illi dico & cædo: post, inquit, usus intantum obtinuit, uocalem hanc haberi pro ancipiti, ut ridiculus esset qui non corripere. At undeprehendebat hoc irrisor ille, si tum pronuntiabant ut nos pronuntiamus hodie? Nimirum ex accentu & mora temporis, præsertim in cursu. Qui producebat, dicebat dico tibi. Iam duæ dictiones habebant sex tempora, & syllaba prior in utraque tantum habebat acutum: qui corripiebat, ita sonabat, dico tibi, & eadem dictiones non habebant nisi quinque tempora. Itidem si dicas, amo pecuniam, facile dignoscant aures an sonet iambos duos & pyrrhichium, an tribrachum & dactylum. L. Monitus sentio. V. Nunc aliam accipe fabulam, quæ rem eandem doceat. Quintilianus libro duodecimo narrat rusticum quendam testem interro-

O produ-  
ctum in fi-  
ne uerborū

gatum an nosset Amphionem, negasse. At cuius intererat illum nosse hominem, quum esset minimè stultus, suspicatus est id quod erat, rusticum hominem quidem nosse, sed non agnoscere uocem parum rusticè pronuntiatam. Itaque ueluti de altero percontans, rogauit an nosset Ampionem, uidelicet aspiratione sublata, et secunda syllaba breuiata: protinus agnouit Ampionem, qui Amphionem non nouerat. Hic accentus quoniam anteit penultimam, non indicat discriminè quantitatis syllabicae. quum enim penultima sit brevis, in antecedenti tonus sit oportet, siue corripitur illa, siue porrigatur. Vnde igitur rusticus ille discernabat à longâ breuē? Nec enim refert ad dignoscendi facultatem, quod apud rusticos utiosè corripiebatur. Sic esse pronuntiandum existimabat, hoc mihi satis est, quod aurium iudicio secreuit breuem à longâ. Vnde inquam? Non accētū, ut modo dicebā, sed mora temporis. Quum enim urbanè pronuntiaret Amphionem, Ionicus erat  $\Sigma\pi\omicron\ \mu\epsilon\iota\zeta\omicron\nu\omicron\varsigma$ , hoc est, spondeus cum pyrrhichio: quum Ampionem more rusticorum, trochæus erat cum pyrrhichio. Suetonius indicat Neronem Cæsarem mortuo Claudio stultitiam exprobrare solitum, unius uocalis productione. Quoties enim incideret, ut diceret illum esse mortuum, ita loquebatur: Desijt inter uiuos morari, porrecta prima syllaba. Quis autem erat hîc ioco locus, si quemadmodum nunc loquimur, ita tum quoque nullum longæ breuîsque discrimen sentiebant auditorū aures? Num hæc tibi uidentur satis aperta? L. Non habeo quod contradicam. V. Accipe quod his omnibus euidentius est. Tot authores apud Græcos scriptores de numeris orationis conscripserūt, inter quos sunt

Aristoteles ac Theophrastus, si rhetores contemnimus: tot apud Latinos, præsertim M. Tullius & Quintilianus. At oratio numerosa, quibus rebus constat? L. Pedibus opinor. V. Rectè: nam ÷isdem pedibus constat oratio soluta quibus carmen, nisi quòd non æquè certis legibus inter se iunguntur. At pedes unde constant?

L. Ex breuium ac longarum syllabarū inter se conexione. V. Rursus quare discrepat à breui longa?

L. Porrectiore mora pronuntiandi. V. Si tum confundebatur longarum ac breuium discrimen, quèadmodum hodie facimus, quorsum attinebat celebres & graues uiros tot uoluminibus præcipere de numerosa dictione? Ac Romæ quidè quoniam Democratia, propter senatus auctoritatē temperata erat Aristocratia: multa apud populū, nonnulla etiam in senatu agebantur. Athenis autem quòd esset Democratia pura, omnia agebantur apud populum. Quòd si plebes imperita non discernebat longas à breuibus, quorsum opus erat Demosthenem, olei simul & somni iactura hac solitudine discrucari? Sin indocta multitudo bene modulatis delectabatur, rursus malè compositis offendebatur, qua fronte nos nobis loqui uidemur, qui præter accentus nullū in syllabis discrimen facimus, atque hic ipse accentus frequenter in causa est, ut pro breui sonemus longam? Frustrà tam operosè præcipitur, qui pedes congruant initijs & clausulis incisorū, membrorum, & periodorum, si nostri arbitriū est pro breuibus longas, pro longis sonare breues. Quare in medijs uitabant immodicam syllabarū celeritatem, quæ sic offendebat aures, ut puerilium crepitaculorū strepitus, unde Aristoteles eiusmodi compositionem chordacem ap-

f.iiij.

pellat, si ubique tonus est, licet sonare productam? ut mulier, faciat dactylum, non tribrachum: et temeritas, faciat diiambum, non pæonem quartum, qui constat pyrrhichio et iambo. Animula misera perijt, si pronunties ut oportet, offenduntur aures eruditæ concursu breuium, quasi tu τὴν χορδαὶ saltanti canas, aut τὴν τετραχοῶ. At nos hic sonamus diiambum in animula, duos dactylos in misera perijt. Quur quibusdam uisum est durius, quod Marcus Tullius in clausula posuerit, balneatori et archipiratae: Demosthenes, πῶσι καὶ πάσαις, qui finis est iambici Scazontis, constans ex Trochæo et Molosso, si nobis licet, balneatori, tribracho et spondeo, archipiratae dactylo et spōdeo sonare? Rursus quur laudatur hæc eiusdem compositio, ὕσδῃ in armis fui, quod in armis fui, spondens iambo præponitur: aut quod ὕσδῃ in armis fui, sine ducretici, si nobis licet ut ferè facimus, sonare dactylum, et dichoreū in ὕσδῃ in, et armis, fuit? Siquidem to no decepti, priore in fui, producimus. Aut qua ratione probatur illa Ciceronis clausula, criminis causa, quia spondeum præcedit creticus, si nobis permittimus creticum uertere in dactylum, quod improbat ab artis scriptoribus? Idem dicere possum de clausula Ciceronis, uerumetiā nota, in qua spondens succedit anapæsto, si nobis liberum est pro anapæsto sonare dactylum, ut ferè nunc uulgo sonant etiam docti. Quur illa Ciceronis clausula doctis olim uisa est fœlix, Patris di etum sapiens temeritas filij comprobauit, quod ultima dictio dichoreum absoluat, si tum liberum erat pro dichoreo sonare pæonem tertium, hoc est pyrrhichium ac trochæum? sed exemplorū plus satis. Vides quan-

tam syluam adferre queam: sed hæc declarandæ rei abundè, ni fallor, sufficiunt. L. Mihi sanè supersunt etiã. Ceterũ nunc aures ista non diiudicant. V. Quid causæ, nisi quòd aures habemus asininæ? quibus non placet lusciniæ cantio modulatissima. Et tamẽ istæ aures in musarũ donis plus quàm asininae, in saltationibus ineptis, in ebrijs cantionibus sentiũt longæ, breuius, acutæ, demissæ, mediæque uocis discriminẽ. L. Sic est: ubi intenderis animum, ibi ualet. Si hæc sunt uera quæ narras, ut sunt profecto uerissima, nullus hoc tempore sonat Latine. V. Adde ne Græcè quidem, utcunque nobis placemus. L. Multi quærũt in uocibus Græcis, quas usurpatione, sui iuris fecerunt Latini, quæ ratio accentuũ sit obseruanda. V. Istuc expedire perspicile est. Si uox deflexa est ad normam Latine declinationis, seruetur accentus Latini regula. Id præterquã quod iustus est, etiã commodius est. L. Quamobrẽ?

V. Quia apud Latinos perpetua ratio est, Græci uariant, eo quòd Latini frè spectant penultimam in polysyllabis: in dissyllabis tonus propè semper est in priorẽ, nec aliunde aliò migrat, quemadmodũ apud Græcos. L. Exemplo rem feceris dilucidiores. V. Quidam malunt dicere grammaticæ, grammatices, grammaticen Græco more, quàm Latino. Atqui Latine si dicas, tonus semper erit in ea quæ tertia est ab ultima: alioqui grammatica, ultimam habebit acutam, grammatices paternus casus, et grammaticæ datiuus circumflexam, rursus ô grammatica acutam: quanquam in septimo casu cogaris esse Latinus. Item qui Timotheus dicit Latine, semper acuit antepenultimam, et hæcenus conuenit cum Græcis quoties ultima corripitur. Cæte-

Grāmáticæ

Timotheus



sôphia

rum quoties ultima sit longa, tonus migrat iuxta Græcos in penultimam, ut Timothéi, Timothéo: in Timótheum remigrat in locum suum. L. Expeditius itaque dicemus sôphia prima acuta, & philosophia antepenultima acuta. V. Sic opinor. Nam quòd Christiani quidam tantum tribuerūt accentui Græco, ut in metro quoque syllabam natura longam corripuerint, uelut in idola, & paraclytus, ecclesia, & si qua sunt alia, condonandū arbitror pietati potius, quàm imitandum. L. Explana, quæso, crassius, quo sono discernatur natura longa uocalis à breui. V. Id ne putes rem nouam, dilucidè patet in linguis uulgaribus, quæ & sono & scriptura discernunt longam à breui, longam aut geminata uocali scribingentes, aut addita uocali uertentes in diphthongum. Dic Batauiçè albū, sentis unicum i: dic latum, sentis geminum, quum tamè dictio sit monosyllaba. Audis apud machinas, quibus onera tolluntur è nauibus, quoties iubent uolui rotam, simplex i: quoties uinum postulant, geminum. Rursus dic Batauiçè lagenam, audis unicum e: dic Flandriçè carnē, audis geminum. Idem discrimen in optimo & bestia: ultimo & forma calcearia. Dic Batauiçè pellē, audis unicum e: dic multum Brabanticè, audis duo. Item Batauiçè puteum, audis u simplex: dic extrā, audis geminum, nisi maius hîc esse peculiarè diphthongum. Item dic Anglicè panem, audis e breue: dic Batauiçè latam, audis ee geminū. Dic obesum Batauiçè, audis e breue: dic simultatem, audis porrectum. Dic Batauiçè rotam, audis a breue. Dic consilium, audis diphthongum æ. Idem fit in foramine & uadite: in balneo & lucro.

L. Iam mihi succurrunt istius generis exempla in-

uuic  
uuijt.  
uuin  
uuijn.  
Vles  
Vlees.  
Best  
Beest.  
Lest  
Leeft.  
Vel  
Veel.  
Pu  
Put.  
Bret  
Breet.  
Vet  
Veet.  
Rat

numera. V. Quo magis mirum est nos hæc omnia Raet.  
 confundere seu Græcè, seu Latine loquentes. Snp uox Gat  
 natura longa excepta prima litera, quid aliud sonat Gaet.  
 hodie, quàm apud Latinos uir, quæ natura brevis est? Bat  
 Item πρ, nos sequuti Græcos, malè pronuntiamus, quæ Baet.  
 Germani uocem eam à Græcis sumptam rectè sonent,  
 nisi quòd tenuem uertunt in aspiratam, Bataui in u  
 consonans. πā; nos malè sonamus, Galli rectè, quum hu Bas  
 mile dicunt aut passum. L. Sic est profecto. V. Iam Pas  
 in ηρ, quod ipsum ad nos fluxit à Græcis, Bataui  
 lingua dum sonat dier, θ mutato in δ, declarat quid  
 sonuerit apud Græcos Snp. Ad hæc quid aliud sonat  
 syllaba mus in animante longa, quàm in dictione mi-  
 mus brevis? L. Nihil prorsus. V. Atqui discrimen  
 docet Batauius sonans animantis uocabulū, in quo au-  
 dis geminum u: si sonet simplex, nullus quid uelis in-  
 telliget Latine nesciens. Tantum est discriminis in mo-  
 ra syllabæ, quod nos perinde ac si nullius sit momen-  
 ti, planè negligimus. Nihil enim aliud sonat nobis ho-  
 die las in puellas, quàm in Pallas: es in res, quàm in  
 uerbo es: lis in facilis, quàm in lis, unde litis: or in εχ-  
 τωρ, quàm in uincor: lus in nullus, quàm in palus et  
 salus. atque item de cæteris. Nec ullo modo dubitandū  
 quin ueteres distinxerint manifesto uocis discrimine.  
 Nequis autem existimet hoc usque adeò barbaricū esse  
 de quo loquimur, præter alios Grammaticos et Quin-  
 tilianus ipse prodidit, Latinos usque ad Actii poetæ  
 tempora et ultra, uocalem productam, per eandem Vocalis gem-  
 geminatam notare solitos: ueluti si scribas, uauus pro nata, pro l  
 uanus, turbaas pro turbas, rees pro res, lijs pro lis, doos ga.  
 pro dos, saluus gemina uocali pro salus. Si nullum erat Doos.

Audijs  
Leegi  
Viujs  
Doo

discrimen, unde prisca tanta huius rei cura? Nunc uero quid interest inter priorem syllabam in mala adiectiuo, & mala substantiuo, quod illis erat mala? Inter finalem is, huius uerbi legis & finale audis, quod illi scribebant audijs. Inter legi à legor, & legi à lego, quod illis erat leegi. Inter uius uerbum & uius nomen, quod illi uiujs: inter dos Græcum uerbū, & dos dotis, quod illi doos. Inter ultimam, manus genitiui, & ultimam, uulnus? L. Deum immortalem, quantum à recta pronuntiatione degenerauimus. V. In Græcis propè grauius etiam aberratum est. Quis enim distinguit inter τῆσιν indicatiuum, & τῆσιν subiunctiuum? Aut quis inter ας in αἰνεῖας, & ας in λαμπάς: inter καλὸς nomen, & καλῶς aduerbiū: inter κωεῖος & κωεῖω, si tonū tollas, quā ipsum ω ex duobus opusillis conflatum admonere nos debuerit & productionis & soni? Quod si nihil aliud sonabat o quā ω, quid sibi uult quod grāmatici tantopere prædicant ω, ueluti grandius quiddam resonans è specu oris? Quid autem facilius, quā eandē uocalem duplicatam, non ictu uocis, sed productione sonare? Id facillimè percipiet, qui primum pro una sonarit duas, quemadmodum solent non absoluti musici, quo certius canant ad ictum manus, longam diducunt in duas breues: rursus eadem mora, perpetuo sono pronuntiant eandem longam, animo tantum imaginantes geminū uocis ictum. Simili ratione periti complures breues, aut etiam longas continuo sono pronuntiant, nec errant in moris, animo supputantes interualla, non uocæ. Sic apud Latinos ex tibjæn factum est tibjæn. Igitur ut rectè sonet legi præteritum à lego, primum fac uocem trisylla-

Tibjæn

bam, & dic léegi prima acuta: deinde pari mora, sed Léegi  
 uoce continua légi, ut hæc uox quatuor tēporibus exten-  
 datur, quum légi à legor constet tribus. Vt rectè sonet  
 lege à lex, dic léege: mox inflexa priore, lége, ut dictio  
 constet tribus temporibus, quum lege uerbum constet  
 duobus. Item dic lúctuus trisyllabūs, mox luctūs ex- Lúctuus  
 tento u. Dic máala, mox mǎla, quum arboris fructum Máala  
 indicas. L. Tu quidem crassissimè doces. V. Nimi-  
 rū crassis tradenda. Idem qui uolet assuescere pro-  
 nuntiandis diphthongis, primum diuidat, deinde con-  
 trahat in eādem uocem: primum sonet musæ, deinde  
 musæ: primum fœnū, mox fœmī: primum aúdio te-  
 trasyllabum, mox audio trisyllabū: primum eūge tri-  
 syllabum, mox euge dissyllabum, sic ut utranque uo-  
 calem liceat agnoscere, quauis sono confuso. Idem in  
 diphthongis Græcis, ut πᾱίς πᾱίς, δημοδένει δημοδένει.  
 οἶρος οἶρος, μῦσα, per u Gallicum μῦσα. Sinulis in  
 Græcis productis est exercitatio. Primum dic αἰveίας,  
 mox conflato sono in longum αἰveίας. Item u, diuide in  
 duo ee ore diductiore, aut in duo a Scotica: & dic  
 χαμμαλικῆς, mox perpetua uoce χαμμαλικῆς, memor  
 prioris soni, ut κῆς id sonet quod apud Gallos sonat  
 sed, apud Zelandos caseus. Similiter μῶς per u Galli- Kees  
 cum, deinde μῶς. Item καλός, mox καλῶς. L. Video Meys  
 facillimè discerni uocalē longā à breuī, si consonans  
 finiat syllabam, ut in audis, legis: at non perinde fa-  
 cile, quoties uocalis claudit syllabam. Quum enim di-  
 co is ab eo, sic enuntio quemadmodum Batavi glaciē:  
 quum lis unde litis, sic effero quemadmodum Gallus Lis  
 sonat lilia. At minus est euidentis discrimen in colo uer-  
 bo, & colo nomine. in mǎla substantiuo, & mála adie-

*Et* in pûtet à puto, & pûtet à putco uerbo. Accen-  
tus enim obscurum habet discrimen, nisi mora prola-  
tionis accesserit, nec ea facile sentitur, nisi in contextu,  
quam, ut dixi, Græci uocant συμπικνω: ueluti si dicas,  
da bôna mâla, ex duabus breuibus præcedentibus &  
una sequente, sentitur a productum in mâla. Item ex  
bo acuto, sentitur ma circumflexum. Hinc iocus ille Plau-  
tinus, quum Sosia heræ minanti magnum malum, mu-  
tato accentu respondet prægnanti potius esse dandum  
mâlum, ut quod obrodat sit, animo si malè esse oac-  
perit. Verùm his in rebus emendatior est Germanorū  
lingua quàm Gallorum, qui finales syllabas omnes fe-  
rè producant, nisi siqui uulgatam pronuntiationē de-  
didicerunt, atque item cæteras plerasque: ita sonant  
caput quasi geminum haberet u, & audit, dicit, simi-  
liter, maximè uerò quum dictio desinit in s. Itaque re-  
ctè pronuntiant salus, uirtus & fructus gignendi ca-  
su, quæ nos confundimus: at non rectè eodē sono pro-  
nuntiant, dominus & seruus: mus & IESVS rectè  
sonant, at non rectè minus & læsus. Rectè sonant au-  
dis, uenis, nescis: at non rectè, audit, uenit, nescit, aut  
non rectè, scribis, legis, dicis. Bene sonant os, mos, flos: at  
non bene σφός, καλός, χυείος. Est igitur hîc quod disca-  
mus à Gallis, est quod illi uicissim discant à Germa-  
nis. In medijs item ac primis syllabis amant porrigere  
uocales, uelut quum dicunt, arma, licet a sit positu lon-  
ga, tamen perinde sonant quasi sit geminum a, a arma  
sono continuo. Id quo possint cōmodius, elidunt è dua-  
bus sequētibus mutis alterā, sonantes mama pro mam-  
ma, & alium pro allium, aduco pro adduco, atero pro  
attero, ualo pro uallo, annus pro annuus. L. Suggestis

animo quiddam, de quo frequenter addubitavi. Grammatici distinguunt uocalem naturā longam, & positū longam. At apud Latinos quum omnes sint ancipites, eoque dicatur natura longæ, quæ positū longæ non sunt, estne ratio qua per sonum possim dignoscere? V. Et hoc te docebit uulgata Gallorum pronuntiatio, qui omnes ferè sonant ut natura longas, duas consonantes, aut unam geminam uoce separantes à uocali præcedenti. Nos enim uidisti, sonamus, ut penultima syllaba desinat in s, ultima incipiat à t: Gallus penultimam finit in i, & ultimam incipit à st. Rex, lex, fax, & pax & natura & positū longas Galli rectè sonant: at fax tantum positū longam, non item. L. Sed præter discrimen soni, unde liquet positūne, an natura sit longa uocalis? V. Ex cognatis dictionibus hoc elucebit, in quibus abest altera consonantium, uelut in amasi, a, natura longum esse declarat, quod & in amare sit longum, & in amati, quum absunt consonantes. Idè apparet in regis, legis, facis & pacis. Contrà in fax, in noceo, unde noxa, in Arabe & trabe declaratur uocalis rectè esse positū, non natura longa. Rursus in τῆρα & τῆρος, manifestum est u positū non natura longū esse, in τῆρα, τῆρος, & similibus. Eadem est ratio in κῆρος priore ancipite: proinde qui duas consonantes separat à præcedenti uocali, si productè promuntiant, declarat natura longam esse: sin alteram partitur priori uocali, alteram posteriori, significat positū longam. Qui in κῆρος sonat priorē breuem, consonantē utranque iungit posteriori uocali. Sic Horatius Donatura cygno si libeat sonum. &, Forma captiue dominum Tecmessæ: cmes, separandū est à te. Quanquam est non-

A,tlas.  
 Aru,spex.

nullis sua quædam pronuntiandi ratio, quæ iubet consonantes posterioribus uocalibus annectere seu diducere, uelut in Atlas & aruspex, quoniam prius compositum est à τᾱω, & α, particula uehementiæ: rectius à separatur à prima uocali, quemadmodum in ἄσαυς. Posterius compositum ex ara & specio siue spectro, sp̄ rectius annectitur uocali sequenti. Cōtrā est in abstentio, quoniā dictum est ab abstinentia temeti, s melius annectitur primæ syllabæ. Quamquam hæc magis pertinent ad orthographiam, quàm ad pronuntiationem. L. De uocalibus & accentibus uideor mihi satis instructus. Superest ut de cæteris item consonantibus nobis edisseras. V. Referā quod memoria suggerit. Tres sunt mutarum ordines. primus est p tenuis, b mediæ, ph aspiratæ, quam Græci propriam habent φ. secundus, c tenuis, g mediæ, & ch siue χ aspiratæ. tertius, t tenuis, g mediæ, & th, siue θ aspiratæ. Atque hæc potissimum mutæ dicuntur, quòd ne sibilum quidem, aut stridorem, aut strepitum ullum eedere possint, nisi uocalis addita sonum expediat. P sonatur dum compressis labijs, spiritus ex arteria prorumpens diducit os addita uocali: quæ si præcedat mutam, uocalis uelut obmutescit: exempla sint, pa, ap: unde Fabius hoc tribuit fœlicitati linguæ Græcicæ, q nullā habeant uocem desinentem in ullam mutam, nec in m, quæ & ipsa uelut obruit uocem ore compresso. Con similitudine promitur b, nisi quòd leniore compressu labiorum uox exit, sed paulo largiore spiritu, largissimo φ siue ph. Euidens discrimen senties, si continenter pronunties, pe, be, phe. C uerò reducta introrsum lingua, & hinc atque hinc ad molares illisa, hæren-

P

C



tem intra os sonum propellit in palatum superius: nec aliter sonatur g, nisi quòd lenius exit, & paulo largiore spiritu quàm chi plurimo flatu proferatur: discrimen senties si sonueris co, go, cho. T sonabis, si summa lingua pulsaris supernos & infernos dentes, eos quos Græci, ni fallor, τρυγίς appellant, modicè diductos. D crassius erumpit, th crassissimè. Eadem est sonandi ratio in duplicibus, ut γάλλω, ξένος, γάλα: aut in compositis, uelut in πύω, πένω, φεάζω. Item in κταομαι, κτήμα, κνίσσα, κῶναι, χροῖς, κλέω, βδέω. Rursus in τμήμα, τμήλος, δμῶες, θλάω, στήπες, & alijs huius formæ. Nunc expendamus quantū in his à Germano sono degenerauerimus. Græci pro π sonant b Latinum, si m litera præcedat, ut ἔμπορος emboros, συμπτύζουμαι symbaezomæ, συμπίσιον symbosion. Id durius fit, quum idem faciunt in diuersis dictionibus, mutato etiam sono i in μ, ut ἐν σπέρτω embroto, ἐν πνεύ embryri. Et hoc mutuamur à vulgi delicijs. Nec enim huiusce rei ulla mentio fit apud ueteres, usque adeò in cæteris minutis tradendis penè dixeram supersticiosos. Rursus pro β, sonant u nostrum consonans, βάρβαρος uarrachos, ἀμβρόσιος amurosios, quum probabile sit β apud priores Græcos idè sonuisse, quod apud Latinos sonabat b.

L. Quibus in hanc sententiam ducis argumentis?

V. Primum est, quod ex tot Grammatices scriptoribus nemo uarietatis huius facit mentionem. Hoc si leue est, dicam aliud. M. Tullius in epistola quadam ad Pætum, ut demonstrèt eandem uocem apud alios obscœnà esse, quæ apud alios sit uerecunda: nec in uerbo turpitudinem esse, sed in sensu loquentis, producit vini, & βίβης, quæ Latinis sit pudica, Græcis obscœna.

Atqui si βίβει sonabat tum Græcis, quod uulgo sonat hodie, non erat uox eadem apud utranque gentem nihilo magis, quàm apud Latinos bini et uini. L. Probabile est quod narras. V. Arguit idem Græcanicarum uocum usurpatio. Quod enim Græci dicunt βοῖς, nos dicimus bos: et quod illi βοῶν, nos boare: quod illi τυρβᾶν, nos turbare: quod illi βαλανεῖον, nos balneum. Quid autem infinita persequor? Et siquid detorqueamus, in diuersam partem id facimus citius, ueluti quum pro βαβαί, dicimus papæ. Hic peccant et eruditi: uulgius autem, et qui uulgatam pronuntiationem non dediderunt, interdum pro b pronuntiant u consonans, et contrà, ut bibit pro uiuit, et uiuit pro bibit. Id peculiare dicitur auidam Hispaniarum regioni. Audiui-mus et Gallos aliquot ad eundem modum sonantes. Sūt et apud Germanos, qui pro b sonet p, et contrà, ut pipere pro bibere, et biper pro piper. L. Frequen-ter istiusmodi uoces audisse memini. V. Imò et in libris manu descriptis huius pronuntiationis uestigia sæpe deprehendimus, ut pabismus pro baptismus, et uelle pro belle, et biētus pro piētus, βάνος pro πάνος. Sed plus etiā est erroris in c, cui respondet apud Græcos χ. Aliud enim sonat Latinis quàm præcedit c, i, y, æ, æ, quàm cū antecedit a, o, u, ut in Ceres, cinis, cynicus, cælum, cæcus: aliud in canis, colo et curo. Nam in illis uulgius nostratiū penè nihil discernit inter c et s, ut uix aures diiudicent cænæ dicas à cœna, an sene à se-nex: et utrum siliam pro lapide, an Ciliam pro gen-te: citum à cio, an situm pro positum. In Sicilia, primæ syllabæ sonum ægrè dignoscas à sono proximæ. Quæ quidem in re minus peccant Itali, præsertim Romani,

qui tametsi non prorsus eodem modo sonant c ante uo-  
cales omnes: tamen ita pronuntiant ut manifesto dis-  
crimine dignoscas c literā ab s, linguam in latus den-  
tium læuum intorquentes cum sonant Cicero, Cæ-  
sar, & Cyrus. in alijs tamen minus est crassitudinis,  
ut in canis, colo & cura Difficilior autem est huius li-  
teræ distinctio, quoties præcedit s, ut in scio & Scy-  
tha, resciscit, asciscit, quam tamen euidenter ac fœli-  
citer exprimunt Romani, nos mirè confundimus. Nos  
hic & alio peccamus modo, spiritū addentes, c quoties  
anteædit s, & sequitur a uel u, schando sonantes pro  
scando, & schutum pro scutum. Quin & Græci x suū  
crassius sonant, quasi uergens ad γ, ac sibili nonnihil  
meditans, quoties præcedit uocales aut diphthongos,  
e, i, n, u, ay, ei, oi, u, quā in cæteris. Nec dubiū quin hæc  
differentia profecta sit à uulgo, quando nemo uete-  
rū id scripto prodidit, quum tamen alijs de rebus mi-  
nutissimis plurima conscripserint. Ex linguis autem po-  
pularibus, quas constat olim lingua Græca permixtas  
fuisse, conijcere licet, x ante uocales quaslibet perpetuū  
suum obtinuisse sonum. Sic Germani uulgo sonant Cæ-  
sarē, Batavi silicem, sic Picardi ici, quod imitatum est Ici  
à Græco ἐκεί. Nec me fugit hanc Galliæ partē ob pro- Picardi  
nuntiationem rideri à cæteris: retinet tamen manife-  
stiora Græcæ Latinæque linguae uestigia. Rursus si  
quis audiat Anglum petentem osculū, agnoscat Græ- Meys. Kin.  
cum ὠσού, in qua uoce nos pro u Græco sonamus u Gal Kind.  
licem. Et in nostrate lingua, quoties illud tenue uolu- Kennen.  
mus exprimere, pro c scribimus K, non aliter sonantes Kemmen.  
eam in Ky, quā in Ka, ueluti quum diminutiue di- Kynne,  
cimus, puellam aut puerū, nō diminutē, aut nosse, aut  
g.ij.

x c

pectere, aut mentum. Et quum Angli dicunt iugulo, aut regem, aut serua. Nec defuere Latini, qui non patiebantur c præponi a, ut ca, sed xa scribendum censerunt, quod ab eruditis reiectum est, negantibus hic opus esse litera Græcorū commodatitia, quum c suum natium sonum ad omnes uocales deferat. Probabile est igitur et apud Græcos x, et apud Latinos c, eodē fuisse sono, quacunque uocali sequente. Nam Latini K propemodum pro superflua duxerunt, quemadmodum et q, quibus uix utebantur, nisi quum unica litera signarent totam dictionem, ut Q pro Quinto: K, pro Kalendis. Acqui supernuacanea non est, si nostrum c crebro proximē accedit ad uocem s. Postremo uel a ranis discere licet quod narro. Nam his hæc litera peculiaris est, quum audimus illas quotidie modulantes illud suum βρεκεκεκεξ, χο'αξ, χο'αξ, in quo non percipitur illud crassius, et ad γ sibilūque uergens, quod nunc audimus in uulgata Græcorum pronuntiatione.

r g

L. Certum est argumentum. Nam ranae non mutant cantionem suam tot iam seculis, quum homines nihil sinant esse diuturnum. V. Non absurdē dicis, siquidem ranis lingua summa religata est, postrema quæ fauces spectat libera, ut aliter sonare non possint. Iam mediā quæ est γ, uel g, Latini non semper eodē enuntiant sono. L. Quī sic? V. Quum dicis uaga, uago, exiguis: nōne aliud audis, quā quum dicis, uage, uagi? L. Prorsus. Nam in ga et go et gu, audio nescio quid crassius ac spirantius. V. Item aliud audis in lego, quā in legis, legit: in longas, quā in longis. L. Sentio. V. Similiter in Græcis aliud audis, quum dicitur, θεολόγω, θεολόγου, θεολόγα: quā cum

θεολόγε, θεολόγοι. L. Ut nos quidē sonamus. V. Huic  
 malo succurrit Germanorū pronuntiatio, qui sono per  
 omnia simili dicunt, lego, legis, legit. L. Video quem-  
 admodū ex corruptis libris, itidē ex linguis quamlibet  
 uitiatīs, posse quādam deprauata restitui. V. Atqui  
 nos Batavi ridemus hīc Germanos, quasi uitiosum sit,  
 quicquid diuersum est. L. Ad istam rationem ni-  
 hil non esset uitiosum inter homines. Verūm ut hīc re-  
 ctē sonant g, ita perperam sonant quum dicunt, cau-  
 deo pro gaudeo, & cades pro gades. V. Ita sanē so-  
 nant quidam, qui uulgatam pronuntiationem dedisce-  
 re aut non potuerunt, aut neglexerunt. Verūm ex ma-  
 lis siquid inest boni decerpere sapiētis est. Nos tamen  
 grauius peccamus in aspirata χ, siue ch. L. Tantūm-  
 ne peccatorum? Expectandus est annus Iubileus. V.  
 Fortassis excusabitur ab aliquibus quod pro mī sona-  
 mus mihi, rursus pro mihi michi, quo iure ueteres in  
 Hebræis usi sunt, quo sonus sit uegetior, ut in Ioahim,  
 & Ioachim. Verūm quod pro ἰωάχουον, ἰωάχουον,  
 pro CHRISTE sonamus criste, pro chrisma cris-  
 ma, quis feret? L. Nemo, nisi qui nescit discrimen in-  
 ter CHRISTVM & cristas. V. Sunt ex aduer-  
 so qui aspiratum pronuntiant etiam cribrum. L. Isto  
 nomine Germani superiores malē audiunt, quum &  
 id, si quod est, uitij multis modis compēscent, & ab Ita-  
 lis profectum uideatur. V. Scio quid dicas. Arrium  
 sentis quem epigrammate ridet Catullus, qui pro com-  
 modis dicebat chommoda, pro insidijs hinsidias, ex cu-  
 ius immodico flatu tantum erat discriminis, ut poëta  
 timuerit, ne postea quā ille Syriam petens nauigasset  
 Ionium mare, iam non Ionium diceretur, sed Hionii.

Et olim fuerunt apud Græcos qui uitabant aspiratio-  
nem, Iones opinor: & apud Latinos priscos. Et nequid  
existimemus sub sole nouum esse, sunt hodie qui spiri-  
tum addunt ubi nihil opus, & spiritum adimant ubi  
erat addendus. Quorū hoc posterius Flandriæ parti  
gentilitium est, qui mira constantia spiritum addunt  
tenuibus, & adimunt aspiratis. Is error uelut agnatus  
hæret illis etiam Latine Græcæue sonantibus. Quem-  
admodum enim uulgata lingua dicentes herum, sub-  
trahūt spiritum, & sonant honorem, ita quum dicunt,  
honorem addunt: Latine loquentes ululam uocant  
hululam, & humilem umilem. L. Pulchrè pensant  
uitium uitio. V. Audiu Florentiæ in professione pu-  
blica constanter pronuntiantem, chorpūs, chalidus, &  
champus: quum tamen ea ciuitas procul absit à mari,  
etiamsi plus satis uentorū immittit imminens Apen-  
nini dorsum. Arbitror tamen non fuisse Florentinum.  
Contrà cæteri Itali uix distinguūt hominem ab omne,  
quod nos ingenuè distinguimus, & utrique alteros ri-  
demus, quum peccamus utrique. Ac ne soli nos in pro-  
nuntiando labi uideamur, sunt apud Italos qui ex pu-  
blico sermonis usu pro laudo sonant laldo, pro audio  
aldio. Rursus qui pro deus degus, pro eum egum, siue  
echum: adhæc qui more Hebræorum plerasque sylla-  
bas extremas acuto sono pronuntiant, Bergemates ni  
fallor. Mentior nisi his auribus audiui Romæ sacrificos  
ad hunc modum pronuntiantes: quūque narrarem  
in conuiuio quid audissem, existimans id inscitæ ui-  
tium esse, risere quidam, & protinus agnouere cuius-  
que essent qui sic pronuntiassent. L. Equidem arbi-  
trabar nos solos barbaros sonare barbaré. V. Hodie

Ecr  
Heer

uulgus nusquam non est barbarum. Quin et chi non prorsus idem sonat in χῆρε, χῆρας, βεῖχῶ, χῆπος, χῶ, χερρόνησος, quod in χαεῖ, χορὸς, et ἀνοῦχος. Illic enim audis nescio quid sibili, quod in posterioribus non audis. L. Num id recte? V. Non ulla ratio, sed deliciae morem hunc inuexerunt, mea quidem sententia.

L. Apparet. V. Quod dicam, à priscis traditum est, γ si sequatur aspirata χ, aut alterum γ, aut ξ, sonat mediū quiddam inter ν et γ, ut ἐρχεῖσθαι, πόρχος, ἀρχεῖλος, λυγξ, σφιγξ, enchiridion, rhonchus, angelus, lynx, sphinx. Adeoque non conuenit his literis in eadē dictione, ut si prior syllaba desinat in ν, uertatur in γ. Nam ab ἐν et χερ compositum est ἐρχεῖσθαι. Quod si post γ succedit κ, utriusque literæ sonus mutatur, uelut in ἀράκη, λυκῆς. Nam in his γ propemodum sonat ν, et κ propemodum γ: propemodum dixi, quod nō ad plenum exprimitur ν et γ, sed medium quiddam inter utrumque. Simile quiddā auditur et apud Latinos, si literæ g succedat n, aut alterum g, aut c, aut q, uelut in magnus, agnus, pignus, cygnus, magnes, agger, aggero, anchora, anquiro. Ac ueteres, quorū est Victorinus, adeo putabant nobis hīc deesse literam, medio sono inter g et n, ut pro aggerem et suggestum, scribendū existimarint, angerē et sungestum. Rursus pro anchora, agchora: pro ancyliā, agcyliā. Verū n, litera nostris auribus blandior uicit. Illud certe constat, Italos emendatē loquētes, aliter sonare magnis, agnus, quā nos sonamus. Nec enim sonant agnus, ut a per se sonet: nec agnus, ut g hæreat priori uocali: sed pro g, audis quiddam quod neque sit prorsus n, neque prorsus g, sed è duobus medium quiddam. Ex eodem fonte

Sungestus  
Agchora



Acquiro

nascitur, quod quidam scribere maluerunt anquiro, quam acquiro, quod q uim obtinet eandem cum c & K. Ea uarietas declarat illos nec prorsus sonuisse g, nec prorsus n, sed mediū quiddam. Idem censebant de ecquid, nunquid, nanque, tinquam, quanquam, & similibus. Vis enim literæ q, sic m uertit in n, ut g sonum admisceat. L. Hæc mihi uidentur argutiora, quam pro nostra regione. V. Simile quiddam tradunt de sono medio inter m & n, si sequatur p, b, aut ph, ut in ampullis, Lycambes & Amphimachus. Ausculta, ut sonos auribus diiudicas. Quid audis quum sono Lycambes? L. n. V. Quid quum Lycambes? L. Prorsus m. V. Quid nunc? Lycambes. L. Nec m, nec n: sed quiddā utrinque mixtum. V. Bene habet quod hæc inter nos aguntur lingua: nam calamo non possint exprimi. L. Nisi uocalis esset calamus, quales erant illi plus satis loquaces, qui Midæ auriculas sic traduxerunt, ut hodie quoque prouerbio celebrentur. V. Sic est. Sed ut pergamus in t, d, & th siue ð, uide quot modis peccatur. Germani superiores th subinde sonāt, & scribunt pro t, Protheus pro Proteus. Contra nos sonamus t pro th, ut in theologus, Timotheus, & Phaethon, Phlegethon, alijsque innumerabilibus, sed multo magis quum aspirata adheret consonam aliam, ut pro ðnnis, sonamus tynnīs: pro æthna, ætna: pro θρῆφα, τρῆφα: pro Thraces, Traces: & in totū ægrè assuescimus huic aspiratae sonāda, quā fœliciter exprimūt Angli in initio, quum sua lingua dicunt furē: in fine, quum dicunt fabrum ferrariū. Nam his uocibus uelut inimitabilibus solent hospite provocare. Qui crasse docent, monstrant ð propemodum sonare, quod nobis sonat t, s, quam syllā-

T.

D.

TH.

Thief  
Smyth

bam nostra lingua facillimè sonat in tsa, quum dua-  
 bus syllabis dicimus, simul. L. Agnosco. V. Quin fre-  
 quèter d et t differentiam confundimus, ueluti quum  
 pro David, sonamus Dauit: et ad Petrum, ad te, at Pe- Tsamen  
 trum, at te: quod idem facimus in b, nonnunquam so-  
 nantes pro abste, apste, quum d et b crassius sint so-  
 nanda. Porro quòd Græci τ sonant, ut nos d Latinum,  
 quoties præcedit υ, in ἐν τὸς et ἐν τῇ, arbitror eos eodē  
 iure facere, quo pro τ sonant b Latinum in ἐμπορος.  
 Nam quod pro ti, sonamus ci, quoties excipit uocalis, for- ti pro ci  
 tissis ueterū autoritate probatum est in Laurentius  
 et Patiētia, quum idem apud Græcos nequaquā fiat.  
 De duplicibus duobus ξ et ψ iam per occasionem di-  
 ximus, quas Galli ægrè pronuntiant, dūtaxat in ini-  
 tio dictionis, salmus sonantes pro psalmus, et senia  
 pro xenia: nos hīc certè sumus fœliciores. Et Gallorum  
 quorundam uulgus hīc addere solet e, exenia pro xe-  
 nia, eψsallo pro ψsallo. Idem faciunt in st, sp, pro sto  
 sonantes esto, pro spectro especto. L. Istiuc non in  
 Gallis tantum animaduertere licet. V. Scio et antè  
 dictum esse, cum quibusdā Hispanis hoc illis esse com-  
 mune. Et una tantum Gallie pars habet quod dico, ne  
 totā in me concites. Tertia dupliciū est ζ, complectens ζ  
 in se σ et δ, si δ crassè pronunties. Vnde Græci qui-  
 dam pro χαΐα, scribunt χαΐδα: pro μενίξεν, μενίσδην.  
 Alij rursus δα uertunt in ζα: inde nobis etiam ζαΐλο-  
 ρος, pro διαΐλορος. Hanc litteram, quoniam non reper-  
 tur in Græcis dictionibus, Latini ferè uertunt in ge-  
 ninum ss, ut in patrisso πατρίσω, et in musso μύσω.  
 Eam Germani et fœliciter et frequèter usurpant lin-  
 gua uulgarī, quemadmodum et Sarmatæ uidentur ea

Si. Zi

delectari. Nos tamen loquentes interdum usurpamus illius sonum ubi nihil opus: id fere perpetuo quoties incidit inter duas uocales, pro læsa dicentes læza, pro uise uize, pro illuso illuzo, pro risi rizi: quod unde uenerit in nostram consuetudinem, non satis queo coniectare, quum Romani non uariant in huius literæ pronuntiatione: nec causam uideo mutationis, nec ab ullo ueterum tale quicquam sit traditum. Nec enim sa debet aliud sonare in musa, quàm sonat in salus: nec so aliud in uiso, quàm in solus: nec se aliud in uise, quàm in sedeo: nec si aliud in risi, quàm in sileo. Nec huiusmodi rei quicquam est apud Græcos, quibus & sonum suum perpetuo obtinet locis omnibus. L. Atqui quosdā audio pro simplici s, sonare geminum. V. Acque adeo scribunt quoties antecedit longa uocalis, ut in caussa & læssio. Ad eum modum scribere solitum ferunt M. Tullium. L. Fortassis hinc nata est uarietas. V. Fieri potest, quanquam reclamatione Romanorum consuetudo: at nos idem facimus, etiam si correpta uocalis præcedat, ut in nisi & miser. Quibus autem hic usus à pueris inolitus est, similiter peccant & in Græcis, sonantes μιζορ, pro μέσορ, & μουζα pro μουσα.

L. Video rem operosiorē esse, quàm putarā, emendatè pronuntiare. Verū nōdum explicauisti quo pacto sonandum sit ζ. V. Rectè mones, nam exciderat. & lingua ponē dentes superiores appressa profert lenē sibilum, qualem ædit serpens minitans & erectus, ubi quis imprudens propius ad nidum accesserit, unde litera s figuram habet eius animantis sibilum ædentis, & inflexo corpore deterrentis. Vnde & exhibilandi uerbum deductum. Huic sibilo accedit sonus η, sed.

SA

SO

SE

SI

Caussa

S

S

crassior, aut lenior potius. Quemadmodum in cæteris duplicibus sibilum antecedit habitus oris quo sonatur p aut c. Demiror autem quur hæc litera tantopere displicuerit Dionysio rhetori, qui tradit eum ferarum esse sonum, et uix homine dignum, quum Græci in plerisque dictionibus p uertant in c, sicut attigimus supra: rursum quoties incidit ꝑ geminum, malunt in geminum α uertere, pro γλωττα γλωσσα: pro ῥέπαιλος ῥεσπαλος, pro τὸ, σὺ sonantes. Nam si ideo displicet, quod hunc sonum à serpentibus didicerunt homines, displicere debet et κ, quæ ranaꝝ est et coꝝcycis: et β, quæ est ouium: et μ, quæ est bouum: et ο, quæ est asinorū: et ρ, quæ est canum rixantium: et α, quæ est puerorū uagientium. L. Atqui ne desit omnino patronus Dionysio, prisca Latini uidetur illam elidere soliti. Quod genus illud ex epigrammate quod refert Plinius in historia naturæ, Reginae Iunonis supremi coniugis templum. Item illud ex Ennii uersibus quos adducit Aulus Gellius,

Doctus, fidelis, suauis homo, facundus, suoque  
Cōtentus atq; beatus, scitus, secūda loquēs in Tēpore.

V. Quid mihi narras Ennios, quasi non idem hodie faciant in oratione soluta Galli, quod Ennius fecit in carmine: proꝝsus elidentes s, quum incidit inter uocalem et consonantem: in fine uerò sic obscurantes porrecta in immensum uocali, ut uix sentias, uelut in est et domnus, in quorū priorc, eliso s, sonant geminum, aut triplex potius eee: in posteriore, u, trium uocaliū habet spatium. L. At mihi uidentur uiri iusti pariter ac prudentes Hispani, qui quod Galli peccant in s, abunde pensant, nihil sine hac litera pronuntiantes,

Est  
Seigneur

ac sæpius eā in eandem dictionē insulcientes. V. Verra narras. L. Si ludere uacaret, dicerem Gallos, quoniam non assueuerunt sibilis ob serpentium illic raritatem, metu ac religione uitare literam, ne prouocatum cognato sibilo noxiū animal frequentius eò demigret. Contrā Hispanos, ut uiros fortes, et serpentium sibilis assuetos, adeo contemnere illos, ut etiā obsibilent, quo absterreant, quomodo solent quidam oppedere tonitruis. Quod si nunc in re etiā seria fas esset iocis indulgere, poterā et illud aduersus Dionysium proferre, quod matres ac nutrices hac litera, quam ille uipereā uocat, somnos acersunt infantibus. Sed mittamus et iocos, et recentiorum delicias ac fastidia: quot homines, tot sententiæ. Magis me mouet, quod priscis illis tantopere displicuerit, qui paræ literam hanc admiscuerunt, in tantum ut quidam totas odas conscripserint ἀσμίως, hoc est, nusquam admisto σ. Quin et Pindarus fertur hanc literam infamasse uersu, Περὶ μὲν ἡεπε χοινοπὴν φωνήεντα διδου ἐσμεῶν, καὶ τὸ σὺν κίεδαλον, αἰθρῶποι. Iam et illud admiror, quā ζ respondeat gemino sigma: in hoc enim uertunt Latini quur tantopere probetur eruditis, ut Quintilianus homo minime surdus, uix aliam putet spirare suauius, ut in Zephyris et Zopiris. L. Dicam quod uenit in buccam.

V. Ut lubet. L. Ipsa se mollit: ut quædam si modicè sumas lædūt, si copiose prosunt, ut de lactucis et testudinibus est proditum. quemadmodū n, in manna iucundius sonat, quàm in maneo: et m in mamma mollius est, quàm in lama. Tum uis literæ η, admixta temperat asperitatem sibili. L. Nihil absurdi loqueris. Superest f, de qua superius per occasionem nonnihil at-

tiguimus. Sed pleniorẽ explanationem data opera in  
 hunc distulimus locum. Et hanc quidam iudicaruunt  
 superuacaneam, scribentes philius, phacio, phacies:  
 mox ph, seruata est Græcis dictionibus, phama, Phae-  
 rhon, Phæbus, Philippus, Pamphilus: Latinis dicata  
 f, fœlix, facio, fibra. Quauquam ne hîc quidem satis  
 constantes sumus. Nam famam, fugam & furem per f Fama  
 scribimus, quum Græcis sint φῆμα, φυγή, φῶρ. Quod si Fuga  
 prorsus idẽ sonat f, quod ph, siue φ, constat literam esse Fur  
 superuacaneam. Rursus si nihil interest in sono, quũ  
 conuenit ut φ numeretur inter mutas, f locus datus  
 sit inter semiuocales? Ad hæc quid opus erat AEoli-  
 bus digamma, quum haberent φ: aut nobis quum sup-  
 peteret f? Fatentur enim omnes Claudium Cæsarem  
 iure addidisse digamma AEolicum, quod nostro f in-  
 uerso notabatur: ut cunq̃ue uicit consuetudo. Ad hæc, I  
 quum authores quidam tradant apud nos u conso-  
 nans, eam habere uim, quam apud AEoles habet di-  
 gamma: sequitur has literas sono uariasse, quandoqui-  
 dem constat u consonans, sonare diuersum quiddam  
 ab f. L. Sic apparet. V. Iam Priscianus non om-  
 nino malus author, scripsit nonnihil esse discriminis  
 inter ph & f. Quod euidentius facit Quintilianus li-  
 bro primo, referens iocũ Ciceronis ex oratione pro Fun-  
 dano, testem Græcum, opinor, irridentis, quod primam  
 eius nominis literam sonare non posset, phundanus di-  
 cens pro fundano. At M. Tullius magis erat irriden-  
 dus, si Græcum φ, & Latinũ f, nihil sono discrepant.  
 Idem Fabius libro, ni fallor, 12. commemorat hanc li-  
 teram Latinorũ inter eas, quæ parũ fœlicis sunt soni,  
 quod inter dentes effletur, unde fieri putat ut sermo

Latinus ne possit quidem ad iucunditatem Græcicæ pronuntiationis aspirare. Atqui si in hac litera paria faciunt Latini cum Græcis, ridiculum est quod Fabius hoc argumēto persuadere conatur, nos Græcis inferiores esse uocum suauitate. Adde his quod Terentianus docens huius literæ pronuntiationem, euidenter indicat discrimen inter ph, & f. quum enim docet aspirationem in initio uocalibus additam, aut consonantibus quatuor à tergo adiectam, non mutare literæ sonum, sed tantum aspirationis gratiam addere, Sotadeo metro sic rem explicat,

Quia non adicit literulis nouum sonorem,  
Sed Græcula quædā scholicæ nitela uocis. De f longe aliter loquitur: referam enim illius carmen,  
Imum superis dentibus apprimens labellum,  
Spiramine leni, uelut hirta Graia uites,  
Hanc ore sonabis, modò quæ locata prima est.

An nō hīc duplici nota discernit φ ab f? primum quòd in f, labium inferius apprimitur superioribus dentibus: deinde quòd spiritu leniore profertur, ueluti studio uitandi Græcam aspirationem, quæ est in φ, cuius sono labijs utrisque diductis spiritus uehementior erumpit. Et haud scio an probabile sit, percontatorem illum qui ex Amphione sustulit aspirationē, de quo supra meminimus, ex Amphione fecisse Amfionem, quæ admodum alter ille Græcus ex Fundano fecit Fundanum. Quæ si uera sunt, triplici uarietate distincta sunt, ph, f, & u consonans. L. Qua ratione possunt auribus discerni? V. In ph, magis stringuntur labia priusquam erumpat spiritus, is erumpit uehementior labijs ac dentibus latius diductis: in f lenius, dentibus



penè cœuntibus, & inferiore, ut dictum est, labro superioribus dentibus affixo, ut inter hæc litera uelut effletur: in u consonante, multo etiam mollius effertur aspiratio, quàm uel in p, uel in f, idque diductis & labijs, & dentibus in exitu uocis. Nunc auribus obserua sonos, & oculis os meum intuere. Dico pha, fa, ua. Rursum phama, facio, uado. L. Papæ manifestum uideo discrimen. V. Superest scrupulus, quid AEolibus sonuerit digamma, tum autem an hodie rectè sonemus u consonans. Primum ubi iaceo sonamus conflatis primis uocalibus, præter ia nihil audimus in sono noui. At quum idem facimus in uadit, uelo, uino, uolo, uulnus, aliud quiddam sentiunt aures. Sonat ia, duabus syllabis. L. Ia. V. Contrahe. L. Ia. V. Fac idem in ua. L. Vã. V. Contrahe simili modo. L. Sentio sonum primæ syllabæ in nostratibus uerbis, quum dicimus, uigilare, molle, unum, & habitare. V. Vna igitur nobis deest, si recta est horum temporum pronuntiatio. L. Dic clarius. V. Inter ph & f, nonnihil interesse in confesso est. L. Est. V. Inter f uerò & u consonans multum interesse res ipsa loquitur. L. Ut nos quidem sonamus. V. Atqui quum Batauus sonat album aut latum, aliud audis ui, quàm quum Latine dicis, uide: rursus aliud quum Batauus dicit percontari, aliud quum ulcisci, aut stringere. L. Rectè. Verum id scribunt per geminum ui. V. Nimirum differentia causa. Nam & illis est u consonans eo sono, quo Latine loquentes efferimus, ueluti cum dicunt, pinguem, aut similitatem. Contra quum dicunt scito aut legem. Alioqui quæ uocalis duplicatur initio dictionis, nisi mutet naturã? Nunc accipe & illud argumētum. L. Hic

V consonans

WacKen

Weeck.

Wyn

Wonen

Wit

Wijt.

uraghen

Wracken

Wringhen.

uet

ueet.

Wet

Weet.

sum. V. Quum grammatici diligenter indicent affinitatem literarum inter ipsas, ueluti quum pro i, ponitur u, ut in optumus: pro aspiratione f, ut in fordeo pro hordeo: pro s, t, ut in mertare & pultare: pro u, o, ut in dicont pro dicunt, ac similibus innumeris, nusquam mentionem faciunt affinitatis inter f & u consonans, tanta est soni uicinitas, ut si paulo lenius sones f, fiat u: si paulo pressioribus labris u, fiat f. L. Non leue, per musas, argumentum. V. Ad hæc apud Aulū Gellium libro XIII. cap. 5. grammaticus ubi præscripsisset legem, per quam nomina desinentia in u, si proximè antecederet i, uocandi casum inflecteret in i, non in e, ut egregius egregi, quæadmodum Virgilius Virgili. diuus, riuus & cliuus, & huius generis alia hoc lemmate excepit à regula, quoniam non simpliciter desinerent in us, quemadmodum Virgilius, sed etiam quæ per duplex u scribitur, ad cuius literæ sonum declarandū repertum esset digamma AEolicum. Quod si id tum sonabat, uis in riuus & cliuus, quod hodie nobis, nihilo magis erat opus exceptione in riuus, q̃ in Rufus, quum esset manifestus consonantis sonus ante u posterius. L. Persuades aliū fuisse sonum. Quid igitur censes? V. Censor esse non ausim, at diuino ueteribus propemodū sonuisse f, quod Græcis sonat φ, & quod hodie f sonat Phrysonibus: sonāt enim asperius, quàm nos, qui & u consonam propemodum sonant uti nos f, ueluti quū dicunt, muscam, uolare, inuenire, quæ nos per u consonans sonamus lenius. Porro u consonans sonuisse, quod apud AEoles & Claudium Cæsare digamma. Id denique propemodum sonuisse, quod apud nos hodie sonat w genuinū. Nam quod in uulgata pro-

Vocatiuus  
in i.

Egregi

fliech  
flieghen  
fresen

nuntiatione, u consonans sonamus aliquanto lenius, quam f, apparet ex iisdē delicijs ortum, quæ pro εμ-  
 ποπος, sonant emboros: & pro βίβει, uini. L. Quibus  
 indicijs isthuc colligis? V. Ex ijs quæ iam commemo-  
 ravi, tum ex linguæ nostratis uestigijs, quam constat  
 Græco Romanoque sermone permixtam esse. Innume-  
 ra sunt locorum uocabula à uico dicta, ut quum dici-  
 mus, comitis uicum, pastorum uicum, fontium uicum,  
 in quibus ultima scribitur per w duplex. unde colligere  
 licet quid olim sonuerit Latinis u consonas in ui-  
 cus, uanus, & uiuus. L. Verisimillimū est quod nar-  
 ras. V. Item quum uulgata lingua nominas uinum,  
 deprehendis quid in uino sonuerit prima syllaba. Idē  
 arbitror esse quum dicimus uiolentiā, quanquam cor-  
 ruptis, ut solet, literis aliquot. Rursus quum pro uaca-  
 re dicimus uigilare, & quum sonamus uentū & uen-  
 tosum. Similiter quum apud nos uelut euanescaūt u, illi  
 scribunt per geminum w, ut quum dicunt graue, iu-  
 rare, uexare, fatuum, duos. Nam apud nos pluribus li-  
 teris additur, quā apud Latinos. Contra quū apud  
 Latinos habetur f, Phrysones & Angli quidam uertūt  
 in f, nos in u consonans, ut hodie sonant Latini, uelut  
 influere, fluctu, pisce, & similibus innumeris. Nam in  
 pisce, & hinc deriuatis, p tenue mutauimus in ph, pro  
 qua scribebant f: nos rursus f uertimus in u consonas,  
 ut nunc quidem profertur. L. Certa narras, mira ta-  
 men, & haud scio an omnibus credenda. V. Hinc  
 est quod Germani spirantiores, Latine loquentes con-  
 fundunt interdum has literas, u consonans & f, quum  
 efferunt conuidit pro confidit, & fideo pro uideo. Nec  
 mirum uideri debet, si quod tradidimus non est per-  
 h. i.

CōtWycK  
 harderWycK  
 BruynfWycK

GheWelt  
 Walzen.  
 Wint  
 Windich.  
 Swaer  
 Sweren  
 QWelen  
 Dwaes  
 Twee  
 vloyen.  
 vloet.  
 visch.

petuò uerũ, sed fallit in quibusdam dictionibus, quum non ignores quanta sit sermonis uulgo crediti uolubilitas & inconstantia. L. Cætera facillè corrigentur, nimirum ut aliquo discrimine sonemus f, in filius: & ph, in Philippus. Cæterum illud durum, si quis pro uanus sonet wanus, aut pro riuus, riwus, atque itè in cæteris, quæ per u consonans efferuntur. V. Nec est necesse, ut prorsus exprimamus uulgatam Germanorũ pronuntiationem: satis est si paulo longius recedamus à sono f, & aliquanto propius accedamus ad sonum u uocalis. Nam inter f, & u consonans fuisse dissonantiam euidentiorẽ, quàm nũc est & illud arguit, quòd nusquam altera in alterius uicẽ succedit, quod tamen in cæteris fit passim, inter quas uel tenuis intercedit cognatio, uelut in βούλωμαι & uolo: rursus in eo quo ueteres, teste Fabio, pro hædo dicebant fœdus, pro hordeo fordeum. Verũ non occurrit ubi uel f mutarine in u consonans, uel u consonans in f. L. Nondum a minimum omnibus scrupulis liberaasti. Veteres qui meminerunt de digamma AEolico, ueluti Quintilianus, Priscianus, Aulus Gellius, & ni fallor, Victorinus, exẽpla proferunt, in quibus u antecedit seipsam, ut in uulguſ & seruus, riuus & diuus. Quòd si litera AEolica non alibi locum habet, quid sonabit u, in uanus, Venus, uino, & uolo? V. Et in his eundem sonum indicat epigramma, quod Ioannes Tortellius, uir suo seculo magnus, Romæ sibi usum fuisse testatur, in quo bis fixit, scriptum erat pro uixit. L. Nil miror, fortasse Germanus quispiam aut Phryso posuit: quasi nos Romæ non deprehenderimus in huiusmodi monumentis insignes solæcismos. V. Atqui non sic elaberis, ô bone,

Terentiani uersus audi,  
 Ut uade, ueni, uota refer, teneto uultum:  
 Creuisse sonum perspicis & coisse crassum,  
 Vnde AEolijs litera fingitur digammos.  
 Quæ de numero sit magis una consonantum,  
 Vocalis in istum mage, quàm uersa sit usum.  
 Audis hic in exemplis ua, ue, ui? quo minus autem po-  
 suerit ui, metrũ obstitit, quanquam dicere poterat, ui-  
 deto uultum, atque in his u mauult esse nouam lite-  
 ram AEolicam, quàm ex uocali mutatam. L. Nondũ  
 exemisti scrupulũ. Præ A. Gellio & Quintiliano con-  
 temnere possem Terentianum: & quod aut de digam-  
 mo, potest ad ultimum exemplum pertinere, uidelicet  
 uultum. Nam epigramma nihil me mouet. Auli Gellij  
 sententiam retuli, Quintiliani uerba subtexam: No-  
 stri, inquit, præceptores, æruon seruónque u & o lite- Ceruon  
 ris scripserunt, quia subiecta sibi uocalis in unum so- Seruon  
 num coalescere & confundi nequiret, nunc ui gemi-  
 na scribuntur, ea ratione quam reddidi, neutro sanè  
 modo uox quam sentimus efficitur. Nec inutiliter Clau-  
 dius AEolicam illam ꝑ ad hos usus literam adiecerat. ꝑ  
 Ex his Quintiliani dictis perspicuũ est, fuisse quẽdam  
 sonum quem nec ꝑ redderet Græcum, nec f Latinum,  
 nec u consonans. Rursus constat u consonans aliud so-  
 nuisse in uado, uenio, uideo & uolo, quàm in riuus  
 aut seruus: & hunc sonum Latinis literis notari non  
 potuisse: eoque peregrinam literam à uicinis AEolibus  
 mutuo sumptam, quam δῖαμμοι appellauit: quæ ne ui-  
 deretur eadem cum f Latina, inuersa est ꝑ. Ea loco  
 utriusque u, ponebatur in seruus, nec aliàs uidetur ha-  
 buisse locum. Nos autem nihil discernimus u consonan-  
 h.ij.

tem, siue præcedat u, siue alias uocales, etiam si hoc  
 discrimen Quintilianus significat fuisse perquam te-  
 nue, sentimus, inquam, & tamen erat aliquod cuius  
 gratia Romanus Imperator putarit literam aliunde  
 accersendā. V. Sic urges, quasi meditatū ad hoc cer-  
 tamen accesseris. Cogemur itaque quartum addere so-  
 num, phu, fu, uo, uu, ut ph in phugz spiritum obtineat  
 Græcicum: f in fundo flatum Latinum: u in uolo  
 crassius quiddam quàm f: u, in seruus longius absit  
 à sono f, quàm u in seruos, ac propemodū sonet, quod  
 apud Barbaros & olim sonabat u geminatum. Qua de  
 re satis, opinor, antè disertum. L. An satis nō liquet?  
 Nam Victorinus tradit AEolicum digamma eandē esse  
 literam quam Hebræi dicunt Vau, eamque respondere  
 nostræ u consonanti. sed libet quod in scholasticis dis-  
 putationibus solenne est dicere, acquiesco, quo reliqua  
 peragas. V. De g igitur dictum est, inter illius cognæ-  
 tas De h propemodum conuenit inter grammaticos, ē  
 literarum catalogo iure submouendam esse, nihilōque  
 iustus uideri ut inter literas numeretur, quàm si a-  
 pud Græcos spiritus toniue nota in literarum ordinē  
 accerseretur, quum interim, inuitis grammaticorum  
 centurijs propè dixerim, regnet in medijs literis, præ-  
 posita uocalibus lenius sonans: rarius enim postponi-  
 tur in aliquot barbaris & interiectionibus, ueluti in  
 ah, uah, oh, & proh, non sine rixa tamen grammatico-  
 rum, cauillantium id per apocopen fieri, quum inte-  
 græ uocæ fuerint, aha, uaha, ohe, & prohe: alijs dicen-  
 tibus nihilo magis præcipi posse quomodo scribendæ  
 sint interiectiones, quàm præscribi potest alienis affe-  
 ctibus, quorū illæ sunt notæ: consonantibus uerò post-

posita uehementius sonat. Postponitur autē c, t, p. Semper autem p apud Græcos, si consonans hæc sit uocis initium, rursus in medio geminatis pp, additur posteriori, ut in choris, thymum, phyllis, et rhetor, et catarhus. Nec rarò medijs uocalibus interseritur, quo sonus sit uegetior. Siquidem Aulus Gellius citat peruestos codices, quos existimabant fuisse Maronis αὐτογενέους, in quibus ut se uidisse uersum hunc ex secundo Aeneidos libro,

Exultat telis, et luce coruscus a<sup>h</sup>ena.

Ahena

ita fuisse scriptum, ut supernè inter a et e, h litera fuerit annotata, a<sup>h</sup>ena. Simuliter in illo uersu,

Et folijs undam tepidi despumat a<sup>h</sup>eni.

Quod idem in nihil et mihi factitatum, iam prius admonuimus. Adeo uerò non est supernacanea, ut AEolū exemplo Latini quoque huius uice subiiciant f, dicentes, ut modo dictum est, pro hordeo fordeum, et pro hædus fædus. Latini in Græcis usurpandis non rarò uertunt in f, quum pro i dicunt sus, pro ὑπερίος superbus, pro ἑπτὰ serpo, pro ἑπτά septem, pro ἑξ sex. ἑξ sex

L. Mirū istos adeo contempsisse spiritum, quum uideamus et arbores diffringi, et tecta subuerti, et mare intumescere, et terræmotus cieri spiritu. Verū illud adde quomodo promædus hic flatus? V. Quid ni supernes? L. Non hinc ambigo, quanquam et ructus supernè erumpit: sed quibus, et quomodo temperatis organis? V. Id in arteria, musculis, et faucibus situm est, tam morigeris, ut animo nonnunquam aliud agenti tamen obsequantur. Puer uirilem uocem ædere non potest, sicut nec mulier, nimirum ob angustiam transitus. At uir constrictis musculis, quum libet, uocem



ædit puerilem. Et alioqui contractis aut dilatatis faucibus et arteria pro suo arbitratu, magis exilem aut grandiore enutrit. Nec igitur summus labris ædendus est flatus, qualem solent qui pultem plus æquo feruentem refrigerant: nec ab umbilico duendus, ut solent Germani quidam, tantum efflantes uenti, quantum molæ farinariæ circumagendæ sit satis: sed moderatè proferendus è faucibus, neque fatigandus pulmo, uelut in spiritosis ac labore anhelis. Sunt enim in quos illud è satyra possis dicere, Tunc immensa caui spirant mendacia polles. Et sunt rursus qui moleste ferant sibi inhalari spiritum alienum, qui nonnunquam obolet allium, cepas, aut salsamenta, aut polypum, ut absit scabiei contagiosæ, aut pestilentiae, alteriusue morbi periculum, quum nullus sit facilius, quàm per halitum transitus. L. Vnde mihi uidetur modestiæ causa natum, quòd quidam ore presso loquuntur, quæ res apud Gallos mulierculis uersa est in iocû oris pusilli.

V. Ab eadem modestia natum arbitror, quòd olim oculis semiclusis inuicem intuebantur. Id indicant picturæ nostrates ante annos ferè centum æditæ, tali forma nobis exhibentes, si quos intelligi uolunt ab improbitate uehementer alienos. L. Emoriar, nisi istuc in picturis mediocri antiquitatis sæpenumero miratus sum. V. Verum ut hoc ineptum sit, tamen est in oris et oculorû diductu quædam decora mediocritas. Me puero sese sic stringebant mulierculæ, ut insectas diceres. Ea res quum esset inepta, uidebatur cum primis elegans, simulque quod erat consequens, uerecundû habebatur, quàm minimum sibi capere. Ad id enim confert mediû corporis strictura. At è diuerso parum de-

corum est mulierem disinctam uideri.

Virtus est medium uitiorum utrinque redactum.

Idem obseruandum in diducendo rictu, in dilatandis faucibus, in promiendo spiritu. Peccant qui nihil aspirant, peccant qui aspirant omnia, peccant qui lenius, quàm sat est, peccant qui plus satis, sed grauissimè peccant qui præposterè id faciunt. Nec quiuus flatus est aspiratio literaria: concitatus, anhelus, aut qui procul semotis loquitur, ut solent nautæ rusticique, maiore spiritu loquuntur, quàm qui cū proximis confabulatur. Verùm hoc nihil ad grammaticum. Alioqui nullius literæ sonus absque spiritu pronutur. De spiritu satis uidemur nugati. Addamus his, si uidetur, reliquas semiuocales, l, m, n, et r: inter quas, p Dionysius Συναγορεύων appellat, quum sit asperioris soni. Nam linguae fastigio in palatum superius uibrato tremulis ictibus fragorè reddit, qualem audimus in lapide magno impetu perpulso funda, aut iaculo balista excusso, aut baculo uirgæue celeri motu per aërem acto. Vnde in dictionibus, quibus celeritatem, impetum, aut asperitatem significare cupimus, hanc literam admiscemus, ueluti Græcis in πείρ, πίπν, κρούω, χυμᾶρρος, τρέχω, τρέχεις, ῥυμος, βρέω: Latinis in rapio, ruo, roto, fulgur, tonitru, torrens, ructus, horror, fremo, frendo, strido. L. Itane uoces ad rerum quas significant, similitudinem effictæ sunt? Arbitrabar fortuito natas, aut certè pro arbitratu instituentium repertas. V. Imò referunt ipsis elementis, ipsoque sono quod significant: uerùm nihil est necesse rē totam, ut est, uox repræsentari, satis est aliquā similitudinem apparere: quæ si non appareat, tamen aliquid causæ subest cur huic rei uocabulū hoc sit im-

positum. Bellum, apud nos ominis gratia blanda uoce sonatur, quemadmodum apud Græcos Furiae dicuntur Eumenides. Ita qui lenitatem aut lenitudinem declarant, amant l, ut Græcis λείος, λείχρ: Latinis, lētus, labi, lenis, lubricus. Quæ uerò magnitudinē, m, qua nulla spatio maior litera, gaudent, ut Græcis μέγας, μακρός: apud Latinos, magnus, mons, moles. L. Quur igitur leonem dicimus potius, quàm reonem? V. Vel omnis causa, uel quia in longum porrectum est animal nullius proceritatis. L. Si uera narras, oportebat cuiuslibet rei in quauis lingua idē esse nomen. V. Nihil est necesse. Quum enim sufficiat qualiscunque rei representatio, potest eadem alijs atque alijs modis effingi, ueluti quum Græcè dicis χείρω, Latine hio, Batavice ghapen: in singulis sentis expressam oris diductionem. L. At quur μακρόν ἔσται μικρόν, quum diuersa significant, eandem habent consonantem? V. Affinitas inter contraria poscebat hoc, sed per a, quod ample sonat: ἔσται, quod exiliter, notatur discrimen. Ad hæc quoniam eiusdem rei multæ sunt qualitates, satis est si ab una quapiam harū sumatur uocabulum: nec absurdum sit, si res eadem lingua pluribus uocabulis signetur. Verūm satius est ut hanc disputationem in aliud tempus reijciamus, uel quia uix habet exitum argutatio, uel quia ad id quod instituimus, nihil habet momenti. Alias dabitur otium si libebit. L. Tuo arbitratur: sed absolute quod orsus es. V. De l dicam. itaque si linguam ualidē tendas in eam palati partem quæ dentibus supernis est proxima, mōxque diducas os, erumpit blandus ille tinnitus, sonantior tamen in medio ac fine, quàm in initio dictionis, ut sol, mel, uolo, le-

L

go, nisi quum finit syllabam, ut soluo, saluus. M uerò, M  
compressis inter se labijs, mugitum quendam intra oris  
specum attractis naribus ædit, sonantissima in medio  
duplicata, ut mamma: in fine prorsus obmutescens, un-  
de *μῶζεν* dicuntur Græcis, & Latine *mussare*, qui ta- Mussare  
cite loquuntur, nec audent uocem clarā ædere. Hinc  
& mutum dixerūt Latini. Superest n, quæ ad palati Mutus  
conuexum inherente lingua, gemino naris & oris spi- N  
ritu uocem explicat, maxime tinniens in medio gemi-  
nata, & in fine dictionis, aut syllabæ, ut in manna,  
mandragora, & nomen. Vnde & tinniendi uerbum Tinnire.  
Latinis, elementi uocem exprimens, fortassis & gan- Gannire.  
niendi. Docet autem Fabius, olim diu fuisse rarium se- Consonantes  
minuocales duplicare, ut in alijs, lallare, Tullius, man- antiquis nō  
na, sanna, & curro: & probabile est ueteres sic fuisse geminatæ.  
loquutos ut scribebant. Nam eam rationem Quanti-  
lianus indicat optimā, ut ita scribantur dictiones, quæ-  
admodum sonantur. Contra uocales, ut dixi, produ-  
ctas geminabāt. L. Istō pacto Gallos uideo posse de-  
fendi qui palium dicunt pro pallio, mama pro mam-  
ma, sana pro sanna, anum pro anno, panum pro pan-  
no, torens pro torrens. Quauquam hoc non in liquidis  
tantum faciunt, ex concursu quarumlibet consonan-  
tium aliquam elidunt; aut certe obscurant, dum capa  
dicunt pro cappa, lipus pro lippus, batus pro battus.

V. Ridiculū sit nunc in nostram pronuntiationem  
adsciscere, quæ Ciceronis etiam ætate erant obsoleta.  
Nec minus tamen peccant, licet diuerso uitio, qui pro  
simplicibus sonant geminatas, comma pro coma, com-  
medo pro comedo, communus pro coninus, collo pro co-  
lo, bonnus pro bonus, curro pro curo, rippa pro ripa, pe-

ne pro penne, pro anus annus, camellus pro camelo, mustella pro mustela, suadella pro suadela. Si uetustas patrocinator errori, antiquum est & hæc ita sonari. Etenim ni fuisset hic error, Victorinus non rixaretur cum suis discipulis, quod in his dictionibus consonantem perperam geminarent. Quanquam idem auctor indicat, consonantem duplicandam sicilica notula signari solere, quæ cuiusmodi fuerit, nec mihi satis liquet, nec refert, quum is scribendi mos iam olim exoleuerit. Nihil, opinor, superest præter *y*, qua Latini nō utuntur, nisi in Græcis dictionibus, sonum illius fuisse medium inter *i* & *u*, Gallico more pronuntiatum iam indicauimus. Vnde non defuerunt, quorum est Victorinus, qui *y* literam nobis necessariam esse iudicarūt, in gyla, mysera, proxymus, optymus, sylia: pro quibus nos gula, misera, proximus, optimus, & sulla sonamus, quanquam sylia est usitatus. L. Utinam libeat & illud addere quod solent literarū doctores. V. Quidnam? L. Ut exemplo proposito præceptiones, uelut in speculo nobis ostendas, exigasque num satis uel intellexerim, uel meminerim, quæ tam multa differuisti.

V. Nihil grauabor: uerū id lingua fieri nō potest, nec est unde petamus calamus, atramentum, & chartas. L. Imitabimur ueteres pastores, qui teneris arborum corticibus inscribebant suos amores, spina, opinor, utentes pro stylo. V. Non commitemus ut cuiquam in nos damni dati sit actio. Est mihi uagina recens, ac uersuum aliquot capax, & stylus adest, quam non in hūc usum paratus. L. Utinam sic abuterentur omnes suis armis. V. En scribo.  
Optimā quæque diēs miseriis mortalibus æui,

Prima fugit, subeunt morboi, tristiſque ſenectus:  
Et labor & dirai rapit inclémentia mortis.

Nunc audi pronuntiantem, oculis in uaginam defi-  
xis, auribus ad uocē attentis. L. Adsum, ſona. V. Vi-  
des & audis in Optima primam longam & acutam. Optima

L. Natráne, an poſitus? V. In hoc loco nihil re-  
fert, quandoquidē tonus eſt in antepenultima. L. Re-  
cté. V. In ſecunda ſyllaba ti, audiſtine ſonum mediū  
inter i & u Gallicum, quēadmodū in heri? L. Pla-  
né. V. Tertiam uides breuem, addita ueluti ſemicir-  
culi nota, ſurſum porrectis cornibus, ne putetur auferē  
di caſus. L. Video, ſed quur media non habet notā?

V. Quoniam accentus arguit illam eſſe breuem, La-  
tinis duntaxat. L. Quur in quēque, prior habet Quēque  
circumflexum? V. Quoniam natura longa eſt, nimi-  
rum diphthongus, & ſyllaba ſequitur natura breuis.

L. Quin hīc addis notam productionis? V. Quo-  
niam tonus ipſe demonſtrat eſſe porrectam, qui niſi  
in longis non habet locū, idque uel in fine, uel in pro-  
xima finali. Eadē de cauſa, quæ, nullam habet notam,  
quoniam inflexus accentus in eadem dictione non an-  
tecedit niſi natura breuem. L. Sed præſtat ut tu me  
perconteris. V. Agam, ſi lubet, grammaticum: tu di-  
ſcipuli perſonā ſuſtine. L. Hoc ſanè malebā. V. Dies Dies  
quur priorem acuit? L. Quia ſequitur natura lon-  
ga. V. Adde, & præcedit breuis. Quoties enim ulti-  
ma natura longa eſt, non refert qualis ſyllaba præce-  
dat: ſecus eſſet ſi prior eſſet longa, non poſitione, ſed na-  
tura. Nunc ſona mihi poſteriorē ſyllabam, es. L. Dies.

V. Probé, quaſi ſit geminum ee, & ſono Gallico. At-  
qui uulguſ nō diſcernit æs in eo unde eſt æris: in dies

Miseris *Et* fames, ab es à sum. Quur in miseris prima acuitur? L. Quia penultima natura brevis est, eoque notam non habet. V. Rursum sona mihi miseris. L. Miseris. V. Senti sine te hîc bis peccasse? L. Quî? V. Prîmî se, non oportebat aliud sonare inter duas uocales, quàm sonat in sedere. L. Exciderat. V. Deinde ris, sonandum erat ueluti duplicato ÿ, quemadmodum sonas Batavice glaciem. Nunc denuo sona. L. Miseris.

ips Mortalibus V. Pulchrè. Sequitur mortalibus. In mor, quam uides notam? L. Brevis, *et* eius notula dimidiû. V. Quid sibi uult? L. Quia syllaba mor, positu longæ est, non natura. V. Vnde id doces? L. In promptu est, quum dicimus emori. V. Quid in tâ? L. Virgulam iacentem, quæ doceat naturam longam. V. Quur præterea nihil? L. Quoniam syllaba non desinit in consonantem, eoque non habet nisi duo tempora. V. Li, quur nullam habet notam? L. Quoniam accentus præcedens indicat esse breuem. V. Quid si dicas mortalis? L. Circumflectam tâ, natura longam, sequente lis natura breui. V. Quomodo sonas bus? L. Non u Vuesphalico, sed Gallico, nisi quod non itidem porrigo labra, neque profero sonum. V. Docilem agis discipulum. AEui, quur priorè non circumflectit, sed acuit?

AEui L. Quoniâ sequitur ultima natura longæ. V. Quid si positu tantum esset longæ? L. Circumflecteretur. V. Da exemplum. L. Ut si dicas æuûm. V. Hîc natura brevis est posterior, ut in Sorex. L. Sôrex.

Prîma V. Prîma, quur inflectit tonum? L. Quoniam natura longæ sequentem habet natura breuē. V. Quid si dicas, prîma lucæ? L. Aquam primam, *et* m̄a addam uirgulam, prîmā. V. Quanquam *et* hoc super-



nacui aequè atque in breui: sed fugit, quur acuit prior- Fugit  
rem? L. Quoniam brevis natura breuem præedit.

V. Quid si dicas fugit heri? L. Inflectam fû. V.  
Quur? L. Quoniam natura longa proximam habet  
natura breuem. V. Quur prior morbi, caret nota Morbi

breuis? L. Quia producitur. V. Quin igitur addita  
est nota porrectæ, sed brevis et semis? L. Quia po-

situ longa est, non natura. V. Quur prior acutum ha-

bet potius, quàm inflexum? L. Quia et ipsa positu  
longa est, et sequitur natura longa. V. Vnde scis esse

positu longam? L. Quia deduci uidetur à morien-

di uerbo. V. Quid sibi uult diphthongus in postero-

re? L. Ut discernatur à genitiuo singulari. V. Tristis- Tristis que

que, quur priorem habet circumflexam? L. Quoniã  
natura longa est. V. Verum, sed sequitur longa. L. Po-

situ, non natura. V. Vnde tonus alter? L. Ex què  
coniunctione, quæ proximam è graui facit acutam, quod

idem faciunt ne et ue. V. Senectus, uides longè aliud Senectus

sonare ultimam, quàm in mortalibus. L. Quidni ui-

deam? Hic Gallos imitor excepto tono. V. Et, quur nul- Et

lû habet accentum? L. Opinor quòd ut coniunctiun-

cula adhæret illi quod connectit, quod idem accidit in  
nonnullis præpositionibus quæ sic annectuntur suis ca-

sibus, quasi sit unica dictio, ut in armis, in bello, ex ædi-

bus. Item in dissyllabis, ut super omnia, præter omnes,  
antediè. Nam in uetustis codicibus etiã scriptura con-

iungit hæc. V. Commodus es discipulus qui uicissim  
et doces. Quid si labor inflexisses? L. Iam ex nomi- Labor

ne fecissem uerbum. V. Dirai cur acuit priorem? Dirai

L. Quia longa natura præedit longam. V. Quis sic

igitur ut Græci circumflectant μῦσιν. L. Quia ay

Mortis

Et oī in fine dictionis pro breuibus habentur, duntaxat quod ad accentus rationē attinet. Ea lex non est apud Latinos. V. Quur igitur non scribunt μοῦσας inflexé? L. Obstat addita consonans. V. Quur in dirai, pro æ scriptum est ai? L. Vt distingueres genitiuum à nominatiuo plurali. V. Quum, mortis, longam habeat ante breuem, quur non inflectitur prior?

L. Quia positu longa est, non natura. V. Vnde id coniectas? L. Quoniam à Græco μόρος, Et inde mori, ut antè dictū est. V. Nunc rursus, si libet, auscul- ta me sonantem hos uersus,  
Optima quæque dies miseris mortalibus æui,  
Prima fugit, subeunt morbi, tristis que senectus:  
Et labor, Et dirai rapit inclementia mortis.

L. Auscultaui non oscitanter. V. Primum, animad- uertisne quasdam productas sonare tono acuto, ut æui: quasdā inflexo, uelut in prima Et tristis. L. Sēsi dis- crimen. V. Deinde breues aliquot acuto tono, ut dies, miseris, fugit, labor, rapit. L. Qua in re peccant La- tini quum Græca pronuntiant? V. Nec illud te fugit, me aliquāto productius sonuisse natura, quā positu longas. L. Sensi: uerūm admonuisti, subtile discrimen hoc non seruari in metris qui suis currunt legibus.

V. Et in quæque, sensisti elidi u, licet non penitus?

L. Sensi Et hoc. V. Iam in æui, duo sensisti, Et diphthongi uestigium, Et sonum AEolicæ literæ. L. Sensi tenue quiddam. V. In prima fugit, arbitror animaduertisse te discrimē inter inflexum tonū Et acutum. L. Non hīc tantum. V. Quin in, subeunt, non te latuit, opinor, aliud sonare u, quā in mortali- bus Et senectus. L. Videbar audire ou diphthongum.

V. Itidem audis in sunt, legunt, audiunt. Evidentius erit discrimen, si tollas liquidā, et sunt uertas in sutor, et eunt in uter. L. Papæ, quantum interest? V. Verum hoc, ut antè dictum est, fortassis excusabit uetus quas in huiusmodi ont pro unt solet scribere, legunt, cupiont. Rursus in optima, deprehendisti o semoueri a pt. Sic efferunt Itali, nec liquet quam ob causam, quum sint duæ mutæ. Et incertum an ab opto deducta uox sit, nec satis constat naturæne producatur prima an positu. L. Quid igitur? V. Eas in quibus nec ipsa uocalis, nec diphthongus, nec cognatio dictionum dissoluit ambiguitatem, pro natura longis habemus, quemadmodum in tristes. L. Pergratum feceris vrse, si Græcum distichum tantum, ad eundem modum excusseris. V. Est disticho locus, en tibi carmen Hesiodi,

Αἰδῶς ἢ ἐκ ἀγαθῆς κεχρηµένον ἄνδρα κοµίζεις,

Αἰδῶς ἢ τ' ἄνδρας µέγα σίνεται, ἢ δ' ὀνίντοι.

Nunc oculis observa scripturam, uocem auribus.

L. Istic sum.

Αἰδῶς ἢ ἐκ ἀγαθῆς κεχρηµένον ἄνδρα κοµίζεις,

Αἰδῶς ἢ τ' ἄνδρας µέγα σίνεται, ἢ δ' ὀνίντοι.

L. Nouum pronuntiandi genus. V. An non alium audis sonum in αι, quàm in κε, aut in µι? L. Quid ni audiam, ni surdus sim? V. Audis propemodū eam uocem, quam ædunt Sueui sonantes Cæsarem suæ lingua. L. Maximè. Nec a prorsus, nec i prorsus, sed tamē utranque agnosco literam. V. Deinde in αἰδῶς, audis ἢ aliquanto sonare crassius, quàm d uulgo sonant Latini. L. Planè. V. Ad hæc in αἰδῶς, non ἵτις idē sonat os quod in ἰδῶς. L. Audio longam ex dua-

bus oo minutis conflata. V. Quid in οὐκ? audisne Gallicum u? L. Minime. V. Italicum? L. Non. V. Vuesphalicum? L. Propemodum, nisi quod o magis resonat, ut quum nos dicimus frigidum. V. Quid in η? L. θ̄ feliciter aspiratum, et pro n, propemodum a Zelandicum. V. Quur δὲ grauatur potius, quàm acuitur? L. Quoniam sensus nullam ibi concedit interpirationem. Alioqui transisset grauis in acutum.

V. Quid in κε? L. Idem ferè sonat x quod in κομίζει, nisi quòd lingua nonnihil lente scire uidetur ad γ. V. Tantulum sanè dare fas est consuetudini. Nec te fugit hìc κε pràter naturam suam porrigi, quòd à muta liquidàque excipitur. L. Teneo. V. Nec ideo produci μē, quòd habeat tonū acutum. L. Vtranque corripis ἄπορ, priore clarius sonante, posteriore summissius. V. Quur in ἀπορ prior acuitur potius, quàm inflectitur, ἀπορ? L. Quoniam positu longa est, non natura. V. Atqui Homero est ἀνὰρ. L. Sat est alibi corripì, ut hanc legem effugiat. Nam in ἀνὰρ, a breue est. V. Iam in κομίζει, nōne aliud sonat uocalis penultima, aliud diphthongus ultima? L. In ζεῖ audio sonum ex ε̄ et ι conflatum. V. Atqui nostro uulgo nihil distinguitur inter η, χεν, μ̄ et ζεῖ. L. Sic est.

V. In altero carmine, in ἦτ̄ rursus audis a Scoticum, et in οἶνον pràter η̄ et iota quod suo utcumque sono dignoscitur, quum nos confundere soleamus, et nihil aliud sonat, quàm in οἶνον: alijs sonaturis οἶνον?

L. Memini. V. Nec ideo corripio penultimam η, quòd pràcedat acuta breuis, quemadmodum nec in μ̄ε̄α priorem porrigo, quòd tono intendatur, non extendatur. L. Nihil emdētius, siquis assuescat. Idemne

satis disertum est, quod attinet ad rectam pronuntiationem? V. De rhetorica pronuntiatione non institueramus dicere: de grammatica non ita multum arbitror superesse, si iunxerimus distinguendi rationes. Nam et in his peccat vulgatus usus. Nec iam loquor tantum de incis, quæ commata vocant Græci: de quæ, mēbris, quæ cola nominant: et de periodis, quæ conclusiones aut circumacta dicas licet: de quæ notis horum si scribas: silentij modis, si pronunties: uerum etiam de morulis respirationū, quæ tradi arte non possunt: quandoquidem nec in illis tradendis admodū consentiunt grammatici, nec perpetuū est quod tradant. Nec enim semper æquale silentium dirimit comma à commate, nec colon à colo: nec quauis periodū sequitur æquè prolixa respiratio. Quoties enim articuli constant singulis uerbis ἀνωδέτως, neque nihil, et minimū moræ debet interponi, ut, Veni, uidi, uici. Sim duabus ac pluribus uocibus, plusculum interponitur moræ, ut, Rem familiarem prodegit, famam prostituit, genus dehonestauit, amicos alienauit, patriā prodidit. Hic commatum cursus quidam, et congeries est. Rursus quum prius comma proponitur uelut à percontante, et posterius accinitur uelut à respondente, paulo longius silentiū intercedet, ut, Quæ tandē spes est illum fore frugi? Num pudor corrigit? Iam pridem depuduit. Amicorum consilia? Ne parentibus quidē unquam auscultauit. Aetas grandior? Ea semper addidit nequitia. Interdum ipsa incisa habent leuem incisionem, uelut in illo Musonij dicto, Siquid turpe feceris cum uoluptate, uoluptas abit, turpitudine manet. Siquid honestè feceris cum labore, labor abit, honestas manet. Hic quanquam in utroque

Distinguē-  
dæ oratio-  
nis, et mo-  
rularū in-  
terlegendū  
faciendarū  
ratio.

membro, post uoluptate & labore est diastole, tamen  
 post feceris, & post abit, & manet, nonnihil est respi-  
 rationis, quo magis sentiatur *εὐαῖνως*. Rursus idē fit  
 in secundo membro. Subtilius est autem quod indicat  
 Fabius in arma, uirūque cano: primam dictionē ar-  
 ma, per hypodiasistolē separandam à sequentibus, quū  
 uterque casus referatur ad idem uerbum cano: ceterū  
 quoniam uirum refertur ad sequentia, nimirum hæc,  
 Troiæ qui primus ab oris, breuissima interspiratiun-  
 cula monendus est auditor, sic ut minimum accedat  
 silentio, minimū decedat breui syllabæ. Vnde & *ὑπο-*  
*συστολή* dicitur, quod breui quoque nōnihil detrahitur.  
 Quoties enim ex longa fit breuis, ut, vrbēque Fide-  
 nam, systolen uocant grammatici, hoc hyposystolen ap-  
 pellat Fabius, quæ dimidium temporis detrahit sylla-  
 bæ, & addit silentio. Rursus post hanc clausulam, At-  
 que altæ mœnia Romæ, quatuor aut quinque tempo-  
 rum spatio uocem suspēdere licebit, ut uelut nouo ex-  
 ordio subiicias, Musa mihi causas memora. Interdum  
 & uox nonnihil immutatur, ubi particulam à sensu  
 diuulsam interseris: ut, Hos illi, quod nec bene uertat,  
 mittimus hædos. quod nec bene uertat, uox nonnihil  
 immutata sonatur. Obscurius est in illo, Qui, malum,  
 alij? Malum enim. quoniam interiectionis uicem ob-  
 tinet, leui submissione uocis distinguendū est, nec non  
 morula, sed breuissima. Ceterum in Adelphis Mitio  
 quum dixisset, Storax, clariore uoce sonuit, nimirum  
 accersens seruum, interposito iusto silentio, reliqua mu-  
 tata uoce ueluti secum loquitur. Verū hæc persequi  
 non est huius instituti, & extant authores unde hæc  
 qui uolet possit petere: quod hic agimus, illud est pueros

systole.

Terentiū lo-  
cus.

arandos à more quorundā, qui totum sermonem perpetua linguae uolubilitate, et, ut Graeci dicunt, *ἀμύσσι* pronuntiant, quod in Gallis potissimum mihi uideor animaduertisse, nonnullis etiam hoc ceu uirtutem affe-  
stantibus. Rursus alij singulas penè uoces longa inter-  
spiratione, aut etiā tussi, gemitūue dirimunt, nec ullum  
tam leuiter incisum occurrit, ubi non diutius interfile-  
scant. Sunt autem uoces quae se nullo silētio interposito  
patiuntur coniūgi, ut cumprimis, et homo praediues, o-  
ratio benelōga, uir malesanus, quasi cōpositae sint. Rur-  
sus aliae non patiūtur, ut, Vxor iussit suo nomine tibi sa-  
lutē dicere: uxor à iussit, tenui discrimine separandū  
est, atque etiā iussit à pronomine suo, ob collisionē con-  
sonantiū: suo nomine, probè sibi cohærent. At id magis  
faciendū in duplicibus duplicatis, aut concursu dupli-  
catarum, ut sincera pax xenia non moratur: et pons  
struendus: inter pax et xenia, inter pons et struendus  
distinctio uerè duo requirit tempora. Et, Declarant stu-  
diū in nos suū: Inter declarant et studiū, uix sufficit  
interposuisse tēpus unū. L. Deum immortalē, quā m-  
operosa res est emendatē loqui. V. Ex his coniūcias  
licebit cætera. Nam, ut diximus, innumeræ sunt causæ  
quæ uel continuationem suadent, uel incisionem di-  
ctionum et partium. L. Haud prorsus alienum sit  
ab hoc argumento, de distinctionum notis nonnihil at-  
tingere. V. Optarim in his typographos consentire.  
Nunc uariæ feruntur, nec pares tamen uarietati distin-  
guendæ uocis. Theodorus Gaza eodem puncto distin-  
guit triplicem pronuntiationem, perfectā puncto in  
medio spatij posito, imperfectā in imo, mediam in  
summo. Verū hic ut facilis est scribarum lapsus, ita

Accentuum  
ratio.

Cūprimis.  
Benelonga.  
Malesanus.



Et pronuntiantium falli possunt oculi. Malim notulas  
 uariā habere figuram, ut minima interspiratiuncula,  
 qualis est post uocandi casum interdum, signetur pun-  
 cto inflexo ad imum dictionis: paulo maior distinctio  
 duobus punctis, quorum alterum ad latus additum  
 modicè flectatur deorsum: principale uerò cōma quod  
 secat orationem, notetur duobus punctis, quorum supe-  
 rius inferiori immineat. Cæterum ubi iam non pen-  
 det constructio, sed additur aliquid sententiæ, pūctum  
 addatur imæ dictioni. Totam periodum absolutam si-  
 gnent duo puncta, quorum inferius fluat deorsum,  
 quæ Græcis nota est interrogandi. Siquid extra ordi-  
 nem interijcitur, quod uelut ab alio interloquente di-  
 ctum, submissiore uoce sonari solet, lunulis duabus di-  
 midiatīs signant quidam. Interrogationem nota Græ-  
 corum inuersa signant Latini. Hic exisite scrupulus,  
 quæ sit uera interrogatio. Quoties negamus per inter-  
 rogationem, quidam non putant addendam notam:  
 multo minus quum percontandi specie dubitamus auc-  
 miramur. Hæc differentia uidetur et alteram notam  
 desiderare, quæ sic fingi posset, unico puncto sursum  
 inflexo. Iam si illud quoque conueniat, ut omnes ad  
 singulas notas uocem accommodent, non parum erit  
 commoditatis uel ijs qui dictant alijs scribenda, uel ijs  
 qui collatione codices emendant, uel ijs denique qui  
 publicè recitant aliquid. L. Et breuiter et dilucidè  
 rem expedisti, nec amplius abs te requiram, si exem-  
 plum subieceris. V. Ausculta ergo. Si mihi charissime  
 nepos, daretur optio, malim breuem uitam cum hone-  
 state, quàm longam cum infamia. Propterea quòd nul-  
 li mortaliū uita longa possit contingere, memoria uerò

(quæ uera est hominis uita) in multa secula porrigitur. Quid uerò humana uita fugacius: contra quot seculorum millibus quorundam fama durat? L. Nihil prætermisissimum. V. Illud tamen admonendus es, ut

commata, ita et hypodiascolas et hypostigmas posse plures in eadem periodo incidere. Nam quemadmodum ea pars quæ præcedit comma principale, aut etiam colon, potest habere plures minutas distinctiones, ita et ea quæ sequitur: omitto nunc illas notulas, quæ manent syllabas ac distinctiones diuidendas, quæ male coniunguntur. L. Rectè, sed probasne quorundam, meo iudicio, morosam diligentiam qui Græcorum exemplo Latinis dictionibus ascribunt spiritus ac tonos, ac præter illorum exemplum, etiam porrectionis aut correptionis notas addunt: hoc quoque est literarum ordine submotum, huius uice notulam superscribunt aspirandæ literæ? V. Superstitiosum scribendi genus audi. L. Non defuere tamē apud Italos, qui genus hoc inuehere moriebantur. Si pateris, addam exemplum tuæ uaginae.

V. Vel totam occupa. L. Distichon sat erit, Omnia sunt omnium tenui pendentiâ fito. Et subito casu quæ ualuerunt ruunt.

L. Quid tibi uidetur? V. Hic illud uetus occurrit, *μὴ δὲρ ἄγαν*. Primum hoc, iam tot seculis receptum, quid attinet tollere? Deinde signare temporum minutias, nimis curiosum mihi uidetur: tonos et productiones aut correptiones in his notare, in quibus causa quæpiam hortatur, probo. L. Quot causas adferunt? V. Tres potissimum, distinctione, ambiguitatem, et necessitatē. Distinctio et ambiguitas, quarum una uidetur habere locum in unica dictione, altera in duabus, pluribusue,  
i. iiij.

suadet addi notam mutati accentus, ut quum dicimus, ponè ratem, ultimæ tonum addimus, ut ponè intelligatur esse præpositio, idem ualens quod iuxta: non imperatiuum à pono. Nam pône metum, habet priorem circumflexam. Rursus, Penè rem patriam perdidit, quum aduerbium intelligi uolo, posteriori tonum addo: quum membrum obscœnum, priorem inflecto, Pêne rem perdidit. De lâbor & lâbor antè dictum est.

Palàm L. Memini. V. Idem licet in palàm dedit, aduerbium indicans, addo tonum in fine: si est instrumentum rusticatum, aut anuli pars, priorem inflecto. Nec eodem modo sono, quum improbum & effe-ratis moribus auo feræ similem: & quum eum qui non multum abest à forma alterius, dico ferè similem. Ad eundem modum quantitas distinguit dictionem: cêdo, unde cêcidi, longam habet & acutâ: cêdo unde cêssi, non habet quo discernatur, nisi fortè tono cêdo. sed ab hoc cêdo, quod pro dic interdû usurpatur, rursus nota breuitatis discernitur. At cêcidi à cado, primâ habet acutam: à cêdo, penultimam cêcidi. Item profectò participium est, profectò aduerbium affirmantis: & uulgo uerbum est, ualgò nomen siue aduerbium. Certo uerbum, certò aduerbium. Falso nomen, falso aduerbium, tamen si quidam hoc malunt circumflectere: una nomen, unâ aduerbium: os, unde oris: & os, unde offis: & ôra ab os, & ôra uerbum: ergo coniunctio, & ergò nomen pro gratia, Illius ergò uenimus. Ita distinguimus rauice & spûrce uocandi casum, & rauice, spûrce aduerbium: lêge uerbum, à lêge nonine: uénimus & uénit præteritum, à uenimus, & uénit præsentis: & diuâm à diuum, & dcûm à déum, & numûm à nú-

Ponè

Pône

Palàm

Ferè

Cêdo

Cêdo

Cêdo

Profectò

Vulgò

Certò

Falso

Unâ

ôra

Ergò

Rauice

Lêge

Vénit

Diuâm

nam, genitiuos ab accusatiuis. Huius generis exempla sunt infinita. Necessitatis exemplum adferunt, quum dicimus intereáloci, in aduerbio transferētes tonū ab Intereáloci antepenultima prioris dictionis in ultimam, et proximam dictionem suo tono spoliantes, ut auditor admoneatur, intereáloci, nihil aliud ualere, quàm interea. Nam loci, festiuitatis causa adiungitur. Huius farinae sunt, maleficus, malesānus, sicut malesuāda, Malesānus ádmódum, propémódum, inuicem, propédiem, indies. Idem fit quoties ex præpositione et aduerbio conflatur dictio, próinde, déinde. Similiter in coniunctionibus, enímuero, étenim, síquidem, quandoquidem. Nec ideo statim corripio, ue, penultimā in enímuero, si nim, præcedentem syllabam acuo. Alij necessitatis exemplū producant, quum dicimus, homo probus doctúsque, ut intelligas, que, coniunctionem adherere proximæ dictioni præter rationem accentuum: posteriorem syllabam acuo: et si plurium syllabarum sit dictio, geminum addo tonum, ut omniúmque. Aliter enim effero, omniúmque quæ fecit rationem reddidit: aliter, patris omniúmque cognatorum fauorē amisit. L. At uereor ne quis nos hebetes stupidósque uocet, si nō queamus ex ipso sensu diiudicare in Falso queritur genus humanum: falso aduerbium sit, an nomen, an participium. Aut in illo, Nunc scio quid sit amor: amor, nomen sit, an uerbum. V. Sit hoc sanè perspicuum mediocriter eruditis, ac frequenter sic incidunt, ut semidocti labantur, docti nonnihil hæsitent: an non rectum fuerit illorum errorem, horum contatiunculam exiguo negotio redimere? Vulgo quantum operæ perit in adiectionis literarum flexibus et lasciuientibus lineis?

Quanto facilius est addere uirgulam, quæ ut doctis nihil officit, ita pueris et illiteratis est necessaria. rudis enim ætatis hîc negotium agimus potissimum. His quum dictamus, ab his quum exigimus dictata, quum scripturâ emendatam exposcimus, tum hæc superuacanea uideri non possunt. Nec tamen in his mihi probatur anxia superstitiosaque cura, præsertim ubi res agitur seria, quod non hîc tantum præcepit ille scriptorum omnium diligentissimus Quintilianus: sed eum qui bene scribere nititur, curiosum non esse, sed fuisse oportet: quemadmodum, ut ait Seneca, quædam didicisse oportet, non discere. Tum demum gratiam habet in arte negligentia, si successit immodicæ diligentia, ita ut curam remissam sentias non onissam. Hæc nimirum est illa docta negligentia, quam Terentius mauult æmulari, quàm aliorum obscuram diligentiam. L. At sunt qui putant à magnis authoribus rectissime dictum, Scientiam mihi seruare, usum sequor: et Sapiendum ut pauci, loquendum ut plures.

Loquendum  
ut plures.

V. Isthuc tum fortassis erat aliquid, quum sermonis ius adhuc penes populum erat, quumque ritu foliorum cadentium uicissim ac subnascentium noua uerba gigneret, deijceretque quæ fuerant in honore uocabula pro suo arbitrio popularis usus. Quanquam nec Cicero, nec Quintilianus loquuti sunt ut plures: Nec enim uulgo receptus error, usus nomen promeretur. Nunc uero nihil rei nobis est cum populo: à doctis petitur omnis loquendi ratio. L. A quibus tandem, et quo seculo natis? V. Hîc tibi pro me respondet uetus Græcorum prouerbiū, οὐτ'ε παρτα, οὐτ'ε παρτη, οὐτ'ε παρτων. A. Cicerone nemo negat optimū loquendi

Loquendi ra-  
tio à quibus  
petenda.  
Cicero.

exemplar peti, nec inficiari possumus eo seculo dicendi genus incorruptissimum fuisse, quo iam et horror ille nimirum priscæ uetustatis abesset, et nondum degenerasset Romanæ linguæ sinceritas. Non tamen ab uno Cicerone peti omnia, nec statim quicquid illi placuit, pro optimo duxerim, ut rissi dicere malim, quàm risi, Rissi, risi quia sic ille fertur scribere solitus. Nec reijciam siquid uetustiores aut rectiores porrexere melius. L. Nunc quibusdam putet quicquid in libris Ciceronis non deprehenditur. Rursus alij siquam scripturam in cariōsa charta, aut in saxo uetustate semeso, aut in nomismate peruetusto reperiunt, eam uocant in exemplum dicendi scribendique. V. Equidem hoc hominum genus ridere soleo, non odisse. Delectant enim nos antiquitatis studio, nonnunquam et profunt. Non permittam autem illis, ut è suis delicijs, loquendi leges nobis præscribant. Siquidem orthographiæ ratio nec eodem seculo fuit eadem apud omnes. Et tamen obsoleta loco intermixta suam habent gratiam, ueluti quum citamus priscorum dicta, aut ad illa alludimus. Tum siquid desiderabitur in supellectile Romani sermonis, quod apud Ciceronem non reperiatur, haud uerebor ex Catone, Varrone, Plinius, Quintiliano, Seneca, Suetonio, Quinto Curtio, Columella sumere mutuò. Si ab his quoque destituor, superest Græcorum sacra anchora.

L. Nihilne igitur petendum ab horum temporum consuetudine? V. Quidni? siquid habeat recti. Vides quàm multa sumpserimus ex Gallorum, Germanorum, Britannorum, Italarum uulgaris pronuntiatione. Et si mihi disputandum esset in scholis publicis, ineptus essem si nihil tribuerem ibi receptæ consuetudini.

Præstat enim balbutire cū balbis, quàm et rideri, nec intelligi. Attamen ita cœdendū est consuetudini, ut medicus cœdit morbo: paulatim alleuās, quando semel nō potest tollere. Et nunc in scholis ferūtur, quæ antē annos triginta fuissent explosa: adeo quædam facilius elabuntur, quàm expelluntur. Quis olim tulisset in templis pronuntiantem Timotheus antepenultima acuta? Aut Kyrie eleeson, septē syllabis, et absque diphthongo? Aut Christe sonantem pro Criste? Nunc probantur etiam, non modo feruntur. Cæterum illa debet esse curarum prima, ne puer Græcæ Latineue pronuntiās, ex vulgari sermone uitia trahat: quorum minimum esse ferunt apud Romanos, plurimum apud Gallos, plus satis apud Germanos, nonnihil et apud Hispanos. Angli in ratione pronuntiandi, secundū ipsos primam laudē tribuunt Itali. Sed quid risisti Leo? Ruggere leonum est, non ridere. Dicam tamen quæ res in mentem ueniens mihi risum excusserit. V. Narra, te quæso, ut ipse quoque tecum rideam. L. Dicam. non admodum diu est, quod me fortē præsentē MAXIMILIANVS Cæsar ab aliquot oratoribus salutaretur, quod ex more magis, quàm ex animo nonnunquam fieri solet, quorum unus erat Gallus, natione Cenomanus: nomen non exprimam, ne uidear hominem notare, cui bene uolo. Is orationem ab Italo quopiā, ut arbitror, compositam, nec malè Latinam, adeo Gallicè pronuntiavit, ut Italis aliquot eruditis qui tum aderant, Gallicè non Latine dicere crederetur. Nominare possim ex illis aliquot tibi non ignotos. Quum is perorasset, non absque incommodo: (nam in media dictione sibi exciderat, turbatus, ut conyicio, risu circum-



stantiū) quærebatur qui ex more responderet, idque ex tempore. Nam Galli oratio præter expectationē acciderat. Protrusus est ad hoc negotiū Doctor quidā aulicus. Vnde id liquebat? L. Pileum gestabat suffultum candidis pellibus: hæc signū. Is hūc in modū orsus est, Cæsarea maghestas penè caudet fidere fœs, et horationem festram lipenter audisit: aliāque tanto spiritu, tamque Germanicæ, ut nemo vulgari lingua dicens possit magis Germanicæ. Hunc maior excepit risus. Sequutus est orator Dania, quanquam is qui dicebat, videbatur Scotus, mirè referens eius gentis pronuntiationem. Huic oppositus est Zelandus quidam: deiectus neutrum loqui Latine. V. Quid interea Cæsar, potuitne tenere risum? L. Assueuerat huiusmodi fabulis, nec erat ullius linguae rudis. Verūm hæc eò dico, quò tua dicta confirmem, nihil prius curandum, quam ut puer dediscat vitia linguae gentilitiæ. Superest ut indices, quibus id rationibus quamocysimè et quæfœlicissimè fieri possit. V. Apsitaco licet exemplum sumere. Crebrò occinitur meditati, ac subinde exigitur quod didicit. Si indocilis est, domatur ferula, reddenti quod accepit, cibus præmij loco est. Adhibendus qui linguā habeat emendatam: is admonitus quomodo præeat, conantem adiuvet, fœliciter reddentem collaudet, relabentem in ueterem consuetudinem crebrò corrigit: mensis unus totum hoc negotium absoluet. Profuerit si puer sodalibus utatur munimè balbis, sed incorruptè explanatèque loquentibus. L. Rationem probo, nisi quòd interim periculum est, ne, quoniā perpauci sunt emendatè loquētes, post cogatur quòd magno sudore didicit, maiore dediscere, itaque fiet ut nec

Italīs placeat, nec suis. V. Quod scholis accidit, idem  
eueniet omnibus cæteris: optima placebunt si non om-  
nibus, certè quamplurimis. Et tamē non improbarim,  
si cui tanta naturæ dexteritas obtigit, ut quemadmodū  
Polypus colorem ad loci subiecti speciem, ita rhetor vo-  
cem ad auditorum aures pro tempore accommodet.

Pronūtiā-  
di recta æ-  
leritas quo-  
modo con-  
tingit.

L. Quibus rebus fiet, ut contingat emendata pro-  
nuntiādi celeritas, præsertim in Græcis, quæ ferè grā-  
diores hodie discimus? V. Quid assequutus sim ne-  
scio: quid quomodo conatus sim aperiam. Quir enim  
quicquam arcani celestem talem amicum? L. Muto di-  
xeris. V. Ut tamen aurito. Postquam literas, sylla-  
bas, ac dictiones Græcas satis eram meditatus, ad pa-  
randam inoffensam celeritatem his artibus utebar.  
Adiunxi me quibusdam, quos existimabam castigatissi-  
mè sonare: finxi me codicum duorum collatione uelle  
castigare librum: persuasi id utrisque fore commodo:  
quum in hoc, ut utriusque codex ex alterius compa-  
ratione fieret emaculatio, quemadmodum manus ma-  
num fricat: tum ad eruditionē. Sic autem conuenit, ut  
alternis uicibus recitaremus & auscultaremus. Prin-  
cipio lentior erat recitatio. deinde, quemadmodum so-  
let, incalescens paulatim lingua sponte ferebatur ad æ-  
leritatem. Si mihi cum doctiore res erat, tantum orabā  
ut secus, quā oporteret sonantē admoneret. Ipse re-  
citantis linguam arrectissimis auribus obseruabam, o-  
culis in codicem fixis. Siquid esset recitatum difficilio-  
ris soni, fingebam me non satis percepisse, rogabāque  
ut repeteret, quo certius eius syllabæ sonitum infige-  
rem animo. Quum ille iam recitando defessus esset,  
& ad me recitandi uicē redissent, illius linguam pro

uiribus imitabar, reprehendenti gratias agebam. Si cum pari negotium esset susceptum, æquis legibus paciscēbamur, ut uterque alterum reuocaret errantem. Ad hoc munus interdū natione Græcum mercede conduxī, licet alioqui parum eruditum, propter natium illum & patrium sonum. Tamet si doctos aliquot natus sum, quorum pronuntiationem ego sanē Græcorum quorundam eloquutioni non dubitem antepone-  
 nere. Huic exercitationi datum est trimestre spatium. Nec ullius operæ me minus poenituit unquam. Nec enim simplex erat huius laboris utilitas. Excepta siquidem exercitatione pronuntiandi, primum ipsa lectio præterquam quod erat alacrior ac uigilantior, quam si solitaria fuisset, habebat & illud commoditatis, licebat sciscitari, siquid parum intelligerem. Nam & imperitior sæpenumero tenet, quod doctiorem fugit. Et nescio quo pacto fit, ut acrius meminerimus, quæ recitari audimus, quàm quæ taciti legimus, interdum semisomnes. L. Nihil uerius. V. Hac arte euoluimus seu reuoluimus potius totum Demosthenem, totum Plutarchum, totum Herodotum, Thucydidem, Homerum & Lucianum. Nec his contentus, asciui mihi sodalitatem aliquot *φίλωνων*. Cōditæ leges nequis super cœnam, nisi Græcè loqueretur, & *ἄλλοις* multa dicebatur pecuniaria, siquis Latinè dixisset absque ueniæ præfatione, assis: si Græcè quidem, sed inemendatè, assis dimidium: si bis ad eundem impegisset lapidem, hoc est, si delaberetur in eum errorem, cuius antè fuisset

fructu maximo. His artibus hanc quantulamcunque dicendi legendique promptitudinem sum adeptus, ad quam tuendam plurimum confert alijs prælegere bonos authores. L. Optarim tibi fortunam exiliorem.

V. Etiamne exiliorem, quum penè nulla sit? Quo meo merito mihi precaris tantum mali? L. Præficerem te meo leunculo. V. Næ tu planè, quod dici solet, boui clitellas, aut siquid est ineptius. Quòd si literator esse possem, habeo domi quos doceã. Verùm hanc operam tibi polliceor mi Leo: Tu quod potes dispice, si quem nancisci poteris idoneũ huic provincie, ego uicissim circumspectam, siquid queam: & collatis in commune nostris consilijs, prospiciemus catulis nostris, ut ex hominibus nati uideri queant. L. Habeo gratiam Vrse, quantum possum maximam, relaturus etiã ubi dabitur & opportunitas & facultas. Quàm tibi Leonis occursum fuerit fœlix nescio: mihi tales Vrsos optarim sæpius occurrere. Onustus tuis officijs domum redeo.

V. Nec ego nihil aufero bonæ sarcinæ. Par pari relatu est. L. Vnum te uelim adiungere tam multis in me benefactis. V. Quòdnam? L. Istam uaginã optarim esse meam. V. In quem tandem usum? L. Ne mihi excidant isti uersus tam belle picti. V. Quidnis? ut cum Samijs ridearis literatus miles. L. Ego uerò sic uel literatissimus haberi cupiam: & si proficiscar in bellum, nolim ullam armorũ partem esse mutam, sed & uaginam, & ensẽ, & capulum, & arcum, & sagittas, & lanceam, & bombardam, & galeam, & thoracem, & baltheum, & clypeum optarim habere literarium nonnihil, quod me alicuius bonæ rei admoneret. Sin domi sit agendum, cuperem totam undique

loquacissimam esse, sic ut & postes, & ostia, & fenestrae, & singulae tessellae utrae, & trabes, & laquearia, & pavimenti lateres & parietes, ad hæc & suppellex uniuersa, lodices, cortinae, aulæa, mensæ, sellæ, mātilia, disci, canthari, cyathi, cochlearia, pelues, ollæ, chytropodes, aliquid loquerentur quod expediret non obliuisci: tantum abest, ut me puderet istius uaginae.

V. Aiunt inauspicatum esse, siquid huiusmodi rerū, quæ aduersus hostes gestantur, amicus donet amico. Hoc omnis ut iutemus, ex donatione commutationem faciamus. Da tuum enssem, & accipe meum, sitque hoc pignus inter nos milititerarij fœderis. L. Quod nobis utrisque, nostrisque catulis bene uertat, accipio quod offers, Musis, uti spero, bene fortunaturis.

EXCVDEBAT ROB. STEPHANVS  
 TYPGRAPHVS REGIVS,  
 LVETETIAE, ANN. M. D.  
 XLVII. XVI. CAL. IVLII.

INDEX EORVM QVAE IN HOC  
de recta pronuntiatione dialogo continentur.

A		Bret, Breet	90
A, quomodo formandum		Breuis syllaba	78
39. 41		Bruit	72
A, quomodo sonet	61	C	
A, pro e, sonant Galli	64	C, quomodo sonetur	96
Accentus	75. 77	χ & c	110
Accentuum ratio	131	K, quomodo formandum	
Acquiro	104	40	
Acuti à circumflexo discrimen	84	κ, quomodo sonetur	99
Admodum	135	Cacacae	55
Agchora	103	Calliopius recensui	75
Aena	117	Causa	106
Ai pro æ	126	Cêdo	134
A- ruspex	96	Cêdo	134
A- tlas	96	Cêdo	134
Audys	92	Certo	134
B		Cervon	115
B, quomodo formandum.		χ & ch	101
39. 41		Cicero imitandus	140
Ba be bi	55	Ciceroniani dialogi	58
Baccharius	23	ma	141
Bas	92	κόκκυξ	67
Bat, Baet	92	κοιλοσμία	59
Beau	72	κολοβῶται	59
Bene longæ	131	Consonantes antiquis nō	
Best, Beeft	90	geminatæ	121
Blesi	55	Cout	71
		Cuculus	67

# I N D E X.

Cum primis	131	Fleur	72
D		Fliech	112
D quomodo sonetur	97.117	Flieghen	112
[Δ] quid significet	40	Floumen	68
Deinde	135	Foi	71
Digamma AEolica	109.115	Fresen	112
Diphthongi	69	Fruyt	72
Diphthongi propria	71	Fuga	109
Distinguedæ orationis, &		Fur	109
morularū inter legen-		G	
dum faciendarum ra-		Gat, Gaet	92
tio	129	G. litera	116
Diuūm	134	γ & g	100.103
Doos	92.93	Gannire	111
E		Gout	71
E, quomodo sonetur	62	Grammatica	89
Eer	102	Gruet	72
Egredi	112	H	
Enūmero	135	Heer	102
Est, Gallicè e't	52	Here, heri	63
Est Gallicum	107	Honos	52
Ergō	134	Huis	72
Étenim	135	I	
Æ sex	117	I, quomodo sonetur	64
F		n, quomodo sonetur	62
F. litera	108	I, initio se prolatum	58
Falso	134	Ici, Picardicum	99
Fama	109	indies	135



# INDEX.

Iotacismus	57	M	
Quomodo docendi inue-		M, muta	121
nes scribere	43	Máala	93
K		Mála, mála	93
Kees	93	Magistri nostri	14
Kin	99	Malefanus	131. 135
Kind	99	Malefuâda	135
Kennen	99	Masia	52
Kemmen	99	Metacismus	58
Kynne	99	Meys	93. 99
L		Mieulx	71
L, muta	110	Mihi	117
L quomodo formatur	40	μολαία	56
Labdacismus	57	Moi, Gallia	71
Lêge	134	Mouue	71
Leege	92. 93	μῶς, inus	67
De rectè promptè que le-		Mussare	121
gendo	46	Mutus	121
Left, Leeft	90	N	
Lis	93	N, muta	121
Licentia	23	Nihil	117
Literarum decor	39	Noomen	68
Literas agnoscere quomo-		Numûm	134
do docendi pueri	47	O	
Longa syllaba	78	O productum in fine uer-	
Loquendi ratio à quibus		borum	85
petatur	140	O quomodo sonetur	65
Loquendum ut plures		Optumus, optimus	67
140		Ôra	134
Loumen	67	ou diphthongus	67
Lulctus	93	Oud	71

# INDEX.

P		Risi, rissi	137
P quomodo formetur	96	S	
P quomodo sonetur	96	S inflexo corpore	106
Palàm	134	Sa, so, se, si	106
Pas	92	Scribere discat puer	37
Pellucidum	52	Scribere quomodo docē-	
Perlucidum	52	di iuvenes	47
Peu	71	Seigneur	107
πλαπασουός	58	Servon	115
Ponè, pône	134	Sex	117
Pròinde	135	Siquidem	135
Profectò	134	Smyth	104
De recte pronūtiādo	51	Sóphia	90
Pronuntiandi recta	α	Sungstus	103
leritas quomodo con-		Super	67
tingat	140	Superbus	67
Propèdiem	135	Syllabæ difficiliore	in-
Propèmodum	135	culcandæ pueris	55
Pu, put	90	Syllabarum earundē i-	
Q		teratio initiosa	55
		Systole	130
Quaet	71	T	
Quandoquidem	135	T quomodo sonetur	97. 105
Que coniunctio	135	Tempori	63
De quātitate syllabarū	73	Terentij locus	130
R		Thief	104
Rat, Raet	92	Ti pro ci	105
Ráuæ	134		

# INDEX.

Tsanen	105	Vocativus in i	112
Tuer, Gallia: dūen	67	WacKen	111
V		WeecK	111
V, consonans	68. 111	Wet, Weet	111
V, quomodo sonetur	66	Win, Wijn	90
Vaccularius	23	Wit, Wijt	90. 112
Valesij	52	Wonen	111
Vel, Veel	90	Wracken	111
Vênit	134	Wraghen	111
Vet, Veet	90. 111	Wringhen	111
Virgili	112	Wyn	111
Viſch	113	Vulgo	134
Vinijs	92	y, litera Græca	122
Vnd	134	y respondens v Græco	67
Vles, Vlces	90	ζ, duplex	105
Vloyen	113	ζ, quo pacto sonandū	106
Vloet	113	v, quomodo sonetur	67
Vocales ancipites apud		ω̄, super	67
Latinos	61	ξ ω̄ †	105
Vocalis geminata pro lon-		ψ, miſmōs	55
ga	92		
Vocalis natura longi quo-			
modo à breui discerna-			
tur	90		
Vocalium sonus	61		